

Namo tassa bhagavato arahato sammāsambuddhassa

Khuddakanikāye

Vimānavatthupāḷi

1. Itthivimānaṃ

1. Pīṭhavaggo

1. Paṭhamapīṭhavimānavatthu

1. “Pīṭhaṃ te sovaṇṇamayamaṃ uḷāraṃ, manojavaṃ gacchati yena kāmamaṃ;
Alaṅkate malyadhare [mālyadhare (syā.)] suvatthe, obhāsasi vijjurivabbhakūṭamaṃ.
2. “Kena tetādiso vaṇṇo, kena te idha mijjhati;
Uppajjanti ca te bhogā, ye keci manaso piyā.
3. “Pucchāmi taṃ devi mahānubhāve, manussabhūtā kimakāsi puññaṃ;
Kenāsi evamaṃ jalitānubhāvā, vaṇṇo ca te sabbadisā pabhāsati”’ti.
4. Sā devatā attamanā, moggallānena [moggalānena (ka.) evamuparipi] pucchitā;
Pañhaṃ puṭṭhā viyākāsi, yassa kammassidaṃ phalaṃ.
5. “Ahaṃ manussesu manussabhūtā, abbhāgatānāsanakaṃ adāsimaṃ;
Abhivādayimaṃ añjalikaṃ akāsiṃ, yathānubhāvañca adāsi dānaṃ.
6. “Tena metādiso vaṇṇo, tena me idha mijjhati;
Uppajjanti ca me bhogā, ye keci manaso piyā.
7. “Akkhāmi te bhikkhu mahānubhāva, manussabhūtā yamakāsi puññaṃ;
Tenamhi evamaṃ jalitānubhāvā, vaṇṇo ca me sabbadisā pabhāsati”’ti.

Paṭhamapīṭhavimānaṃ paṭhamamaṃ.

2. Dutiyapīṭhavimānavatthu

8. “Pīṭhaṃ te veḷuriyamayaṃ uḷāraṃ, manojavaṃ gacchati yena kāmamaṃ;
Alaṅkate malyadhare suvatthe, obhāsasi vijjurivabbhakūṭamaṃ.
9. “Kena tetādiso vaṇṇo, kena te idha mijjhati;
Uppajjanti ca te bhogā, ye keci manaso piyā.
10. “Pucchāmi taṃ devi mahānubhāve, manussabhūtā kimakāsi puññaṃ;
Kenāsi evamaṃ jalitānubhāvā, vaṇṇo ca te sabbadisā pabhāsati”’ti.
11. Sā devatā attamanā, moggallānena pucchitā;
Pañhaṃ puṭṭhā viyākāsi, yassa kammassidaṃ phalaṃ.

12. “Ahaṃ manussesu manussabhūtā, abbhāgatānāsanakaṃ adāsīṃ;
Abhivādayiṃ añjalikaṃ akāsīṃ, yathānubhāvañca adāsi dānaṃ.
13. “Tena metādiso vaṇṇo, tena me idha mijjhati;
Uppajjanti ca me bhogā, ye keci manaso piyā.
14. “Akkhāmi te bhikkhu mahānubhāva, manussabhūtā yamakāsi puññaṃ;
Tenamhi evaṃ jalitānubhāvā, vaṇṇo ca me sabbadisā pabhāsati”’ti.

Dutiyapīṭhavamānaṃ dutiyaṃ.

3. Tatiyapīṭhavamānavatthu

15. “Pīṭhaṃ te sovaṇṇamayaṃ ulāraṃ, manojavaṃ gacchati yena kāmāṃ;
Alaṅkate malyadhare suvatthe, obhāsasi vijjurivabbhakūṭaṃ.
16. “Kena tetādiso vaṇṇo, kena te idha mijjhati;
Uppajjanti ca te bhogā, ye keci manaso piyā.
17. “Pucchāmi taṃ devi mahānubhāve, manussabhūtā kimakāsi puññaṃ;
Kenāsi evaṃ jalitānubhāvā, vaṇṇo ca te sabbadisā pabhāsati”’ti.
18. Sā devatā attamanā, moggallānena pucchitā;
Pañhaṃ puṭṭhā viyākāsi, yassa kammassidaṃ phalaṃ.
19. “Appassa kamma phalaṃ mamedāṃ [mameṭaṃ (ka.)], yenamhi [tenamhi (ka.)] evaṃ
jalitānubhāvā;
Ahaṃ manussesu manussabhūtā, purimāya jātiyā manussaloke.
20. “Addasaṃ virajaṃ bhikkhuṃ, vippasannamanāvilaṃ;
Tassa adāsahaṃ pīṭhaṃ, pasannā sehi pāṇibhi.
21. “Tena metādiso vaṇṇo, tena me idha mijjhati;
Uppajjanti ca me bhogā, ye keci manaso piyā.
22. “Akkhāmi te bhikkhu mahānubhāva, manussabhūtā yamakāsi puññaṃ;
Tenamhi evaṃ jalitānubhāvā, vaṇṇo ca me sabbadisā pabhāsati”’ti.

Tatiyapīṭhavamānaṃ tatiyaṃ.

4. Catutthapīṭhavamānavatthu

23. “Pīṭhaṃ te veḷuriyamayaṃ ulāraṃ, manojavaṃ gacchati yena kāmāṃ;
Alaṅkate malyadhare suvatthe, obhāsasi vijjurivabbhakūṭaṃ.
24. “Kena tetādiso vaṇṇo, kena te idha mijjhati;
Uppajjanti ca te bhogā, ye keci manaso piyā.
25. “Pucchāmi taṃ devi mahānubhāve, manussabhūtā kimakāsi puññaṃ;
Kenāsi evaṃ jalitānubhāvā, vaṇṇo ca te sabbadisā pabhāsati”’ti.

26. Sā devatā attamanā, moggallānena pucchitā;
Pañhaṃ puṭṭhā viyākāsi, yassa kammassidaṃ phalaṃ.
27. “Appassa kammaṃ phalaṃ mamedam, yenamhi evaṃ jalitānubhāvā;
Ahaṃ manussesu manussabhūtā, purimāya jātiyā manussaloke.
28. “Addasaṃ virajaṃ bhikkhuṃ, vipasannamanāvilaṃ;
Tassa adāsahaṃ pīṭhaṃ, pasannā sehi pāṇibhi.
29. “Tena metādiso vaṇṇo, tena me idha mijjhati;
Uppajjanti ca me bhogā, ye keci manaso piyā.
30. “Akkhāmi te bhikkhu mahānubhāva, manussabhūtā yamakāsi puññaṃ;
Tenamhi evaṃ jalitānubhāvā, vaṇṇo ca me sabbadisā pabhāsati”’ti.

Catutthapīṭhavimānaṃ catutthaṃ.

5. Kuñjaravimānavatthu

31. “Kuñjaro te varāroho, nānāratanakappano;
Ruciro thāmavā jvasampanno, ākāsamhi samīhati.
32. “Padumi padma [paduma... (sī. syā.) evamuparipi] pattakkhi, padmuppalajutinidharo;
Padmacuṇṇābhikiṇṇaṅgo, soṇṇapokkharamāladhā [... mālavā (sī. syā.)].
33. “Padumānusaṭaṃ maggaṃ, padmapattavibhūsitam.
Ṭhitam vaggumanuggatī, mitam gacchati vāraṇo.
34. “Tassa pakkamamānassa, soṇṇakaṃsā ratissarā;
Tesaṃ suyati nigghoso, turiye pañcaṅgike yathā.
35. “Tassa nāgassa khandhamhi, sucivatthā alaṅkatā;
Mahantaṃ accharāsaṅghaṃ, vaṇṇena atirocasi.
36. “Dānassa te idaṃ phalaṃ, atho sīlassa vā pana;
Atha añjalikammaṃ, taṃ me akkhāhi pucchitā”’ti;
37. Sā devatā attamanā, moggallānena pucchitā;
Pañhaṃ puṭṭhā viyākāsi, yassa kammassidaṃ phalaṃ.
38. “Disvāna guṇasampannaṃ, jhāyimaṃ jhānataṃ sataṃ;
Adāsiṃ pupphābhikiṇṇaṃ, āsanaṃ dussasanthataṃ.
39. “Upaḍḍhaṃ padmamālāhaṃ, āsanassa samantato;
Abbhokirissaṃ pattehi, pasannā sehi pāṇibhi.
40. “Tassa kammakusalassa [kammaṃ kusalassa (sī. pī.)], idaṃ me īdisaṃ phalaṃ;
Sakkāro garukāro ca, devānaṃ apacitā ahaṃ.
41. “Yo ve sammāvimuttānaṃ, santānaṃ brahmacāriṇaṃ;
Pasanno āsanaṃ dajjā, evaṃ nande yathā ahaṃ.

42. “Tasmā hi attakāmena [atthakāmena (ka.)], mahattamabhikāṅkhatā;
Āsanam dātabbam hoti, sarīrantimadhārīna”’nti.

Kuñjaravimānaṃ pañcamaṃ.

6. Paṭhamaṅvāvimānavatthu

43. “Suvaṇṇacchadanaṃ nāvaṃ, nāri āruyha tiṭṭhasi;
Ogāhasi pokkharāṇiṃ, padmaṃ [padumaṃ (sī. syā.)] chindasi pāṇinā.
44. “Kena tetādiso vaṇṇo, kena te idha mijjhati;
Uppajjanti ca te bhogā, ye keci manaso piyā.
45. “Pucchāmi taṃ devi mahānubhāve, manussabhūtā kimakāsi puññaṃ;
Kenāsi evaṃ jalitānubhāvā, vaṇṇo ca te sabbadisā pabhāsati”’ti.
46. Sā devatā attamaṇā, moggallānena pucchitā;
Pañhaṃ puṭṭhā viyākāsi, yassa kammassidaṃ phalaṃ.
47. “Ahaṃ manussesu manussabhūtā, purimāya jātiyā manussaloke;
Disvāna bhikkhū tasite kilante, uṭṭhāya pātuṃ udakaṃ adāsiṃ.
48. “Yo ve kilantāna pipāsītānaṃ, uṭṭhāya pātuṃ udakaṃ dadāti;
Sītodakā [sītodikā (sī.)] tassa bhavanti najjo, pahūtamaḷyā bahupuṇḍarīkā.
49. “Taṃ āpagā [tamāpagā (sī. ka.)] anupariyanti sabbadā, sītodakā vālukasanthatā nadī;
Ambā ca sālā tilakā ca jambuyo, uddālakā pāṭaliyo ca phullā.
50. “Taṃ bhūmibhāgehi upetarūpaṃ, vimānaseṭṭhaṃ bhusasobhamānaṃ;
Tassidha [tasseva (syā.)] kammaṃ ayaṃ vipāko, etādisaṃ puññaṃ [katapuñña (sī.)]
labhanti.
51. “Tena metādiso vaṇṇo, tena me idha mijjhati;
Uppajjanti ca me bhogā, ye keci manaso piyā.
52. “Akkhāmi te bhikkhu mahānubhāva, manussabhūtā yamakāsi puññaṃ;
Tenamhi evaṃ jalitānubhāvā, vaṇṇo ca me sabbadisā pabhāsati”’ti.

Paṭhamaṅvāvimānaṃ chaṭṭhaṃ.

7. Dutīyaṅvāvimānavatthu

53. “Suvaṇṇacchadanaṃ nāvaṃ, nāri āruyha tiṭṭhasi;
Ogāhasi pokkharāṇiṃ, padmaṃ chindasi pāṇinā.
54. “Kena tetādiso vaṇṇo, kena te idha mijjhati;
Uppajjanti ca te bhogā, ye keci manaso piyā.
55. “Pucchāmi taṃ devi mahānubhāve, manussabhūtā kimakāsi puññaṃ;
Kenāsi evaṃ jalitānubhāvā, vaṇṇo ca te sabbadisā pabhāsati”’ti.

56. Sā devatā attamanā, moggallānena pucchitā;
Pañhaṃ puṭṭhā viyākāsi, yassa kammassidaṃ phalaṃ.
57. “Ahaṃ manussesu manussabhūtā, purimāya jātiyā manussaloke;
Disvāna bhikkhuṃ tasitaṃ kilantaṃ, uṭṭhāya pātuṃ udakaṃ adāsiṃ.
58. “Yo ve kilantassa pipāsitassa, uṭṭhāya pātuṃ udakaṃ dadāti;
Sītodakā tassa bhavanti najjo, pahūtamalyā bahupuṇḍarīkā.
59. “Taṃ āpagā anupariyanti sabbadā, sītodakā vālukasanthatā nadī;
Ambā ca sālā tilakā ca jambuyo, uddālakā pāṭaliyo ca phullā.
60. “Taṃ bhūmibhāgehi upetarūpaṃ, vimānasetṭhaṃ bhusasobhamānaṃ;
Tassīdha kammaṣa ayaṃ vipāko, etādisaṃ puññakatā labhanti.
61. “Tena metādiso vaṇṇo, tena me idha mijjhati;
Uppajjanti ca me bhogā, ye keci manaso piyā.
62. “Akkhāmi te bhikkhu mahānubhāva, manussabhūtā yamakāsi puññaṃ;
Tenamhi evaṃ jalitānubhāvā, vaṇṇo ca me sabbadisā pabhāsati”’ti.

Dutiyanāvāvimānaṃ sattamaṃ.

8. Tatiyanāvāvimānavatthu

63. “Suvaṇṇacchadanaṃ nāvaṃ, nāri āruyha tiṭṭhasi;
Ogāhasi pokkharāṇiṃ, padmaṃ chindasi pāṇinā.
64. “Kūṭāgārā nivesā te, vibhattā bhāgaso mitā;
Daddallamānā [daddaḷhamānā (ka.)] ābhanti, samantā caturo disā.
65. “Kena tetādiso vaṇṇo, kena te idha mijjhati;
Uppajjanti ca te bhogā, ye keci manaso piyā.
66. “Pucchāmi taṃ devi mahānubhāve, manussabhūtā kimakāsi puññaṃ;
Kenāsi evaṃ jalitānubhāvā, vaṇṇo ca te sabbadisā pabhāsati”’ti.
67. Sā devatā attamanā, sambuddheneva pucchitā;
Pañhaṃ puṭṭhā viyākāsi, yassa kammassidaṃ phalaṃ.
68. “Ahaṃ manussesu manussabhūtā, purimāya jātiyā manussaloke;
Disvāna bhikkhū tasite kilante, uṭṭhāya pātuṃ udakaṃ adāsiṃ.
69. “Yo ve kilantāna pipāsitānaṃ, uṭṭhāya pātuṃ udakaṃ dadāti;
Sītodakā tassa bhavanti najjo, pahūtamalyā bahupuṇḍarīkā.
70. “Taṃ āpagā anupariyanti sabbadā, sītodakā vālukasanthatā nadī;
Ambā ca sālā tilakā ca jambuyo, uddālakā pāṭaliyo ca phullā.
71. “Taṃ bhūmibhāgehi upetarūpaṃ, vimānasetṭhaṃ bhusasobhamānaṃ;
Tassīdha kammaṣa ayaṃ vipāko, etādisaṃ puññakatā labhanti.

72. “Kūṭāgārā nivesā me, vibhattā bhāgaso mitā;
Daddallamānā ābhanti, samantā caturō disā.
73. “Tena metādiso vaṇṇo, tena me idha mijjhati;
Uppajjanti ca me bhogā, ye keci manaso piyā.
74. “Akkhāmi te buddha mahānubhāva, manussabhūtā yamakāsi puññaṃ;
Tenamhi evaṃ jalitānubhāvā, vaṇṇo ca me sabbadisā pabhāsati;
Etassa kammaṃ phalaṃ mamedam, atthāya buddho udakaṃ apāyī’ ti [apāsīti (sī. syā. pī.)].

Tatiyanāvāvimānaṃ aṭṭhamam.

9. Dīpavimānavatthu

75. “Abhikkantena vaṇṇena, yā tvaṃ tiṭṭhasi devate;
Obhāsenti disā sabbā, osadhī viya tārakā.
76. “Kena tetādiso vaṇṇo, kena te idha mijjhati;
Uppajjanti ca te bhogā, ye keci manaso piyā.
77. “Kena tvaṃ vimalobhāsā, atirocasi devatā [devate (bahūsu) 83 vissajjanagāthāya
saṃsandetabbam];
Kena te sabbagattehi, sabbā obhāsate disā.
78. “Pucchāmi taṃ devi mahānubhāve, manussabhūtā kimakāsi puññaṃ;
Kenāsi evaṃ jalitānubhāvā, vaṇṇo ca te sabbadisā pabhāsati’ ti.
79. Sā devatā attamanā, moggallānena pucchitā;
Pañhaṃ puṭṭhā viyākāsi, yassa kammassidaṃ phalaṃ.
80. “Ahaṃ manussesu manussabhūtā, purimāya jātiyā manussaloke;
Tamandhakāramhi timīsikāyaṃ, padīpakālamhi adāsi dīpaṃ [adam padīpaṃ (sī. syā. pī.)].
81. “Yo andhakāramhi timīsikāyaṃ, padīpakālamhi dadāti dīpaṃ;
Uppajjati jotirasaṃ vimānaṃ, pahūtamaṃ bahupaṇḍarīkaṃ.
82. “Tena metādiso vaṇṇo, tena me idha mijjhati;
Uppajjanti ca me bhogā, ye keci manaso piyā.
83. “Tenāhaṃ vimalobhāsā, atirocāmi devatā;
Tena me sabbagattehi, sabbā obhāsate disā.
84. “Akkhāmi te bhikkhu mahānubhāva, manussabhūtā yamakāsi puññaṃ;
Tenamhi evaṃ jalitānubhāvā, vaṇṇo ca me sabbadisā pabhāsati’ ti.

Dīpavimānaṃ navamaṃ.

10. Tiladakkhiṇavimānavatthu

85. “Abhikkantena vaṇṇena, yā tvaṃ tiṭṭhasi devate;
Obhāsenti disā sabbā, osadhī viya tārakā.

86. “Kena tetādiso vaṇṇo, kena te idha mijjhati;
Uppajjanti ca te bhogā, ye keci manaso piyā.
87. “Pucchāmi taṃ devi mahānubhāve, manussabhūtā kimakāsi puññaṃ;
Kenāsi evaṃ jalitānubhāvā, vaṇṇo ca te sabbadisā pabhāsati”’ti.
88. Sā devatā attamanā, moggallānena pucchitā;
Pañhaṃ puṭṭhā viyākāsi, yassa kammassidaṃ phalaṃ.
89. ‘Ahaṃ manussesu manussabhūtā, purimāya jātiyā manussaloke.
90. ‘Addasaṃ virajaṃ buddhaṃ, vipasannamanāvilam;
Āsajja dānaṃ adāsīṃ, akāmā tiladakkhiṇaṃ;
Dakkhiṇeyyassa buddhassa, pasannā sehi pāṇibhi.
91. “Tena metādiso vaṇṇo, tena me idha mijjhati;
Uppajjanti ca me bhogā, ye keci manaso piyā.
92. “Akkhāmi te bhikkhu mahānubhāva, manussabhūtā yamakāsi puññaṃ;
Tenamhi evaṃ jalitānubhāvā, vaṇṇo ca me sabbadisā pabhāsati”’ti.

Tiladakkhiṇavimānaṃ dasamaṃ.

11. Paṭhamapatibbatāvimānavatthu

93. “Koñcā mayūrā diviyā ca haṃsā, vaggussarā kokilā sampatanti;
Pupphābhikiṇṇaṃ rammamidaṃ vimānaṃ, anekacittaṃ naranārisevitaṃ [[naranārībhi sevitaṃ \(ka.\)](#)].
94. “Tatthacchasi devi mahānubhāve, iddhī vikubbanti anekarūpā;
Imā ca te accharāyo samantato, naccanti gāyanti pamodayanti ca.
95. “Deviddhipattāsi mahānubhāve, manussabhūtā kimakāsi puññaṃ;
Kenāsi evaṃ jalitānubhāvā, vaṇṇo ca te sabbadisā pabhāsati”’ti.
96. Sā devatā attamanā, moggallānena pucchitā;
Pañhaṃ puṭṭhā viyākāsi, yassa kammassidaṃ phalaṃ.
97. “Ahaṃ manussesu manussabhūtā, patibbatānaññaṃ ahoṣiṃ;
Mātāva puttaṃ anurakkhamānā, kuddhāpihaṃ [[kuddhāpahaṃ \(sī.\)](#)] nappharusaṃ avocaṃ.
98. “Sacce ṭhitā mosavajjaṃ pahāya, dāne ratā saṅgahitattabhāvā;
Annañca pānañca pasannacittā, sakkacca dānaṃ vipulaṃ adāsīṃ.
99. “Tena metādiso vaṇṇo, tena me idha mijjhati;
Uppajjanti ca me bhogā, ye keci manaso piyā.
100. “Akkhāmi te bhikkhu mahānubhāva, manussabhūtā yamakāsi puññaṃ;
Tenamhi evaṃ jalitānubhāvā, vaṇṇo ca me sabbadisā pabhāsati”’ti.

Paṭhamapatibbatāvimānaṃ ekādasamaṃ.

12. Dutiyapatibbatāvimānavatthu

101. “Veḷuriyathambhaṃ ruciraṃ pabhassaraṃ, vimānamāruyha anekacittaṃ;
Tatthacchasi devi mahānubhāve, uccāvacaṃ iddhi vikubbamānā;
Imā ca te accharāyo samantato, naccanti gāyanti pamodayanti ca.
102. “Deviddhipattāsi mahānubhāve, manussabhūtā kimakāsi puññaṃ;
Kenāsi evaṃ jalitānubhāvā, vaṇṇo ca te sabbadisā pabhāsati’ ’ti.
103. Sā devatā attamanā, moggallānena pucchitā;
Pañhaṃ puṭṭhā viyākāsi, yassa kammassidaṃ phalaṃ.
104. “Ahaṃ manussesu manussabhūtā, upāsikā cakkhumato ahosiṃ;
Pāṇātipātā viratā ahosiṃ, loke adinnaṃ parivajjayissaṃ.
105. “Amajjapā no ca [nāpi (syā.)] musā abhāṇiṃ [abhāsiṃ (ka.)], sakena sāminā [sāmināva (sī.)]
ahosiṃ tuṭṭhā;
Annañca pānañca pasannacittā, sakkacca dānaṃ vipulaṃ adāsiṃ.
106. “Tena metādiso vaṇṇo, tena me idha mijjhati;
Uppajjanti ca me bhogā, ye keci manaso piyā.
107. “Akkhāmi te bhikkhu mahānubhāva, manussabhūtā yamakāsi puññaṃ;
Tenamhi evaṃ jalitānubhāvā, vaṇṇo ca me sabbadisā pabhāsati’ ’ti.

Dutiyapatibbatāvimānaṃ dvādasamaṃ.

13. Paṭhamasuṇisāvimānavatthu

108. “Abhikkantena vaṇṇena, yā tvaṃ tiṭṭhasi devate;
Obhāsenti disā sabbā, osadhī viya tārakā.
109. “Kena tetādiso vaṇṇo, kena te idha mijjhati;
Uppajjanti ca te bhogā, ye keci manaso piyā.
110. “Pucchāmi taṃ devi mahānubhāve, manussabhūtā kimakāsi puññaṃ;
Kenāsi evaṃ jalitānubhāvā, vaṇṇo ca te sabbadisā pabhāsati’ ’ti.
111. Sā devatā attamanā, moggallānena pucchitā;
Pañhaṃ puṭṭhā viyākāsi, yassa kammassidaṃ phalaṃ.
112. “Ahaṃ manussesu manussabhūtā, suṇisā ahosiṃ sasurassa gehe [ghare (syā. ka.)].
113. “Addasaṃ virajaṃ bhikkhuṃ, vippasannamanāvilam;
Tassa adāsahaṃ pūvaṃ, pasannā sehi pāṇibhi;
Bhāgaḍḍhabhāgaṃ datvāna, modāmi nandane vane.
114. “Tena metādiso vaṇṇo, tena me idha mijjhati;
Uppajjanti ca me bhogā, ye keci manaso piyā.
115. “Akkhāmi te bhikkhu mahānubhāva, manussabhūtā yamakāsi puññaṃ;
Tenamhi evaṃ jalitānubhāvā, vaṇṇo ca me sabbadisā pabhāsati’ ’ti.

Paṭhamasuṇisāvimānaṃ terasamaṃ.

14. Dutiyasuṇisāvīmānavatthu

116. “Abhikkantena vaṇṇena, yā tvaṃ tiṭṭhasi devate;
Obhāsentī disā sabbā, osadhī viya tārakā.
117. “Kena tetādiso vaṇṇo, kena te idha mijjhati;
Uppajjanti ca te bhogā, ye keci manaso piyā.
118. “Pucchāmi taṃ devi mahānubhāve, manussabhūtā kimakāsi puññaṃ;
Kenāsi evaṃ jalitānubhāvā, vaṇṇo ca te sabbadisā pabhāsati”’ti.
119. Sā devatā attamanā, moggallānena pucchitā;
Pañhaṃ puṭṭhā viyākāsi, yassa kammassidaṃ phalaṃ.
120. “Ahaṃ manussesu manussabhūtā, suṇisā ahosiṃ sasurassa gehe.
121. “Addasaṃ virajaṃ bhikkhuṃ, vipasannamanāvilam;
Tassa adāsahaṃ bhāgaṃ, pasannā sehi pāṇibhi;
Kummāsapiṇḍaṃ datvāna, modāmi nandane vane.
122. “Tena metādiso vaṇṇo, tena me idha mijjhati;
Uppajjanti ca me bhogā, ye keci manaso piyā.
123. “Akkhāmi te bhikkhu mahānubhāva, manussabhūtā yamakāsi puññaṃ;
Tenamhi evaṃ jalitānubhāvā, vaṇṇo ca me sabbadisā pabhāsati”’ti.

Dutiyasuṇisāvīmānaṃ cuddasamaṃ.

15. Uttarāvīmānavatthu

124. “Abhikkantena vaṇṇena, yā tvaṃ tiṭṭhasi devate;
Obhāsentī disā sabbā, osadhī viya tārakā.
125. “Kena tetādiso vaṇṇo, kena te idha mijjhati;
Uppajjanti ca te bhogā, ye keci manaso piyā.
126. “Pucchāmi taṃ devi mahānubhāve, manussabhūtā kimakāsi puññaṃ;
Kenāsi evaṃ jalitānubhāvā, vaṇṇo ca te sabbadisā pabhāsati”’ti.
127. Sā devatā attamanā, moggallānena pucchitā;
Pañhaṃ puṭṭhā viyākāsi, yassa kammassidaṃ phalaṃ.
128. “Issā ca maccheramatho [macchariyamatho ca (ka.)] paḷāso, nāhosi mayhaṃ
gharamāvasantiyā;
Akkodhanā bhattuvāsānuvattinī, uposathe niccahamappamattā.
129. “Cātuddasiṃ pañcadasiṃ, yā ca [yāva (sī. aṭṭha., ka. aṭṭha.) therīgāthāaṭṭhakathā passitabbā]
pakkhassa aṭṭhamī;
Pāṭihāriyapakkhañca, aṭṭhaṅgasusamāgataṃ.
130. “Uposathaṃ upavasissaṃ, sadā sīlesu saṃvutā;
Saññaṃ saṃvibhāgā ca, vimānaṃ āvasāmahaṃ [āvasāmimaṃ (sī. aṭṭha., ka.) parato pana
sabbatthapi “āvasāmahaṃ” icceva dissati].

131. “Pāṇātipātā viratā, musāvādā ca saññatā;
Theyyā ca aticārā ca, majjapānā ca ārakā [āratā (?)].
132. “Pañcasikkhāpade ratā, ariyasaccāna kovidā;
Upāsikā cakkhumato, gotamassa yasassino.
133. “Sāhaṃ sakena sīlena, yasasā ca yasassinī;
Anubhomi sakaṃ puññaṃ, sukhitā camhināmayā.
134. “Tena metādiso vaṇṇo, tena me idha mijjhati;
Uppajjanti ca me bhogā, ye keci manaso piyā.
135. “Akkhāmi te bhikkhu mahānubhāva, manussabhūtā yamaḥaṃ akāsim;
Tenamhi evaṃ jalitānubhāvā, vaṇṇo ca me sabbadisā pabhāsati.

136. “Mama ca, bhante, vacanena bhagavato pāde sirasā vandeyyāsi – ‘uttarā nāma, bhante, upāsikā bhagavato pāde sirasā vandati’ ti. Anacchariyaṃ kho panetaṃ, bhante, yaṃ maṃ bhagavā aññatarasmiṃ sāmaññaphale byākareyya [byākareyyāti (?)], taṃ bhagavā sakadāgāmiṃ phale byākāsi’ ti.

Uttarāvimānaṃ pannarasamaṃ.

16. Sirimāvimānavatthu

137. “Yuttā ca te paramaalaṅkatā hayā, adhomukhā aghasigamā balī javā;
Abhinimmitā pañcarathāsata ca te, anventi taṃ sārathicoditā hayā.
138. “Sā tiṭṭhasi rathavare alaṅkatā, obhāsayaṃ jalamiva joti pāvako;
Pucchāmi taṃ varatanu [varacāru (katthaci)] anomadassane, kasmā nu kāyā anadhivaraṃ upāgami.
139. “Kāmaggapattānaṃ yamāhunuttaraṃ [... nuttarā (ka.), anuttarā (syā.)], nimmāya nimmāya ramanti devatā;
Tasmā kāyā accharā kāmavaṇṇinī, idhāgatā anadhivaraṃ namassituṃ.
140. “Kiṃ tvaṃ pure sucaritamācarīdha [sucaritaṃ acāridha (pī.)],
Kenacchasi tvaṃ amitayasā sukhedhitā;
Iddhī ca te anadhivarā vihaṅgamā,
Vaṇṇo ca te dasa disā virocati.
141. “Devehi tvaṃ parivutā sakkatā casi,
Kuto cutā sugatigatāsi devate;
Kassa vā tvaṃ vacanakarānusāsaniṃ,
Ācikkha me tvaṃ yadi buddhasāvika’ ti.
142. “Nagantare nagaravare sumāpīte, paricārikā rājavarassa sirimato;
Nacce gīte paramasusikkhitā ahuṃ, sirimāti maṃ rājagahe avedimṣu [avedisuṃ (?)].
143. “Buddho ca me isinisabho vināyako, adesayī samudayadukkhaniccatāṃ;
Asaṅkhatāṃ dukkhanirodhasassatāṃ, maggañcīmaṃ akuṭīlamañjasaṃ sivaṃ.
144. “Sutvānaḥaṃ amatapadaṃ asaṅkhatāṃ, tathāgatassanadhivarassa sāsanaṃ;
Sīlesvahaṃ paramasusaṃvutā ahuṃ, dhamme ṭhitā naravarabuddhadesite [bhāsīte (sī.)].

145. “Ñatvānaḥaṃ virajapadaṃ asaṅkhaṭaṃ, tathāgatenanadhivarena desitaṃ;
Tatthevaḥaṃ samathasamādhimāphusiṃ, sāyeva me paramaniyāmatā ahu.
146. “Laddhānaḥaṃ amatavaraṃ visesaṇaṃ, ekaṃsikaṃ abhisamaye visesiya;
Asaṃsayā bahujanapūjitaṃ ahaṃ, khiḍḍāraṭiṃ [[khiḍḍaṃ raṭiṃ \(syā. pī.\)](#)]
paccanubhomanappaḥaṃ.
147. “Evaṃ ahaṃ amatadasamhi [[amatarasamhi \(ka.\)](#)] devatā, tathāgatassanadhivarassa sāvikaḥ;
Dhammaddasā paṭhamaphale patiṭṭhitā, sotāpannā na ca pana matthi duggati.
148. “Sā vandituṃ anadhivaraṃ upāgamiṃ, pāsādike kusalarate ca bhikkhavo;
Namassituṃ samaṇasamāgamaṃ sivaṃ, saḡāravā sirimato dhammarājino.
149. “Disvā muniṃ muditamanamhi pīṇitā, tathāgataṃ naravaradammasārathiṃ;
Taṇhacchidaṃ kusalarataṃ vināyakaṃ, vandāmaḥaṃ paramahitānukampaka’nti.

Sirimāvimānaṃ soḷasamaṃ.

17. Kesakārīvimānavatthu

150. “Idaṃ vimānaṃ ruciraṃ pabhassaraṃ, veḷuriyathambhaṃ satataṃ sunimmitaṃ;
Suvaṇṇarukkhehi samantamotthataṃ, ṭhānaṃ mamaṃ kammavipākasambhavaṃ.
151. “Tatrūpapannā purimaccharā imā, sataṃ saḡassāni sakena kammunā;
Tvaṃsi ajjhupagatā yasassinī, obhāsayaṃ tiṭṭhasi pubbadevatā.
152. “Sasī adhiggayha yathā virocati, nakkhattarājāriva tārakāgaṇaṃ;
Tattheva tvaṃ accharāsaṅgaṇaṃ [[accharāsaṅgamaṃ \(sī.\)](#)] imaṃ, daddallamānā yasaṃ virocasi.
153. “Kuto nu āgamma anomadassane, upapannā tvaṃ bhavanaṃ mamaṃ idaṃ;
Brahmaṃva devā tidasā saḡindakā, sabbe na tappāmase dassanena ta’nti.
154. “Yametaṃ sakka anupucchase mamaṃ, ‘kuto cutā tvaṃ idha āgatā’ti [[kuto cutā idha āgatā
tuvaṃ \(syā.\), kuto cutāya āgati tava \(pī.\)](#)];
Bārāṇasī nāma puratthi kāsinaṃ, tattha aḡosiṃ pure kesakārikā.
155. “Buddhe ca dhamme ca pasannamānasā, saḡghe ca ekantagatā asaṃsayā;
Akhaṇḡasikkhāpadā āgatapphalā, sambodhidhamme niyatā anāmaya’nti.
156. “Tantyābhinandāmase svāgataṇca [[sāgataṇca \(sī.\)](#)] te, dhammena ca tvaṃ yasaṃ virocasi;
Buddhe ca dhamme ca pasannamānase, saḡghe ca ekantagataṃ asaṃsaye;
Akhaṇḡasikkhāpade āgatapphale, sambodhidhamme niyate anāmaya’nti.

Kesakārīvimānaṃ sattarasamaṃ.

Pīṭhavaggo paṭhamo niṭṭhito.

Tassuddānaṃ –

Pañca pīṭhā tayo nāvā, dīpatiladakkhiṇā dve;
Pati dve suṇisā uttarā, sirimā kesakārikā;

Vaggo tena pavuccatīti.

2. Cittalatāvaggo

1. Dāsivimānavatthu

157. “‘Api sakkova devindo, ramme cittalatāvane;
Samantā anupariyāsi, nārīgaṇapurakkhatā;
Obhāsenti disā sabbā, osadhī viya tārakā.
158. “‘Kena tetādiso vaṇṇo, kena te idha mijjhati;
Uppajjanti ca te bhogā, ye keci manaso piyā.
159. “‘Pucchāmi taṃ devi mahānubhāve, manussabhūtā kimakāsi puññaṃ;
Kenāsi evaṃ jalitānubhāvā, vaṇṇo ca te sabbadisā pabhāsati’’ti.
160. Sā devatā attamanā, moggallānena pucchitā;
Pañhaṃ puṭṭhā viyākāsi, yassa kammassidaṃ phalaṃ.
161. “‘Ahaṃ manussesu manussabhūtā, dāsī ahoṣiṃ parapessiyā [parapesiyā (ka.)] kule.
162. “‘Upāsikā cakkhumato, gotamassa yasassino;
Tassā me nikkamo āsi, sāsane tassa tādino.
163. “‘Kāmaṃ bhijjatuyam kāyo, neva atthettha saṅṭhanaṃ [santhanaṃ (sī. syā. pī.)];
Sikkhāpadānaṃ pañcannaṃ, maggo sovattiko sivo.
164. “‘Akaṅṭako agahano, uju sabbhi pavedito;
Nikkamassa phalaṃ passa, yathidaṃ pāpuṇitthikā.
165. “‘Āmantanikā raññomhi, sakkassa vasavattino;
Saṭṭhi turiya [turiya (sī. syā. pī.)] sahasāni, paṭibodhaṃ karonti me.
166. “‘Ālambo gaggaro [gaggamo (syā.), bhaggaro (ka.)] bhīmo [bhimmō (ka.)], sādhuvadī ca
saṃsayo;
Pokkharo ca suphasso ca, viṇāmokkhā [vilāmokkhā (ka.)] ca nāriyo.
167. “‘Nandā ceva sunandā ca, soṇadinnā sucimhitā [sucimbhikā (syā.)];
Alambusā missakesī ca, puṇḍarīkāti dāruṇī.
168. “‘Eṇīphassā suphassā ca, subhaddā muduvādinī;
Etā caññā ca seyyāse, accharānaṃ pabodhikā.
169. “‘Tā maṃ kālenupāgantvā, abhibhāsanti devatā;
Handa naccāma gāyāma, handa taṃ ramayāma.
170. “‘Nayidaṃ akatapuññānaṃ, katapuññānamevidaṃ;
Asokaṃ nandanaṃ rammaṃ, tidasānaṃ mahāvanaṃ.
171. “‘Sukhaṃ akatapuññānaṃ, idha natthi parattha ca;
Sukhañca katapuññānaṃ, idha ceva parattha ca.
172. “‘Tesaṃ saḥabyakāmānaṃ, kattabbaṃ kusalaṃ bahuṃ;

Katapuñña hi modanti, sagge bhogasamaṅgino’’ti.

Dāsivimānaṃ paṭhamam.

2. Lakhumāvīmānavatthu

173. ‘‘Abhikkantena vaṇṇena, yā tvaṃ tiṭṭhasi devate;
Obhāsenti disā sabbā, osadhī viya tārakā.
174. ‘‘Kena tetādiso vaṇṇo, kena te idha mijjhati;
Uppajjanti ca te bhogā, ye keci manaso piyā.
175. ‘‘Pucchāmi taṃ devi mahānubhāve, manussabhūtā kimakāsi puññaṃ;
Kenāsi evaṃ jalitānubhāvā, vaṇṇo ca te sabbadisā pabhāsati’’ti.
176. Sā devatā attamanā, moggallānena pucchitā;
Pañhaṃ puṭṭhā viyākāsi, yassa kammassidaṃ phalaṃ.
177. ‘‘Kevaṭṭadvārā nikkhamma, ahu mayhaṃ nivesanaṃ;
Tattha sañcaramānānaṃ, sāvakānaṃ mahesinaṃ.
178. ‘‘Odanaṃ kummāsaṃ [sākaṃ (sī.)] dākaṃ, loṇasovīrakañcahaṃ;
Adāsiṃ ujubhūtesu, vippassanna cetasā.
179. ‘‘Cātuddasiṃ pañcadasiṃ, yā ca pakkhassa aṭṭhamī;
Pāṭihāriyapakkhañca, aṭṭhaṅgasusamāgataṃ.
180. ‘‘Uposathaṃ upavasissaṃ, sadā sīlesu saṃvutā;
Saññaṃ saṃvibhāgā ca, vimānaṃ āvasāmaṃ.
181. ‘‘Pāṇātipātā viratā, musāvādā ca saññatā;
Theyyā ca aticārā ca, majjapānā ca ārakā.
182. ‘‘Pañcasikkhāpade ratā, ariyasaccāna kovidā;
Upāsikā cakkhumato, gotamassa yasassino.

183. ‘‘Tena metādiso vaṇṇo...pe... vaṇṇo ca me sabbadisā pabhāsati.

‘‘Mama ca, bhante, vacanena bhagavato pāde sirasā vandeyyāsi – ‘lakhumā nāma, bhante, upāsikā bhagavato pāde sirasā vandati’’ti. Anacchariyaṃ kho panetaṃ, bhante, yaṃ maṃ bhagavā aññatarasmiṃ sāmāññaphale byākareyya [byākareyyāti (?)]. Taṃ bhagavā sakadāgāmiphale byākāsi’’ti.

Lakhumāvīmānaṃ dutiyaṃ.

3. Ācāmadāyikāvīmānavatthu

185. ‘‘Piṇḍāya te carantassa, tuṅhībhūtassa tiṭṭhato;
Daliddā kapaṇā nārī, parāgāraṃ apassitā [avassitā (sī.)].
186. ‘‘Yā te adāsi ācāmaṃ, pasannā sehi pāṇibhi;
Sā hitvā mānusaṃ dehaṃ, kaṃ nu sā disataṃ gatā’’ti.

187. “Piṇḍāya me carantassa, tuṇhībhūtassa tiṭṭhato;
Daliddā kapaṇā nārī, parāgāraṃ apassitā.
188. “Yā me adāsi ācāmaṃ, pasannā sehi pāṇibhi;
Sā hitvā mānusaṃ dehaṃ, vippamuttā ito cutā.
189. “Nimmānaratino nāma, santi devā mahiddhikā;
Tattha sā sukhitā nārī, modatācāmadāyikā”’ti.
190. “Aho dānaṃ varākiyā, kassape suppatiṭṭhitam;
Parābhatena dānena, ijjhittha vata dakkhiṇā.
191. “Yā mahesittam kāreyya, cakkavattissa rājino;
Nārī sabbaṅgakalyāṇī, bhattu cānomadassikā;
Etassācāmadānassa, kalaṃ nāgghati soḷasiṃ.
192. “Sataṃ nikkhā sataṃ assā, sataṃ assatarīrathā;
Sataṃ kaññāsahassāni, āmuttamaṇikuṇḍalā;
Etassācāmadānassa, kalaṃ nāgghanti soḷasiṃ.
193. “Sataṃ hemavatā nāgā, īsādantā urūlhavā;
Suvaṇṇakacchā mātaṅgā, hemakappanavāsasā [hemakappanivāsasā (syā. ka.)];
Etassācāmadānassa, kalaṃ nāgghati soḷasiṃ.
194. “Catunnamapi dīpānaṃ, issaraṃ yodha kāraye;
Etassācāmadānassa, kalaṃ nāgghati soḷasi”’nti.

Ācāmadāyikāvimānaṃ tatiyaṃ.

4. Caṇḍālivimānavatthu

195. “Caṇḍāli vanda pādāni, gotamassa yasassino;
Tameva [taveva (sī.)] anukampāya, aṭṭhāsi isisattamo [isisuttamo (sī.)].
196. “Abhippasādehi maṇaṃ, arahantamhi tādini [tādine (syā. ka.)];
Khippaṃ pañjalikā vanda, parittaṃ tava jīvita”’nti.
197. Coditā bhāvitattena, sarīrantimadhārīnā;
Caṇḍālī vandi pādāni, gotamassa yasassino.
198. Tameṇaṃ avadhī gāvī, caṇḍāliṃ pañjaliṃ ṭhitam;
Namassamaṇaṃ sambuddhaṃ, andhakāre pabhaṅkaranti.
199. “Khīṇāsavaṃ vigatarajaṃ anejaṃ, ekaṃ araññaṃ raho nisinnaṃ;
Deviddhipattā upasaṅkamitvā, vandāmi taṃ vīra mahānubhāva”’nti.
200. “Suvaṇṇavaṇṇā jalitā mahāyasā, vimānamoruyha anekacittā;
Parivāritā accharāsaṅgaṇena [accharānaṃ gaṇena (sī.)], kā tvaṃ subhe devate vandase
mama”’nti.
201. “Ahaṃ bhaddante caṇḍālī, tayā vīrena [therena (ka.)] pesitā;
Vandiṃ arahato pāde, gotamassa yasassino.

202. “Sāhaṃ vanditvā [vanditva (sī.)] pādāni, cutā caṇḍālayoniyā;
Vimānaṃ sabbato bhaddaṃ, upapannamhi nandane.
203. “Accharānaṃ satahassaṃ, purakkhatvāna [purakkhitvā maṃ (syā. ka.)] tiṭṭhati;
Tāsāhaṃ pavarā seṭṭhā, vaṇṇena yasaśyūnā.
204. “Pahūtakatakalyāṇā, sampajānā paṭissatā [paṭissatā (sī. syā.)];
Muniṃ kāruṇikaṃ loke, taṃ bhante vanditumāgatā”’ti.
205. Idaṃ vatvāna caṇḍālī, kataññū katavedinī;
Vanditvā arahato pāde, tatthevantaradhāyathāti [tatthevantaradhāyatīti (syā. ka.)].

Caṇḍālivimānaṃ catutthaṃ.

5. Bhadditthivimānavatthu

206. “Nīlā pītā ca kālā ca, mañjittā [mañjetṭhā (sī.), mañjaṭṭhā (pī.)] atha lohitā;
Uccāvācānaṃ vaṇṇānaṃ, kiṅjakkhaparivāritā.
207. “Mandāravānaṃ pupphānaṃ, mālaṃ dhāresi muddhani;
Nayime aññesu kāyesu, rukkhā santi sumedhase.
208. “Kena kāyaṃ upapannā, tāvatimsaṃ yasassinī;
Devate pucchitācikkha, kissa kammassidaṃ phala”’nti.
209. “Bhadditthikāti [bhadditthīti (sī.)] maṃ aññaṃsu, kimilāyaṃ upāsikā;
Saddhā sīlena sampannā, saṃvibhāgaratā sadā.
210. “Acchādānañca bhattañca, senāsaṇaṃ padīpiyaṃ;
Adāsīṃ ujubhūtesu, vipasanna cetasā.
211. “Cātuddasiṃ pañcadasīṃ, yā ca pakkhassa aṭṭhamī;
Pāṭihāriyapakkhañca, aṭṭhaṅgasusamāgataṃ.
212. “Uposathaṃ upavasissaṃ, sadā sīlesu saṃvutā;
Saññaṃ saṃvibhāgā ca, vimānaṃ āvasāmahaṃ.
213. “Pāṇātipātā viratā, musāvādā ca saññatā;
Theyyā ca aticārā ca, majjapānā ca ārakā.
214. “Pañcasikkhāpade ratā, ariyasaccāna kovidā;
Upāsikā cakkhumato, appamādavihārinī.
- Katāvāsā katakusalā tato cutā [katāvakāsā katakusalā (ka.)],
Sayāṃ pabhā anuvicarāmi nandaṃ.
215. “Bhikkhū cāhaṃ paramahitānukampake, abhojayiṃ tapassiyugaṃ mahāmuniṃ;
Katāvāsā katakusalā tato cutā [katāvakāsā katakusalā (ka.)], sayāṃ pabhā anuvicarāmi
nandaṃ.
216. “Aṭṭhaṅgikaṃ aparimitaṃ sukhāvahaṃ, uposathaṃ satatamupāvasiṃ ahaṃ;
Katāvāsā katakusalā tato cutā [katāvakāsā katakusalā (ka.)], sayāṃ pabhā anuvicarāmi

nandana’’nti.

Bhadditthivimānaṃ [bhadditthikāvimānaṃ (syā.)] pañcamaṃ.

6. Soṇadinnāvimānavatthu

217. ‘‘Abhikkantena vaṇṇena, yā tvaṃ tiṭṭhasi devate;
Obhāsentī disā sabbā, osadhī viya tārakā.
218. ‘‘Kena tetādiso vaṇṇo, kena te idha mijjhati;
Uppajjanti ca te bhogā, ye keci manaso piyā.
219. ‘‘Pucchāmi taṃ devi mahānubhāve, manussabhūtā kimakāsi puññaṃ;
Kenāsi evaṃ jalitānubhāvā, vaṇṇo ca te sabbadisā pabhāsati’’ti.
220. Sā devatā attamanā, moggallānena pucchitā;
Pañhaṃ puṭṭhā viyākāsi, yassa kammassidaṃ phalaṃ.
221. ‘‘Soṇadinnāti maṃ aññaṃsu, nālandāyaṃ upāsikā;
Saddhā sīlena sampannā, saṃvibhāgaratā sadā.
222. ‘‘Acchādanañca bhattañca, senāsanamaṃ padīpiyaṃ;
Adāsiṃ ujubhūtesu, vippasannena cetasā.
223. ‘‘Cātuddasiṃ pañcadasiṃ, yā ca pakkhassa aṭṭhamī;
Pāṭihāriyapakkhañca, aṭṭhaṅgasusamāgataṃ.
224. ‘‘Uposathaṃ upavasissaṃ, sadā sīlesu saṃvutā;
Saññaṃ saṃvibhāgā ca, vimānaṃ āvasāmaṃ.
225. ‘‘Pāṇātipātā viratā, musāvādā ca saññatā;
Theyyā ca aticārā ca, majjapānā ca ārakā.
226. ‘‘Pañcasikkhāpade ratā, ariyasaccāna kovidā;
Upāsikā cakkhumato, gotamassa yasassino.
227. ‘‘Tena metādiso vaṇṇo...pe...
Vaṇṇo ca me sabbadisā pabhāsati’’ti.

Soṇadinnāvimānaṃ chaṭṭhaṃ.

7. Uposathāvimānavatthu

229. ‘‘Abhikkantena vaṇṇena, yā tvaṃ tiṭṭhasi devate;
Obhāsentī disā sabbā, osadhī viya tārakā.
230. ‘‘Kena tetādiso vaṇṇo...pe...
Vaṇṇo ca te sabbadisā pabhāsati’’ti.
232. Sā devatā attamanā...pe... yassa kammassidaṃ phalaṃ.
233. ‘‘Uposathāti maṃ aññaṃsu, sāketāyaṃ upāsikā;

Saddhā sīlena sampannā, saṃvibhāgaratā sadā.

234. “Acchādanañca bhattañca, senāsanam padīpiyam;
Adāsiṃ ujubhūtesu, vipasannena cetasā.
235. “Cātuddasiṃ pañcadasiṃ, yā ca pakkhassa aṭṭhamī;
Pāṭihāriyapakkhañca, aṭṭhaṅgasusamāgataṃ.
236. “Uposatham upavasissam, sadā sīlesu saṃvutā;
Saññamā saṃvibhāgā ca, vimānam āvasāmaham.
237. “Pāṇātipātā viratā, musāvādā ca saññatā;
Theyyā ca aticārā ca, majjapānā ca ārakā.
238. “Pañcasikkhāpade ratā, ariyasaccāna kovidā;
Upāsikā cakkhumato, gotamassa yasassino.
239. “Tena metādiso vaṇṇo...pe...
Vaṇṇo ca me sabbadisā pabhāsati”ti.
241. “Abhikkhaṇam nandanam sutvā, chando me udapajjatha [upapajjatha (bahūsu)];
Tattha cittaṃ paṇidhāya, upapannamhi nandanam.
242. “Nākāsiṃ satthu vacanam, buddhassādiccabandhuno;
Hīne cittaṃ paṇidhāya, sāmhi pacchānutāpinī”ti.
243. “Kīva ciraṃ vimānamhi, idha vacchasuposathe [vassasuposathe (sī.)];
Devate pucchitācikkha, yadi jānāsi āyuno”ti.
244. “Saṭṭhivassasahassāni [saṭṭhi satasahassāni (?)], tisso ca vassakoṭiyo;
Idha ṭhatvā mahāmuni, ito cutā gamissāmi;
Manussānam sahyata”nti.
245. “Mā tvam uposathe bhāyi, sambuddhenāsi byākatā;
Sotāpannā visesayi, pahīnā tava duggati”ti.

Uposathāvimānam sattamaṃ.

8. Niddāvimānavatthu

246. “Abhikkantena vaṇṇena, yā tvam tiṭṭhasi devate;
Obhāsenti disā sabbā, osadhī viya tārakā.
247. “Kena tetādiso vaṇṇo...pe...
Vaṇṇo ca te sabbadisā pabhāsati”ti.
249. Sā devatā attamanā...pe... yassa kammassidaṃ phalam.
250. “Niddāti [saddhāti (sī.)] mamaṃ aññaṃsu, rājagahasmim upāsikā;
Saddhā sīlena sampannā, saṃvibhāgaratā sadā.
251. “Acchādanañca bhattañca, senāsanam padīpiyam;
Adāsiṃ ujubhūtesu, vipasannena cetasā.

252. “Cātuddasiṃ pañcadasiṃ, yā ca pakkhassa aṭṭhamī;
Pāṭihāriyapakkhañca, aṭṭhaṅgasusamāgataṃ.
253. “Uposathaṃ upavasissaṃ, sadā sīlesu saṃvutā;
Saññamā saṃvibhāgā ca, vimānaṃ āvasāmaṃ.
254. “Pāṇātipātā viratā, musāvādā ca saññatā;
Theyyā ca aticārā ca, majjapānā ca ārakā.
255. “Pañcasikkhāpade ratā, ariyasaccāna kovidā;
Upāsikā cakkhumato, gotamassa yasassino.
256. “Tena metādiso vaṇṇo...pe... vaṇṇo ca me sabbadisā pabhāsati”’ti.
Niddāvimānaṃ [saddhāvimānaṃ (sī.)] aṭṭhamāṃ.

9. Suniddāvimānavatthu

258. “Abhikkantena vaṇṇena...pe... osadhī viya tārakā.
259. “Kena tetādiso vaṇṇo...pe... vaṇṇo ca te sabbadisā pabhāsati”’ti.
261. Sā devatā attamanā...pe... yassa kammassidaṃ phalaṃ.
262. “Suniddāti [sunandāti (sī.)] maṃ aññaṃsu, rājagahasmiṃ upāsikā;
Saddhā sīlena sampannā, saṃvibhāgaratā sadā.
266. (Yathā niddāvimānaṃ tathā vitthāretabbaṃ.)
267. “Pañcasikkhāpade ratā, ariyasaccāna kovidā;
Upāsikā cakkhumato, gotamassa yasassino.
268. “Tena metādiso vaṇṇo...pe... vaṇṇo ca me sabbadisā pabhāsati”’ti.
Suniddāvimānaṃ navamaṃ.

10. Paṭhamabhikkhādāyikāvimānavatthu

270. “Abhikkantena vaṇṇena, yā tvaṃ tiṭṭhasi devate;
Obhāsenti disā sabbā, osadhī viya tārakā.
271. “Kena tetādiso vaṇṇo...pe... vaṇṇo ca te sabbadisā pabhāsati”’ti.
273. Sā devatā attamanā...pe... yassa kammassidaṃ phalaṃ.
274. “Ahaṃ manussesu manussabhūtā, purimāya jātiyā manussaloke.
275. “Addasaṃ virajaṃ buddhaṃ, vipasannamanāvilāṃ;
Tassa adāsahaṃ bhikkhaṃ, pasannā sehi pāṇibhi.
276. “Tena metādiso vaṇṇo...pe...
Vaṇṇo ca me sabbadisā pabhāsati”’ti.

Paṭhamabhikkhādāyikāvimānaṃ dasamaṃ.

11. Dutiyabhikkhādāyikāvimānavatthu

278. “Abhikkantena vaṇṇena, yā tvaṃ tiṭṭhasi devate;
Obhāsenti disā sabbā, osadhī viya tārakā.
279. “Kena tetādiso vaṇṇo...pe... vaṇṇo ca te sabbadisā pabhāsati”’ti.

281. Sā devatā attamanā...pe... yassa kammassidaṃ phalaṃ.
 282. “Ahaṃ manussesu manussabhūtā, purimāya jātiyā manussaloke.
 283. “Addasaṃ virajaṃ bhikkhuṃ, vippasannamanāvilaṃ;
 Tassa adāsahaṃ bhikkhaṃ, pasannā sehi pāṇibhi.
 284. “Tena metādiso vaṇṇo...pe. ... vaṇṇo ca me sabbadisā pabhāsati’ ti.
 Dutiya bhikkhādāyikā vimānaṃ ekādasamaṃ.

Cittalatāvaggo dutiyo niṭṭhito.

Tassuddānaṃ –

Dāsī ceva lakhumā ca, atha ācāmadāyikā;
 Caṇḍālī bhadditthī ceva [bhadditthikā ca (syā.)], soṇadinnā uposathā;
 Niddā ceva suniddā ca [nandā ceva sunandā ca (sī.)], dve ca bhikkhāya dāyikā;
 Vaggo tena pavuccatīti.

Bhāṇavāraṃ paṭhamaṃ niṭṭhitaṃ.

3. Pāricchattakavaggo

1. Uḷāravimānavatthu

286. “Uḷāro te yaso vaṇṇo, sabbā obhāsate disā;
 Nāriyo naccanti gāyanti, devaputtā alaṅkatā.
 287. “Modenti parivārenti, tava pūjāya devate;
 Sovaṇṇāni vimānāni, tavimāni sudassane.
 288. “Tuvaṃsi issarā tesam, sabbakāmasamiddhinī;
 Abhijātā mahantāsi, devakāye pamodasi;
 Devate pucchitācikkha, kissa kammassidaṃ phala’ nti.
 289. “Ahaṃ manussesu manussabhūtā, purimāya jātiyā manussaloke;
 Dussīlakule suṇisā ahoṣiṃ, assaddhesu kadariyesu ahaṃ.
 290. “Saddhā sīlena sampannā, saṃvibhāgaratā sadā;
 Piṇḍāya caramānassa, apūvaṃ te adāsahaṃ.
 291. “Tadāhaṃ sassuyācikkhiṃ, samaṇo āgato idha;
 Tassa adāsahaṃ pūvaṃ, pasannā sehi pāṇibhi.
 292. “Itissā sassu paribhāsi, avinītāsi tvaṃ [avinītā tvaṃ (sī.)] vadhu;
 Na maṃ sampucchituṃ icchi, samaṇassa dadāmaṃ.
 293. “Tato me sassu kupitā, pahāsi musalena maṃ;
 Kūṭaṅgacchi avadhi maṃ, nāsakkhiṃ jīvitum ciraṃ.
 294. “Sā ahaṃ kāyassa bhedā, vippamuttā tato cutā;
 Devānaṃ tāvatimsānaṃ, upapannā saḥabyataṃ.

295. “Tena metādiso vaṇṇo...pe...vaṇṇo ca me sabbadisā pabhāsati”’ti.
Uḷāravimānaṃ paṭhamaṃ.

2. Ucchudāyikāvimānavatthu

296. “Obhāsavitvā pathaviṃ [paṭhaviṃ (sī. syā.)] sadevakaṃ, atirocasi candimasūriyā viya;
Siriya ca vaṇṇena yasena tejasā, brahmāva deve tidase sahindake [saindake (sī.)].

297. “Pucchāmi taṃ uppalamāladhārinī, āveḷinī kañcanasannibhattace;
Alaṅkate uttamavatthadhārinī, kā tvam subhe devate vandase mamaṃ.

298. “Kiṃ tvam pure kammamakāsi attanā, manussabhūtā purimāya jātiyā;
Dānaṃ suciṇṇaṃ atha sīlasaṃyamaṃ [saññaṃ (sī.)], kenūpapannā sugatiṃ yasassinī;
Devate pucchitācikkha, kissa kammassidaṃ phala”’nti.

299. “Idāni bhante imameva gāmaṃ [gāme (syā. ka.)], piṇḍāya amhākaṃ gharaṃ upāgami;
Tato te ucchussa adāsi khaṇḍikaṃ, pasannacittā atulāya pītiyā.

300. “Sassu ca pacchā anuyuñjate mamaṃ, kahaṃ [kahaṃ me (pī.)] nu ucchuṃ vadhuke avākiri
[avākari (syā. ka.)];
Na chaḍḍitaṃ no pana khāditaṃ mayā, santassa bhikkhussa sayam adāsahaṃ.

301. “Tuyhaṃnvidaṃ [tuyhaṃ nu idaṃ (syā.)] issariyaṃ atho mama, itissā sassu paribhāsate
mamaṃ;
Pīṭhaṃ gahetvā pahāraṃ adāsi me, tato cutā kālakatāmi devatā.

302. “Tadeva kammaṃ kusalaṃ kataṃ mayā, sukhañca kammaṃ anubhomi attanā;
Devehi saddhiṃ paricārayāmaṃ, modāmaṃ kāmagaṇehi pañcahi.

303. “Tadeva kammaṃ kusalaṃ kataṃ mayā, sukhañca kammaṃ anubhomi attanā;
Devindaguttā tidasehi rakkhitā, samappitā kāmagaṇehi pañcahi.

304. “Etādisaṃ puññaphalaṃ anappakaṃ, mahāvipākā mama ucchudakkhiṇā;
Devehi saddhiṃ paricārayāmaṃ, modāmaṃ kāmagaṇehi pañcahi.

305. “Etādisaṃ puññaphalaṃ anappakaṃ, mahājutikā mama ucchudakkhiṇā;
Devindaguttā tidasehi rakkhitā, sahasanettoriva nandane vane.

306. “Tuvañca bhante anukampakaṃ viduṃ, upecca vandiṃ kusalañca pucchisaṃ;
Tato te ucchussa adāsi khaṇḍikaṃ, pasannacittā atulāya pītiyā”’ti.

Ucchudāyikāvimānaṃ dutiyaṃ.

3. Pallaṅkavimānavatthu

307. “Pallaṅkaseṭṭhe maṇisoṇṇacitte, pupphābhikiṇṇe sayane uḷāre;
Tatthacchasi devi mahānubhāve, uccāvaca iddhi vikubbamānā.

308. “Imā ca te accharāyo samantato, naccanti gāyanti pamodayanti;
Deviddhipattāsi mahānubhāve, manussabhūtā kimakāsi puññaṃ;
Kenāsi evaṃ jalitānubhāvā, vaṇṇo ca te sabbadisā pabhāsati”’ti.

309. “Ahaṃ manussesu manussabhūtā, aḍḍhe kule suṇisā ahoṣiṃ;
Akkodhanā bhattuvāsānuvattinī, uposathe appamattā ahoṣiṃ [[appamattā uposathe \(syā. ka.\)](#)].
310. “Manussabhūtā daharā apāpikā [[daharāsa’pāpikā \(sī.\)](#)], pasannacittā patimābhirādhayim;
Divā ca ratto ca manāpacārinī, ahaṃ pure sīlavatī ahoṣiṃ.
311. “Pāṇātipātā viratā acorikā, saṃsuddhakāyā sucibrahmacārinī;
Amajjapā no ca musā abhāṇim, sikkhāpadesu paripūrakārinī.
312. “Cātuddasiṃ pañcadasim, yā ca pakkhassa aṭṭhamī;
Pāṭihāriyapakkhañca, pasannamānasā ahaṃ [[atipasannamānasā \(ka.\)](#)].
313. “Aṭṭhaṅgupetaṃ anudhammacārinī, uposathaṃ pīṭimanā upāvasim;
Imañca ariyaṃ aṭṭhaṅgavarehupetaṃ, samādiyitvā kusalaṃ sukhudrayaṃ;
Patimhi kalyāṇī vasānuvattinī, ahoṣiṃ pubbe sugatassa sāvikā.
314. “Etādisaṃ kusalaṃ jīvaloke, kammaṃ karitvāna visesabhāginī;
Kāyassa bhedā abhisamparāyaṃ, deviddhipattā sugatimhi āgatā.
315. “Vimānapāsādavare manorame, parivāritā accharāsaṅgaṇena;
Sayamphā devagaṇā ramenti maṃ, dīghāyukim devavimānamāgata’’nti;

Pallaṅkavimānaṃ tatiyaṃ.

4. Latāvimānavatthu

316. Latā ca sajjā pavarā ca devatā, accimatī [[accimukhī \(sī.\)](#), [acchimatī \(pī. ka.\)](#) [acchimitī \(syā.\)](#)]
rājavarassa sirīmato;
Sutā ca rañño vessavaṇassa dhītā, rājimatī dhammaguṇehi sobhatha.
317. Pañcettha nāriyo āgamaṃsu nhāyituṃ, sītodakaṃ uppalinim sivaṃ nadiṃ;
Tā tattha nhāyitvā rametvā devatā, naccitvā gāyitvā sutā lataṃ bravi [[bruvī \(sī.\)](#)].
318. “Pucchāmi taṃ uppalamāladhārini, āveḷini kañcanasannibhattace;
Timiratambakkhi nabheva sobhane, dīghāyukī kena kato yaso tava.
319. “Kenāsi bhadde patino piyatarā, visiṭṭhakalyāṇitarassu rūpato;
Padakkhiṇā naccagītavādite, ācikkha no tvaṃ naranāripucchitā’’ti.
320. “Ahaṃ manussesu manussabhūtā, uḷārabhoge kule suṇisā ahoṣiṃ;
Akkodhanā bhattuvāsānuvattinī, uposathe appamattā ahoṣiṃ.
321. “Manussabhūtā daharā apāpikā [[daharāsa’pāpikā \(sī.\)](#)], pasannacittā patimābhirādhayim;
Sadevaraṃ sassasuraṃ sadāsakaṃ, abhirādhayim tamhi kato yaso mama.
322. “Sāhaṃ tena kusalena kammunā, catubbhi ṭhānehi visesamajjhagā;
Āyuñca vaṇṇaṇca sukhaṃ balañca, khiḍḍaratim paccanubhomanappakaṃ.
323. “Sutaṃ nu taṃ bhāsati yaṃ ayaṃ latā, yaṃ no apucchimha akittayī no;
Patino kiramhākaṃ visiṭṭha nārīnaṃ, gatī ca tāsāṃ pavarā ca devatā.
324. “Patīsu dhammaṃ pacarāma sabbā, patibbatā yattha bhavanti itthiyo;

Patīsu dhammaṃ pacaritva [[pacaritvāna \(ka.\)](#)] sabbā, lacchāmase bhāsati yaṃ yaṃ latā.

325. “Sīho yathā pabbatasānugocaro, mahindharaṃ pabbatamāvasitvā;
Pasayha hantvā itare catuppade, khudde mige khādati maṃsabhojano.
326. “Tatheva saddhā idha ariyasāvikā, bhattāraṃ nissāya patiṃ anubbatā;
Kodhaṃ vadhitvā abhibhuyya maccharaṃ, saggamhi sā modati dhammacārini”’ti.

Latāvimānaṃ catutthaṃ.

5. Guttilavimānaṃ

1. Vatthuttamadāyikāvimānavatthu

327. “Sattatantiṃ sumadhuraṃ, rāmaṇeyyaṃ avācayiṃ;
So maṃ raṅgamhi avheti, ‘saraṇaṃ me hohi kosiyā’’ti.
328. “Ahaṃ te saraṇaṃ homi, ahamācariyapūjako;
Na taṃ jayissati sisso, sissamācariya jessasī”’ti.
329. “Abhikkantena vaṇṇena, yā tvaṃ tiṭṭhasi devate;
Obhāsenti disā sabbā, osadhī viya tārakā.
330. “Kena tetādiso vaṇṇo, kena te idha mijjhati;
Uppajjanti ca te bhogā, ye keci manaso piyā.
331. “Pucchāmi taṃ devi mahānubhāve, manussabhūtā kimakāsi puññaṃ;
Kenāsi evaṃ jalitānubhāvā, vaṇṇo ca te sabbadisā pabhāsati”’ti.
332. Sā devatā attamanā, moggallānena pucchitā;
Pañhaṃ puṭṭhā viyākāsi, yassa kammassidaṃ phalaṃ.
333. “Vatthuttamadāyikā nārī, pavarā hoti naresu nārīsu;
Evaṃ piyarūpadāyikā manāpaṃ, dibbaṃ sā labhate upecca ṭhānaṃ.
334. “Tassā me passa vimānaṃ, accharā kāmavaṇṇinīhamasmi;
Accharāsahassassāhaṃ, pavarā [[accharāsahassassāhaṃ pavarā, \(syā.\)](#)] passa puññānaṃ
vipākaṃ.
335. “Tena metādiso vaṇṇo, tena me idha mijjhati;
Uppajjanti ca me bhogā, ye keci manaso piyā.
336. “Akkhāmi te bhikkhu mahānubhāva, manussabhūtā yamakāsi puññaṃ;
Tenamhi evaṃ jalitānubhāvā, vaṇṇo ca me sabbadisā pabhāsati”’ti.

(Anantaraṃ caturavimānaṃ yathā vatthudāyikāvimānaṃ tathā vitthāretabbaṃ [[\(\)](#) natthi sī.
[pottake](#)])

2. Pupphuttamadāyikāvimānavatthu (1)

337. “Abhikkantena vaṇṇena...pe... osadhī viya tārakā.

338. “Kena tetādiso vaṇṇo...pe... ye keci manaso piyā.
 339. “Pucchāmi taṃ devī mahānubhāve...pe...
 Vaṇṇo ca te sabbadisā pabhāsati”’ti.
340. Sā devatā attamanā...pe... yassa kammassidaṃ phalaṃ.
 341. “Pupphuttamadāyikā nārī, pavarā hoti naresu nārīsu;
 Evaṃ piyarūpadāyikā manāpaṃ, dibbaṃ sā labhate upecca ṭhānaṃ.
342. “Tassā me passa vimānaṃ, accharā kāmavaṇṇiniḥamasmi;
 Accharāsahassassāhaṃ, pavarā passa puññānaṃ vipākaṃ.
343. “Tena metādiso vaṇṇo...pe...
 Vaṇṇo ca me sabbadisā pabhāsati”’ti.

3. Gandhuttamadāyikāvimānavatthu (2)

345. “Abhikkantena vaṇṇena...pe... osadhī viya tārakā.
 346. “Kena tetādiso vaṇṇo...pe... ye keci manaso piyā.
 347. “Pucchāmi taṃ devī mahānubhāve...pe...
 Vaṇṇo ca te sabbadisā pabhāsati”’ti.
348. “Sā devatā attamanā...pe... yassa kammassidaṃ phalaṃ.
 349. “Gandhuttamadāyikā nārī, pavarā hoti naresu nārīsu;
 Evaṃ piyarūpadāyikā manāpaṃ, dibbaṃ sā labhate upecca ṭhānaṃ.
350. “Tassā me passa vimānaṃ, accharā kāmavaṇṇiniḥamasmi;
 Accharāsahassassāhaṃ, pavarā passa puññānaṃ vipākaṃ.
351. “Tena metādiso vaṇṇo...pe...
 Vaṇṇo ca me sabbadisā pabhāsati”’ti.

4. Phaluttamadāyikāvimānavatthu (3)

353. “Abhikkantena vaṇṇena...pe... osadhī viya tārakā.
 354. “Kena tetādiso vaṇṇo...pe... ye keci manaso piyā.
 355. “Pucchāmi taṃ devī mahānubhāve...pe...
 Vaṇṇo ca te sabbadisā pabhāsati”’ti.
356. Sā devatā attamanā...pe... yassa kammassidaṃ phalaṃ.
 357. “Phaluttamadāyikā nārī, pavarā hoti naresu nārīsu;
 Evaṃ piyarūpadāyikā manāpaṃ, dibbaṃ sā labhate upecca ṭhānaṃ.
358. “Tassā me passa vimānaṃ, accharā kāmavaṇṇiniḥamasmi;
 Accharāsahassassāhaṃ, pavarā passa puññānaṃ vipākaṃ.
359. “Tena metādiso vaṇṇo...pe... vaṇṇo ca me sabbadisā pabhāsati”’ti.

5. Rasuttamadāyikāvimānavatthu (4)

361. “Abhikkantena vaṇṇena...pe... osadhī viya tārakā.
 362. “Kena tetādiso vaṇṇo...pe... ye keci manaso piyā.
 363. “Pucchāmi taṃ devī mahānubhāve...pe...
 Vaṇṇo ca te sabbadisā pabhāsati”’ti.

364. Sā devatā attamanā...pe... yassa kammassidaṃ phalaṃ.
 365. “Rasuttamadāyikā nārī, pavarā hoti naresu nārīsu;
 Evaṃ piyarūpadāyikā manāpaṃ, dibbaṃ sā labhate upecca ṭhānaṃ.
 366. “Tassā me passa vimānaṃ, accharā kāmavaṇṇiniṃhamasmi;
 Accharāsaḥassasāhaṃ, pavarā passa puññaṃ vipākaṃ.
 367. “Tena metādiso vaṇṇo...pe...
 Vaṇṇo ca me sabbadisā pabhāsati”’ti.

6. Gandhapañcaṅgulikadāyikāvimānavatthu

369. “Abhikkantena vaṇṇena...pe... osadhī viya tārakā.
 370. “Kena tetādiso vaṇṇo...pe...
 Vaṇṇo ca te sabbadisā pabhāsati”’ti.
 372. Sā devatā attamanā...pe... yassa kammassidaṃ phalaṃ.
 373. “Gandhapañcaṅgulikaṃ ahamadāsīṃ, kassapassa bhagavato thūpamhi;
 Evaṃ piyarūpadāyikā manāpaṃ, dibbaṃ sā labhate upecca ṭhānaṃ.
 374. “Tassā me passa vimānaṃ, accharā kāmavaṇṇiniṃhamasmi;
 Accharāsaḥassasāhaṃ, pavarā passa puññaṃ vipākaṃ.
 375. “Tena metādiso vaṇṇo...pe... vaṇṇo ca me sabbadisā pabhāsati”’ti.
 (Anantaraṃ caturavimānaṃ yathā gandhapañcaṅgulikadāyikāvimānaṃ tathā vitthāretabbaṃ
 [() natthi sī. potthake])

7. Ekūposathavimānavatthu (1)

377. “Abhikkantena vaṇṇena...pe...vaṇṇo ca te sabbadisā pabhāsati”’ti.
 380. Sā devatā attamanā...pe...yassa kammassidaṃ phalaṃ.
 381. “Bhikkhū ca ahaṃ bhikkhuniyo ca, addasāsīṃ panthapaṭipanne;
 Tesāhaṃ dhammaṃ sutvāna, ekūposathaṃ upavasissaṃ.
 382. “Tassā me passa vimānaṃ, accharā kāmavaṇṇiniṃhamasmi;
 Accharāsaḥassasāhaṃ, pavarā passa puññaṃ vipākaṃ.
 383. “Tena metādiso vaṇṇo...pe... vaṇṇo ca me sabbadisā pabhāsati”’ti.

8. Udadakadāyikāvimānavatthu (2)

385. “Abhikkantena vaṇṇena...pe...vaṇṇo ca te sabbadisā pabhāsati”’ti.
 388. Sā devatā attamanā...pe... yassa kammassidaṃ phalaṃ.
 389. “Udake ṭhitā udakamadāsīṃ, bhikkhuno cittaṃ vipasannaṃ;
 Evaṃ piyarūpadāyikā manāpaṃ, dibbaṃ sā labhate upecca ṭhānaṃ.
 390. “Tassā me passa vimānaṃ, accharā kāmavaṇṇiniṃhamasmi;
 Accharāsaḥassasāhaṃ, pavarā passa puññaṃ vipākaṃ.
 391. “Tena metādiso vaṇṇo...pe... vaṇṇo ca me sabbadisā pabhāsati”’ti.

9. Upaṭṭhānavimānavatthu (3)

393. “Abhikkantena vaṇṇena...pe... vaṇṇo ca te sabbadisā pabhāsati”’ti.

396. Sā devatā attamanā...pe... yassa kammassidaṃ phalaṃ.
 397. “Sassuñcāhaṃ sasurañca, caṇḍike kodhane ca pharuse ca;
 Anusūyikā upatṭhāsiṃ [sūpatṭhāsiṃ (sī.)], appamattā sakena sīlena.

398. “Tassā me passa vimānaṃ, accharā kāmavaṇṇinīhamasmi;
 Accharāsahassassāhaṃ, pavarā passa puññaṃ vipākaṃ.

399. “Tena metādiso vaṇṇo...pe... vaṇṇo ca me sabbadisā pabhāsati”’ti.
 10. Aparakammakārinīvimānavatthu (4)

401. “Abhikkantena vaṇṇena...pe... vaṇṇo ca te sabbadisā pabhāsati”’ti.

404. Sā devatā attamanā...pe... yassa kammassidaṃ phalaṃ.

405. “Parakammakarī [parakammakārinī (syā.) parakammakārī (pī.) aparakammakārinī (ka.)] āsiṃ,
 atthenātanditā dāsī;
 Akkodhanānatimānī [anātimānī (sī. syā.)], saṃvibhāginī sakassa bhāgassa.

406. “Tassā me passa vimānaṃ, accharā kāmavaṇṇinīhamasmi;
 Accharāsahassassāhaṃ, pavarā passa puññaṃ vipākaṃ.

407. “Tena metādiso vaṇṇo...pe...vaṇṇo ca me sabbadisā pabhāsati”’ti.
 11. Khīrodanadāyikāvimānavatthu

409. “Abhikkantena vaṇṇena...pe... osadhī viya tārakā.

410. “Kena tetādiso vaṇṇo...pe...vaṇṇo ca te sabbadisā pabhāsati”’ti.

412. Sā devatā attamanā...pe... yassa kammassidaṃ phalaṃ.

413. “Khīrodanaṃ ahamadāsiṃ, bhikkhuno piṇḍāya carantassa;
 Evaṃ karitvā kammaṃ, sugatiṃ upapajja modāmi.

414. “Tassā me passa vimānaṃ, accharā kāmavaṇṇinīhamasmi;
 Accharāsahassassāhaṃ, pavarā passa puññaṃ vipākaṃ.

415. “Tena metādiso vaṇṇo...pe...vaṇṇo ca me sabbadisā pabhāsati”’ti.

(Anantaraṃ pañcavīsativimānaṃ yathā khīrodanadāyikāvimānaṃ tathā vitthāretabbaṃ) [() natthi
 sī. potthake]

12. Phāṇitadāyikāvimānavatthu (1)

417. “Abhikkantena vaṇṇena...pe... sabbadisā pabhāsati”’ti.

420. Sā devatā attamanā...pe... yassa kammassidaṃ phalaṃ.

421. “Phāṇitaṃ ahamadāsiṃ, bhikkhuno piṇḍāya carantassa...pe...”.

13. Ucchukhaṇḍikadāyikāvatthu (2)

429. Ucchukhaṇḍikaṃ ahamadāsiṃ, bhikkhuno piṇḍāya carantassa...pe....

14. Timbarusakadāyikāvimānavatthu (3)

437. Timbarusakaṃ ahamadāsiṃ, bhikkhuno piṇḍāya carantassa...pe....

15. Kakkārikadāyikāvimānavatthu (4)

445. Kakkārikaṃ ahamadāsiṃ, bhikkhuno piṇḍāya carantassa...pe....

16. Eḷālukadāyikāvimānavatthu (5)

453. Eḷālukaṃ ahamadāsiṃ, bhikkhuno piṇḍāya carantassa...pe....

17. Valliphaladāyikāvimānavatthu(6)
461. Valliphalamaṃ ahamadāsimaṃ, bhikkhuno piṇḍāya carantassa...pe....
18. Phārusakadāyikāvimānavatthu (7)
469. Phārusakamaṃ ahamadāsimaṃ, bhikkhuno piṇḍāya carantassa...pe....
19. Hatthappatāpakadāyikāvimānavatthu (8)
477. Hatthappatāpakamaṃ ahamadāsimaṃ, bhikkhuno piṇḍāya carantassa...pe....
20. Sākamuṭṭhidāyikāvimānavatthu (9)
485. Sākamuṭṭhimaṃ ahamadāsimaṃ, bhikkhuno panthapaṭipannassa...pe....
21. Pupphakamuṭṭhidāyikāvimānavatthu (10)
493. Pupphakamuṭṭhimaṃ ahamadāsimaṃ, bhikkhuno piṇḍāya carantassa...pe....
22. Mūlakadāyikāvimānavatthu (11)
501. Mūlakamaṃ ahamadāsimaṃ, bhikkhuno piṇḍāya carantassa...pe....
23. Nimbamuṭṭhidāyikāvimānavatthu (12)
506. Nimbamuṭṭhimaṃ ahamadāsimaṃ, bhikkhuno piṇḍāya carantassa...pe....
24. Ambakañjikadāyikāvimānavatthu (13)
517. Ambakañjikaṃ ahamadāsimaṃ, bhikkhuno piṇḍāya carantassa...pe....
25. Doṇinimmajjanidāyikāvimānavatthu (14)
525. Doṇinimmajjanimaṃ [doṇinimujjanaṃ (syā.)] ahamadāsimaṃ, bhikkhuno piṇḍāya carantassa...
pe....
26. Kāyabandhanadāyikāvimānavatthu (15)
533. Kāyabandhanaṃ ahamadāsimaṃ, bhikkhuno piṇḍāya carantassa...pe....
27. Aṃsabaddhakadāyikāvimānavatthu (16)
541. Aṃsabaddhakaṃ [aṃsavaṭṭakaṃ (sī.), aṃsabandhanaṃ (ka.)] ahamadāsimaṃ, bhikkhuno
piṇḍāya carantassa...pe....
28. Āyogapaṭṭadāyikāvimānavatthu (17)
546. Āyogapaṭṭamaṃ ahamadāsimaṃ, bhikkhuno piṇḍāya carantassa...pe....
29. Vidhūpanadāyikāvimānavatthu (18)
557. Vidhūpanamaṃ ahamadāsimaṃ, bhikkhuno piṇḍāya carantassa...pe....
30. Tālavaṇṭadāyikāvimānavatthu (19)
565. Tālavaṇṭamaṃ ahamadāsimaṃ, bhikkhuno piṇḍāya carantassa...pe....
31. Morahatthadāyikāvimānavatthu (20)
573. Morahatthamaṃ ahamadāsimaṃ, bhikkhuno piṇḍāya carantassa...pe....
32. Chattadāyikāvimānavatthu (21)
581. Chattaṃ [chattañca (ka.)] ahamadāsimaṃ, bhikkhuno piṇḍāya carantassa...pe....
33. Upāhanadāyikāvimānavatthu (22)

586. Upāhanaṃ ahamadāsiṃ, bhikkhuno piṇḍāya carantassa...pe....
34. Pūvadāyikāvimānavatthu (23)
597. Pūvaṃ ahamadāsiṃ, bhikkhuno piṇḍāya carantassa...pe....
35. Modakadāyikāvimānavatthu (24)
605. Modakaṃ ahamadāsiṃ, bhikkhuno piṇḍāya carantassa...pe....
36. Sakkhalikadāyikāvimānavatthu (25)
613. “Sakkhalikaṃ [sakkhalim (sī. syā.)] ahamadāsiṃ, bhikkhuno piṇḍāya carantassa...pe....
614. “Tassā me passa vimānaṃ, accharā kāmavaṇṇiniḥamaṃ;
Accharāsaḥassasāhaṃ, pavarā passa puññaṃ vipākaṃ.
615. “Tena metādiso vaṇṇo...pe...vaṇṇo ca me sabbadisā pabhāsati”ti.
617. “Svāgataṃ vata me ajja, suppbhātaṃ suhuṭṭhitaṃ [suvuṭṭhitaṃ (sī.)];
Yaṃ addasāmi [addasaṃ (sī. syā.), addasāsiṃ (pī.)] devatāyo, accharā kāmavaṇṇiniyo
[kāmavaṇṇiyo (sī.)].
618. “Imāsāhaṃ [tāsāhaṃ (syā. ka.)] dhammaṃ sutvā [sutvāna (syā. ka.)], kāhāmi kusalaṃ bahuṃ.
Dānena samacariyāya, saññaṃmena damena ca;
Svāhaṃ tattha gamissāmi [tattheva gacchāmi (ka.)], yattha gantvā na socare”ti.

Guttilavimānaṃ pañcamaṃ.

6. Daddallavimānavatthu

619. “Daddallamānā [daddalhamānā (ka.)] vaṇṇena, yasaṃ ca yasassinī;
Sabbe deve tāvatimse, vaṇṇena atirocasi.
620. “Dassanaṃ nābhijānāmi, idaṃ paṭhamadassanaṃ;
Kasmā kāyā nu āgamma, nāmena bhāsase mama”nti.
621. “Ahaṃ bhadda subhaddāsiṃ, pubbe mānusaṃ bhava;
Sahabhariyā ca te āsiṃ, bhaginī ca kaniṭṭhikā.
622. “Sā ahaṃ kāyassa bheda, vipparamuttā tato cutā;
Nimmānaratīnaṃ devānaṃ, upapannā saḥabyata”nti.
623. “Pahūtakatakalyāṇā, te deve yanti pāṇino;
Yesaṃ tvaṃ kittayissasi, subhadde jātimattano.
624. “Atha [kathaṃ (sī. syā.)] tvaṃ kena vaṇṇena, kena vā anusāsītā;
Kīdiseneva dānena, subbatena yasassinī.
625. “Yasaṃ etādisaṃ pattā, visesaṃ vipulamajjhagā;
Devate pucchitācikkha, kissa kammaṃsidā phala”nti.
626. “Atṭheva piṇḍapātāni, yaṃ dānaṃ adadaṃ pure;
Dakkhiṇeyyassa saṅghassa, pasannā sehi pāṇibhi.
627. “Tena metādiso vaṇṇo...pe...vaṇṇo ca me sabbadisā pabhāsati”ti.
629. “Ahaṃ tayā bahutare bhikkhū, saññate brahmacārayo [brahmacarino (syā.), brahmacāriye (pī.)

ka.);

Tappesiṃ annapānena, pasannā sehi pāṇibhi.

630. “Tayā bahutaraṃ datvā, hīnakāyūpagā ahaṃ [ahuṃ (ka. sī.)];
Kathaṃ tvaṃ appataraṃ datvā, viśesaṃ vipulamajjhagā;
Devate pucchitācikkha, kissa kammaṣṣidaṃ phala’’nti.
631. “Manobhāvanīyo bhikkhu, sandiṭṭho me pure ahu;
Tāhaṃ bhattena [bhadde (ka.)] nimantesiṃ, revataṃ attanaṭṭhamaṃ.
632. “So me atthapurekkhāro, anukampāya revato;
Saṅghe dehīti maṃvoca, tassāhaṃ vacanaṃ kariṃ.
633. “Sā dakkhiṇā saṅghagatā, appameyye patiṭṭhitā;
Puggalesu tayā dinnāṃ, na taṃ tava mahapphala’’nti.
634. “Idānevāhaṃ jānāmi, saṅghe dinnāṃ mahapphalaṃ;
Sāhaṃ gantvā manussattaṃ, vadaññū vītamaccharā;
Saṅghe dānāni dassāmi [saṅghe dānaṃ dassāmihaṃ (syā.)], appamattā punappuna’’nti.
635. “Kā esā devatā bhadde, tayā mantayate saha;
Sabbe deve tāvatimse, vaṇṇena atirocatī’’ti.
636. “Manussabhūtā devinda, pubbe mānusaḥ bhava;
Sahabhariyā ca me āsi, bhaginī ca kaniṭṭhikā;
Saṅghe dānāni datvāna, katapuññā virocātī’’ti.
637. “Dhammena pubbe bhaginī, tayā bhadde virocātī;
Yaṃ saṅghamhi appameyye, patiṭṭhāpesi dakkhiṇaṃ.
638. “Pucchito hi mayā buddho, gijjhakūṭamhi pabbate;
Vipākaṃ saṃvibhāgassa, yattha dinnāṃ mahapphalaṃ.
639. “Yajamānānaṃ manussānaṃ, puññaḥpekkhāna pāṇinaṃ;
Karoṭaṃ opadhikaṃ puññaṃ, yattha dinnāṃ mahapphalaṃ.
640. “Taṃ me buddho viyākāsi, jānaṃ kammaḥphalaṃ sakaṃ;
Vipākaṃ saṃvibhāgassa, yattha dinnāṃ mahapphalaṃ.
641. [vi. va. 750; kathā. 798] “Cattāro ca paṭipannā, cattāro ca phale ṭhitā;
Esa saṅgho ujubhūto, paññāsīlasamāhito.
642. [vi. va. 751; kathā. 798] “Yajamānānaṃ manussānaṃ, puññaḥpekkhāna pāṇinaṃ;
Karoṭaṃ opadhikaṃ puññaṃ, saṅghe dinnāṃ mahapphalaṃ.
643. [vi. va. 752; kathā. 798] “Eso hi saṅgho vipulo mahaggato, esappameyyo udadhīva sāgaro;
Ete hi seṭṭhā naravīrasāvaka, pabhaṅkarā dhammamudīrayanti [dhammakathaṃ udīrayanti (syā.)].
644. [vi. va. 753; kathā. 798] “Tesaṃ sudinnaṃ suhutaṃ suyiṭṭhaṃ, ye saṅghamuddissa dadanti dānaṃ;
Sā dakkhiṇā saṅghagatā patiṭṭhitā, mahapphalā lokavidūna [lokavidūhi (syā. ka.)] vaṇṇitā.

645. [vi. va. 754; kathā. 798] “Etādisaṃ yaññamanussarantā [puññamanussarantā (syā. ka.)], ye vedajātā vicaranti loke;
Vineyya maccheramaḷaṃ samūlaṃ, aninditā saggamupenti ṭhāna’nti.

Daddallavimānaṃ [daddalhavimānaṃ (ka.)] chaṭṭhaṃ.

7. Pesavatīvimānavatthu

646. “Phalikaṛajatahemajālachannaṃ, vividhacitratalamaddasaṃ surammaṃ;
Byammaṃ sunimmitaṃ toraṇūpapannaṃ, rucakupakiṇṇamidaṃ subhaṃ vimānaṃ.
647. “Bhāti ca dasa disā nabheva suriyo, sarade tamonudo sahasaraṃsī;
Tathā tapatimidaṃ tava vimānaṃ, jalamiva dhūmasikho nise nabhagge.
648. “Musatīva nayanaṃ sateratāva [sateritāva (syā. ka.)], ākāse ṭhapitamidaṃ manuññaṃ;
Viṇāmurajasammatāḷaghuṭṭhaṃ, iddhaṃ indapuraṃ yathā tavedaṃ.
649. “Padumakumuduppalakavalayaṃ, yodhika [yūdhika (sī.)] bandhukanojakā [yothikā bhaṇḍikā
nojakā (syā.)] ca santi;
Sālakusumitapupphitā asokā, vividhadumaggasugandhasevitamidaṃ.
650. “Saḷalalabujabhujaka [sujaka (sī. syā.)] saṃyuttā [saññatā (sī.)],
kusakasuphullitalatāvalambinīhi;
Mañijālasadisā yasassinī, rammā pokkharāṇī upaṭṭhitā te.
651. “Udakaruhā ca yetthi pupphajātā, thalajā ye ca santi rukkhajātā;
Mānusakāmānussakā ca dibbā, sabbe tuyhaṃ nivesanamhi jātā.
652. “Kissa saṃyamadamassayaṃ vipāko, kenāsi kammaphalenidhūpapannā;
Yathā ca te adhigatamidaṃ vimānaṃ, tadanupadaṃ avacāsiḷārapamhe’nti [pakhumeti (sī.)].
653. “Yathā ca me adhigatamidaṃ vimānaṃ, koṇcamayūracakora [caṅkora (ka.)] saṅghacaritaṃ;
Dibya [dibba (sī. pī.)] pilavaḥsaṃsarājacīṇṇaṃ, dijakāraṇḍavakokilābhinaditaṃ.
654. “Nānāsantānakapuppharukkhavividhā, pāṭalijambuasokarukkhavantaṃ;
Yathā ca me adhigatamidaṃ vimānaṃ, taṃ te pavedayāmi [pavadissāmi (sī.), pavedissāmi
(pī.)] suṇohi bhante.
655. “Magadhavarapuratthimena, nāḷakagāmo nāma atthi bhante;
Tattha ahoṣiṃ pure suṇisā, pesavatīti [sesavatīti (sī. syā.)] tattha jāniṃsu mamaṃ.
656. “Sāhamapacitatthadhammakusalaṃ, devamanussapūjitaṃ mahantaṃ;
Upatisaṃ nibbutamappameyyaṃ, muditamaṇā kusumehi abbhukiriṃ [abbhukiriṃ (sī. syā. pī.
ka.)].
657. “Paramagatigatañca pūjayitvā, antimadehadharaṃ isiṃ uḷāraṃ;
Pahāya mānusaḥsaṃ samussayaṃ, tidasagatā idha māvasāmi ṭhāna’nti.

Pesavatīvimānaṃ sattamaṃ.

8. Mallikāvimānavatthu

658. “Pītavatthe pītadhaje, pītālaṅkārabhūsite;
Pītantarāhi vaggūhi, apiḷandhāva sobhasi.
659. “Kā kambukāyūradhare [kambukāyuradhare (syā.)], kañcanāveḷabhūsite;
Hemajālakasañchane [pacchane (sī.)], nānāratanamālinī.
660. “Sovaṇṇamayā lohitaṅgamayā [lohitaṅkamayā (sī. syā.)] ca, muttāmayā veḷuriyamayā ca;
Masāragallā sahalohitaṅgā [sahalohitankā (sī.), sahalohitakā (syā.)], pārevatakkhīhi maṇīhi
cittatā.
661. “Koci koci ettha mayūrasussaro, haṃsassa rañño karavīkasussaro;
Tesaṃ saro suyayati vaggurūpo, pañcaṅgikaṃ tūriyamivappavāditam.
662. “Ratho ca te subho vaggu [vaggū (syā.)], nānāratana-cittito [nānāratana-cittaṅgo (syā.)];
Nānāvaṇṇāhi dhātūhi, suvibhattova sobhati.
663. “Tasmiṃ rathe kañcanabimbavaṇṇe, yā tvam [yattha (ka. sī. syā. ka.)] ṭhitā bhāsasi maṃ
padesaṃ;
Devate pucchitācikkha, kissa kamma-sidaṃ phala”’nti.
664. “Sovaṇṇajālaṃ maṇisoṇṇa-cittitaṃ [vicittaṃ (ka.), cittaṃ (sī. syā.)], muttācittaṃ hemajālena
channaṃ [sañchannaṃ (ka.)];
Parinibbute gotame appameyye, pasanna-cittā ahamābhiropayim.
665. “Tāhaṃ kammaṃ karitvāna, kusalaṃ buddhavaṇṇitaṃ;
Apetasokā sukhitā, sampamodāmanāmayā”’ti.

Mallikāvīmānaṃ aṭṭhamam.

9. Visālakkhivīmānavatthu

666. “Kā nāma tvam visālakkhi [visālakkhī (syā.)], ramme cittalatāvane;
Samantā anupariyāsi, nārīgaṇapurakkhatā [purakkhitā (syā. ka.)].
667. “Yadā devā tāvatimsā, pavisanti imaṃ vanaṃ;
Sayoggā sarathā sabbe, citrā honti idhāgatā.
668. “Tuyhañca idha pattāya, uyyāne vicarantiyā;
Kāye na dissatī cittaṃ, kena rūpaṃ tavedisaṃ;
Devate pucchitācikkha, kissa kamma-sidaṃ phala”’nti.
669. “Yena kammena devinda, rūpaṃ mayhaṃ gatī ca me;
Iddhi ca ānubhāvo ca, taṃ suṇohi purindada.
670. “Ahaṃ rājagahe ramme, sunandā nāmupāsikā;
Saddhā sīlena sampannā, saṃvibhāgaratā sadā.
671. “Acchādanañca bhattañca, senāsanam padīpiyam;
Adāsīm ujubhūtesu, vippasanna-cetasā.
672. “Cātuddasiṃ [catuddasiṃ (pī. ka.)] pañcadasim, yā ca pakkhassa aṭṭhamī;
Pāṭihāriyapakkhañca, aṭṭhaṅgasusamāgataṃ.

673. “Uposathaṃ upavasissaṃ, sadā sīlesu saṃvutā;
Saññamā saṃvibhāgā ca, vimānaṃ āvasāmaham.
674. “Pāṇātipātā viratā, musāvādā ca saññatā;
Theyyā ca aticārā ca, majjapānā ca ārakā.
675. “Pañcasikkhāpade ratā, ariyasaccāna kovidā;
Upāsikā cakkhumato, gotamassa yasassino.
676. “Tassā me ñātikulā dāsī [ñātikulaṃ āsī (syā. ka.)], sadā mālābhihārati;
Tāhaṃ bhagavato thūpe, sabbamevābhiropayim.
677. “Uposathe cahaṃ gantvā, mālāgandhavilepanaṃ;
Thūpasmim abhiropesiṃ, pasannā sehi pāṇibhi.
678. “Tena kamma devinda, rūpaṃ mayhaṃ gatī ca me;
Iddhī ca ānubhāvo ca, yaṃ mālaṃ abhiropayim.
679. “Yañca sīlavatī āsim, na taṃ tāva vipaccati;
Āsā ca pana me devinda, sakadāgāminī siya’nti.

Visālakkhivimānaṃ navamaṃ.

10. Pāricchattakavimānavatthu

680. “Pāricchattake koviḷāre, ramaṇīye manorame;
Dibbamālaṃ ganthamānā, gāyantī sampamodasi.
681. “Tassā te naccamānāya, aṅgamaṅgehi sabbaso;
Dibbā saddā niccharanti, savanīyā manoramā.
682. “Tassā te naccamānāya, aṅgamaṅgehi sabbaso;
Dibbā gandhā pavāyanti, sucigandhā manoramā.
683. “Vivattamānā kāyena, yā veṇīsu piḷandhanā.
Tesaṃ suyayati nigghoso, tūriye pañcaṅgike yathā.
684. “Vaṭaṃsakā vātadhutā [vātadhūtā (sī. syā.)], vātena sampakampitā;
Tesaṃ suyayati nigghoso, tūriye pañcaṅgike yathā.
685. “Yāpi te sirasmim mālā, sucigandhā manoramā;
Vāti gandho disā sabbā, rukkho mañjūsako yathā.
686. “Ghāyase taṃ sucigandhaṃ [sucim gandhaṃ (sī.)], rūpaṃ passasi amānusaṃ [mānusaṃ (pī.)];
Devate pucchitācikkha, kissa kammaṣidaṃ phala’nti.
687. “Pabhassaraṃ accimantaṃ, vaṇṇagandhena saṃyutaṃ;
Asokapupphamālāhaṃ, buddhassa upanāmayim.
688. “Tāhaṃ kammaṃ karitvāna, kusalaṃ buddhavaṇṇitaṃ;
Apetasokā sukhitā, sampamodāmanāmayā’nti.

Pāricchattakavimānaṃ dasamaṃ.

Pāricchattakavaggo tatiyo niṭṭhito.

Tassuddānaṃ –

Uḷāro ucchu pallaṅko, latā ca guttilena ca;
Daddallapesamallikā, visālakkhī pāricchattako;
Vaggo tena pavuccatīti.

4. Mañjiṭṭhakavaggo

1. Mañjiṭṭhakavimānavatthu

689. “Mañjiṭṭhake [mañjeṭṭhake (sī.)] vimānasmim, soṇṇavālukananthate [sovaṇṇavālukananthate (syā. pī.), sovaṇṇavālikasanthate (ka.)];
Pañcaṅgike turiyena [turiyena (sī. syā. pī.)], ramasi suppvādite.
690. “Tamhā vimānā oruyha, nimmitā ratanāmayā;
Ogāhasi sālavanaṃ, pupphitaṃ sabbakālikaṃ.
691. “Yassa yasseva sālassa, mūle tiṭṭhasi devate;
So so muñcati pupphāni, onamitvā dumuttamo.
692. “Vāteritaṃ sālavanaṃ, ādhutaṃ [ādhūtaṃ (sī.)] dijasevitaṃ;
Vāti gandho disā sabbā, rukkho mañjūsako yathā.
693. “Ghāyase taṃ sucigandhaṃ, rūpaṃ passasi amānusaṃ;
Devate pucchitācikkha, kissa kammaṣidaṃ phala’nti.
694. “Ahaṃ manussesu manussabhūtā, dāsī ayirakule [ayyirakule (syā. ka.)] ahuṃ;
Buddhaṃ nisinnaṃ disvāna, sālappupphehi okiriṃ.
695. “Vaṭaṃsakañca sukataṃ, sālappupphamayaṃ ahaṃ;
Buddhassa upanāmesim, pasannā sehi pāṇibhi.
696. “Tāhaṃ kammaṃ karitvāna, kusalaṃ buddhavaṇṇitaṃ;
Apetasokā sukhitā, sampamodāmanāmayā”ti.

Mañjiṭṭhakavimānaṃ paṭhamaṃ.

2. Pabhassaravimānavatthu

697. “Pabhassaravaravaṇṇanibhe, surattavattavasane [vatthanivāsane (sī. syā.)];
Mahiddhike candanaruciragatte, kā tvaṃ subhe devate vandase mamaṃ.
698. “Pallaṅko ca te mahaggho, nānāratanaṅcittito ruciro;
Yattha tvaṃ nisinnā virocasi, devarājāriva nandane vane.
699. “Kiṃ tvaṃ pure sucaritamācarī bhaddo, kissa kammaṣṣa vipākaṃ;
Anubhosi devalokasmim, devate pucchitācikkha;

Kissa kammassidaṃ phala’’nti.

700. ‘‘Piṇḍāya te carantassa, mālaṃ phāṇitañca adadaṃ bhante;
Tassa kammassidaṃ vipākaṃ, anubhomi devalokasmiṃ.
701. ‘‘Hoti ca me anutāpo, aparaddhaṃ [aparādhaṃ (syā.)] dukkhitañca [dukkatañca (sī.)] me
bhante;
Sāhaṃ dhammaṃ nāssosiṃ, sudesitaṃ dhammarājena.
702. ‘‘Taṃ taṃ vadāmi bhaddante, ‘yassa me anukampiyo koci;
Dhammesu taṃ samādapetha’, sudesitaṃ dhammarājena.
703. ‘‘Yesaṃ atthi saddhā buddhe, dhamme ca saṅgharatane;
Te maṃ ativirocanti, āyunā yasaṃ siriyā.
704. ‘‘Patāpena vaṇṇena uttaritarā,
Aññe mahiddhikatarā mayā devā’’ti;

Pabhassaravimānaṃ dutiyaṃ.

3. Nāgavimānavatthu

705. ‘‘Alaṅkatā maṇikañcanācitaṃ, sovaṇṇajālacitaṃ mahantaṃ;
Abhiruyha gajavaraṃ sukappitaṃ, idhāgamā vehāyasaṃ [vehāsayam (sī.)] antalikkhe.
706. ‘‘Nāgassa dantesu duvesu nimmitā, acchodakā [acchodikā (sī. ka.)] paduminiyo suphullā;
Padumesu ca turiyagaṇā pabhijjare, imā ca naccanti manoharāyo.
707. ‘‘Deviddhipattāsi mahānubhāve, manussabhūtā kimakāsi puññaṃ;
Kenāsi evaṃ jalitānubhāvā, vaṇṇo ca te sabbadisā pabhāsati’’ti.
708. ‘‘Bārāṇasiyaṃ upasaṅkamtivā, buddhassaṃ vatthayugaṃ adāsiṃ;
Pādāni vanditvā [vanditva (sī.)] chamā nisīdiṃ, vittā caṃ añjalikaṃ akāsiṃ.
709. ‘‘Buddho ca me kañcanasannibhattaco, adesayi samudayadukkhaniccatam;
Asaṅkhatam dukkhanirodhasassatam, maggaṃ adesayi [adesesi (sī.)] yato vijānisam;
710. ‘‘Appāyukī kālakatā tato cutā, upapannā tidasagaṇam yasassinī;
Sakkassaham aññatarā pajāpati, yasuttarā nāma disāsu vissutā’’ti.

Nāgavimānaṃ tatiyaṃ.

4. Alomavimānavatthu

711. ‘‘Abhikkantena vaṇṇena, yā tvaṃ tiṭṭhasi devate;
Obhāsenti disā sabbā, osadhī viya tārakā.
712. ‘‘Kena tetādiso vaṇṇo...pe...
Vaṇṇo ca te sabbadisā pabhāsati’’ti.
714. Sā devatā attamanā...pe... yassa kammassidaṃ phalaṃ.

715. “Ahañca bārāṇasiyaṃ, buddhassādiccabandhuno;
Adāsiṃ sukkhakummāsaṃ, pasannā sehi pāṇibhi.
716. “Sukkhāya aloṇikāya ca, passa phalaṃ kummāsapinḍiyā;
Alomaṃ sukhitaṃ disvā, ko puññaṃ na karissati.
717. “Tena metādiso vaṇṇo...pe... vaṇṇo ca me sabbadisā pabhāsati”’ti.
Alomavimānaṃ catutthaṃ.

5. Kañjikadāyikāvīmānavatthu

719. “Abhikkantena vaṇṇena...pe... osadhī viya tārakā.
720. “Kena tetādiso vaṇṇo...pe... vaṇṇo ca me sabbadisā pabhāsati”’ti.
722. Sā devatā attamanā...pe... yassa kammassidaṃ phalaṃ.
723. “Ahaṃ andhakavindamhi, buddhassādiccabandhuno;
Adāsiṃ kolasampākaṃ, kañjikaṃ teladhūpitaṃ.
724. “Pipphalyā lasuṇena ca, missaṃ lāmañjakena ca;
Adāsiṃ ujubhūtasmiṃ [ujubhūtesu (ka.)], vippasannena cetasā.
725. “Yā mahesittaṃ kāreyya, cakkavattissa rājino;
Nārī sabbaṅgakalyāṇī, bhattu cānomadassikā;
Ekassa kañjikadānassa, kamaṃ nāgghati soḷasiṃ.
726. “Sataṃ nikkhā sataṃ assā, sataṃ assatarīrathā;
Sataṃ kaññāsahassāni, āmuttamaṇikuṇḍalā;
Ekassa kañjikadānassa, kamaṃ nāgghanti soḷasiṃ.
727. “Sataṃ hemavatā nāgā, īsādantā urūlhavā;
Suvaṇṇakacchā mātaṅgā, hemakappanavāsasā;
Ekassa kañjikadānassa, kamaṃ nāgghanti soḷasiṃ.
728. “Catunnamapi dīpānaṃ, issaraṃ yodha kāraye;
Ekassa kañjikadānassa, kamaṃ nāgghati soḷasi”’nti.

Kañjikadāyikāvīmānaṃ pañcamaṃ.

6. Vihāravīmānavatthu

729. “Abhikkantena vaṇṇena...pe... osadhī viya tārakā.
730. “Tassā te naccamānāya, aṅgamaṅgehi sabbaso;
Dibbā saddā niccharanti, savanīyā manoramā.
731. “Tassā te naccamānāya, aṅgamaṅgehi sabbaso;
Dibbā gandhā pavāyanti, suciḅandhā manoramā.
732. “Vivattamānā kāyena, yā veṇīsu piḷandhanā;
Tesaṃ suyati nigghoso, turiye pañcaṅgike yathā.
733. “Vaṭṭamsakā vātadhutā, vātena sampakampitā;
Tesaṃ suyati nigghoso, turiye pañcaṅgike yathā.

734. “Yāpi te sirasmiṃ mālā, sucigandhā manoramā;
Vāti gandho disā sabbā, rukkho mañjūsako yathā.
735. “Ghāyase taṃ sucigandhaṃ, rūpaṃ passasi amānusaṃ;
Devate pucchitācikkha, kissa kammaṣidaṃ phala”nti.
736. “Sāvattiyāṃ mayhaṃ sakhī bhadante, saṅghassa kāresi mahāvihāraṃ;
Tatthappasannā ahamānumodiṃ, disvā agārañca piyañca metaṃ.
737. “Tāyeva me suddhanumodanāya, laddhaṃ vimānabbhutaḍḍassaneyyaṃ;
Samantato soḷasayojanāni, vehāyasaṃ gacchati iddhiyā mama.
738. ~~“Kūḍḍalamānā ābhanti, samantā soḷasayojanāni;
Kūḍḍagāmañvesane, soḷasāsoḷasayojanāni.~~
739. “Pokkharañño ca me ettha, puthulomanisevitā;
Acchodakā [acchodikā (sī.)] vippasannā, soṇṇavālukasanthatā.
740. “Nānāpadumasañchannā, puṇḍarīkasamotatā [paṇḍarīkasamonatā (sī.)];
Surabhī sampavāyanti, manuññā māluteritā.
741. “Jambuyo panasā tālā, nāḷikeravanāni ca;
Antonivesane jātā, nānārukkhā aropimā.
742. “Nānātūriyasaṅghuṭṭhaṃ, accharāgaṇaghositāṃ;
Yopi maṃ supine passe, sopi vitto siyā naro.
743. “Etādisaṃ abbhutaḍḍassaneyyaṃ, vimānaṃ sabbasopabhaṃ;
Mama kammehi nibbattaṃ, alaṃ puññāni kātave”ti.
744. “Tāyeva te suddhanumodanāya, laddhaṃ vimānabbhutaḍḍassaneyyaṃ;
Yā ceva sā dānamadāsi nārī, tassā gatimṃ brūhi kuhiṃ uppannā [upapannā (ka.)] sā”ti.
745. “Yā sā ahu mayhaṃ sakhī bhadante, saṅghassa kāresi mahāvihāraṃ;
Viññātadhammā sā adāsi dānaṃ, uppannā nimmānaratīsu devesu.
746. “Pajāpatī tassa sunimmitassa, acintiyā kammavipākā tassa;
Yametāṃ pucchasi kuhiṃ uppannā [upapannā (ka.)] sātī, taṃ te viyākāsimṃ anaññathā ahaṃ.
747. “Tenahaññepi samādapetha, saṅghassa dānāni dadātha vittā;
Dhammañca suñātha pasannamānasā, sudullabho laddho manussalābho.
748. “Yaṃ maggaṃ maggādhipatī adesayi [maggādhipatyadesayi (sī.)], brahmassaro
kañcanasannibhattaco;
Saṅghassa dānāni dadātha vittā, mahapphalā yattha bhavanti dakkhiṇā.
749. [khu. pā. 6.6; su. ni. 229] “Ye puggalā aṭṭha satāṃ pasatthā, cattāri etāni yugāni honti;
Te dakkhiṇeyyā sugatassa sāvakā, etesu dinnāni mahapphalāni.
750. [vi. va. 641] “Cattāro ca paṭipannā, cattāro ca phale ṭhitā;
Esa saṅgho ujubhūto, paññāsīlasamāhito.
751. [vi. va. 642] “Yajamānānaṃ manussānaṃ, puññapekkhāna pāṇinaṃ;

Karotaṃ opadhikaṃ puññaṃ, saṅghe dinnāṃ mahapphalaṃ.

752. [vi. va. 643] “Eso hi saṅgho vipulo mahaggato, esappameyyo udadhīva sāgaro;
Etehi seṭṭhā naravīrasāvaka, pabhaṅkarā dhammamudīrayanti [natthettha pāṭhabhedo].
753. [vi. va. 644] “Tesaṃ sudinnaṃ suhutaṃ suyitṭhaṃ, ye saṅghamuddissa dadanti dānaṃ;
Sā dakkhiṇā saṅhagatā patiṭṭhitā, mahapphalā lokavidūna [lokavidūhi (ka.)] vaṇṇitā.
754. “Etādisaṃ yaññaṃanussarantā, ye vedajātā vicaranti loke;
Vineyya maccheramalaṃ samūlaṃ, aninditā saggamupenti ṭhāna”nti.

Vihāravimānaṃ chaṭṭhaṃ.

Bhānavāraṃ dutiyaṃ niṭṭhitaṃ.

7. Caturitthivimānavatthu

755. “Abhikkantena vaṇṇena...pe...vaṇṇo ca te sabbadisā pabhāsati”ti.
758. Sā devatā attamaṇā...pe... yassa kammassidaṃ phalaṃ.
759. “Indīvarānaṃ hatthakaṃ ahamadāsīṃ, bhikkhuno piṇḍāya carantassa;
Esikānaṃ uṇṇatasmīṃ, nagaravare paṇṇakate ramme.
760. “Tena metādiso vaṇṇo...pe...vaṇṇo ca me sabbadissā pabhāsati”ti.
762. “Abhikkantena vaṇṇena...pe...vaṇṇo ca te sabbadisā pabhāsati”ti.
765. Sā devatā attamaṇā...pe... yassa kammassidaṃ phalaṃ.
766. “Nīluppalahatthakaṃ ahamadāsīṃ, bhikkhuno piṇḍāya carantassa;
Esikānaṃ uṇṇatasmīṃ, nagaravare paṇṇakate ramme.
767. “Tena metādiso vaṇṇo...pe...vaṇṇo ca me sabbadisā pabhāsati”ti.
769. “Abhikkantena vaṇṇena...pe...vaṇṇo ca te sabbadisā pabhāsati”ti.
772. Sā devatā attamaṇā...pe... yassa kammassidaṃ phalaṃ.
773. “Odātamūlakaṃ haritapattaṃ, udakasmīṃ sare jātaṃ ahamadāsīṃ;
Bhikkhuno piṇḍāya carantassa, esikānaṃ uṇṇatasmīṃ;
Nagaravare paṇṇakate ramme.
774. “Tena metādiso vaṇṇo...pe...vaṇṇo ca me sabbadisā pabhāsati”ti.
776. “Abhikkantena vaṇṇena...pe...vaṇṇo ca te sabbadisā pabhāsati”ti.
779. Sā devatā attamaṇā...pe... yassa kammassidaṃ phalaṃ.
780. “Ahaṃ sumanā sumanassa sumanamakuḷāni, dantavaṇṇāni ahamadāsīṃ;
Bhikkhuno piṇḍāya carantassa, esikānaṃ uṇṇatasmīṃ;
Nagaravare paṇṇakate ramme.
781. “Tena metādiso vaṇṇo...pe...vaṇṇo ca me sabbadisā pabhāsati”ti.
Caturitthivimānaṃ sattamaṃ.

8. Ambavimānavatthu

783. “Dibbaṃ te ambavanaṃ rammaṃ, pāsādettha mahallako;
Nānāturiyasaṅghuṭṭho, accharāgaṇaghosito.
784. “Padīpo cetha jalati, niccaṃ sovaṇṇayo mahā;
Dussaphalehi rukkhehi, samantā parivārito.

785. “Kena tetādiso vaṇṇo...pe...vaṇṇo ca te sabbadisā pabhāsati”’ti;
 787. Sā devatā attamanā...pe... yassa kammassidaṃ phalaṃ.
 788. “Ahaṃ manussesu manussabhūtā, purimāya jātiyā manussaloke;
 Vihāraṃ saṅghassa kāresim, ambehi parivāritam.
789. “Pariyosite vihāre, kārente niṭṭhite mahe;
 Ambehi chādayitvāna [ambe acchādayitvāna (sī. syā.), ambehacchādayitvāna (pī. ka.)], katvā
 dussamaye phale.
790. “Padīpaṃ tattha jāletvā, bhojayitvā gaṇuttamaṃ;
 Niyyādesim taṃ saṅghassa, pasannā sehi pāṇibhi.
791. “Tena me ambavanaṃ rammaṃ, pāsādettha mahallako;
 Nānāturiyasaṅghuṭṭho, accharāgaṇaghosito.
792. “Padīpo cettha jalati, niccaṃ sovaṇṇayo mahā;
 Dussaphalehi rukkhehi, samantā parivārito.
793. “Tena metādiso vaṇṇo...pe...vaṇṇo ca me sabbadisā pabhāsati”’ti.
 Ambavimānaṃ aṭṭhamaṃ.

9. Pītavimānavatthu

795. “Pītavatthe pītadhaje, pītālankārabhūsite;
 Pītacandalittāṅge, pītauppalamālinī [pītuppalamadhārīni (syā. ka.), pītuppalamālinī (pī.)].
796. “Pītapāsādasayane, pītāsane pītabhājane;
 Pītachatte pītarathe, pītasse pītabījane.
797. “Kiṃ kammamakarī bhadde, pubbe mānusake bhava;
 Devate pucchitācikkha, kissa kammassidaṃ phala”’nti.
798. “Kosātakī nāma latatthi bhante, tittikā anabhicchitā;
 Tassā cattāri pupphāni, thūpaṃ abhihariṃ ahaṃ.
799. “Satthu sarīramuddissa, vippasannena cetasā;
 Nāssa maggaṃ avekkhissaṃ, na taggamanasā [tadaggamanasā (sī.), tadaṅgamanasā (syā.)]
 satī.
800. “Tato maṃ avadhī gāvī, thūpaṃ apattamānasam;
 Tañcāhaṃ abhisañceyyam, bhiiyo [bhīyo (sī. aṭṭha.)] nūna ito siyā.
801. “Tena kammena devinda, maghavā devakuñjaro;
 Pahāya mānusaṃ dehaṃ, tava sahabya [sahabyata (sī. syā.)] māgatā”’ti.
802. Idaṃ sutvā tidasādhipati, maghavā devakuñjaro;
 Tāvatiṃse pasādentō, mātaliṃ etadabravi [etadabrūvīti (sī.)].
803. “Passa mātali accheraṃ, cittaṃ kammaphalaṃ idaṃ;
 Appakampi kataṃ deyyam, puññaṃ hoti mahapphalaṃ.
804. “Natthi citte pasannamhi, appakā nāma dakkhiṇā;

Tathāgate vā sambuddhe, atha vā tassa sāvake.

805. “Ehi mātali amhepi, bhiyyo bhiyyo mahemase;
Tathāgatassa dhātuyo, sukho puññāna muccayo.
806. “Tiṭṭhante nibbute cāpi, same citte samaṃ phalaṃ;
Cetopaṇidhihetu hi, sattā gacchanti suggaṭiṃ.
807. “Bahūnaṃ [bahunnaṃ (sī. syā.)] vata atthāya, uppajjanti tathāgatā;
Yattha kāraṃ karitvāna, saggamaṃ gacchanti dāyaka’”ti.

Pītavimānaṃ navamaṃ.

10. Ucchuvimānavatthu

808. “Obhāsaiyivā pathaviṃ sadevakamaṃ, atirocasi candimasūriyā viya;
Siriya ca vaṇṇena yasena tejasā, brahmāva deve tidase sahindake.
809. “Pucchāmi taṃ uppalamāladhārinī, āveḷinī kañcanaṣannibhattace;
Alaṅkate uttamavatthadhārinī, kā tvaṃ subhe devate vandase mamaṃ.
810. “Kiṃ tvaṃ pure kammamakāsi attanā, manussabhūtā purimāya jātiyā;
Dānaṃ suciṇṇamaṃ atha sīlasaññaṃ, kenupapannā sugaṭiṃ yasassinī;
Devate pucchitācikkha, kissa kammaṣidaṃ phala’”nti.
811. “Idāni bhante imameva gāmaṃ, piṇḍāya amhāka gharaṃ upāgami;
Tato te ucchussa adāsi khaṇḍikaṃ, pasannacittā atulāya pītiyā;
812. “Sassu ca pacchā anuyuñjate mamaṃ, kahaṃ nu ucchuṃ vadhuke avākirī;
Na chaḍḍitaṃ no pana khāditaṃ mayā, santassa bhikkhussa sayamaṃ adāsamaṃ.
813. “Tuyhaṃnvidaṃ issariyaṃ atho mama, itissā sassu paribhāsate mamaṃ;
Leḍḍuṃ gahetvā pahāraṃ adāsi me, tato cutā kālakatāmi devatā.
814. “Tadeva kammaṃ kusalaṃ kataṃ mayā, sukhañca kammaṃ anubhomi attanā;
Devehi saddhiṃ paricārayāmaṃ, modāmaṃ kāmaguṇehi pañcahi.
815. “Tadeva kammaṃ kusalaṃ kataṃ mayā, sukhañca kammaṃ anubhomi attanā;
Devindaguttā tidasehi rakkhitā, samappitā kāmaguṇehi pañcahi.
816. “Etādisaṃ puññaphalaṃ anappakaṃ, mahāvīpākā mama ucchudakkhiṇā;
Devehi saddhiṃ paricārayāmaṃ, modāmaṃ kāmaguṇehi pañcahi.
817. “Etādisaṃ puññaphalaṃ anappakaṃ, mahājutikā mama ucchudakkhiṇā;
Devindaguttā tidasehi rakkhitā, saḥassanettoriva nandane vane.
818. “Tuvañca bhante anukampakaṃ viduṃ, upecca vandiṃ kusalañca pucchisaṃ;
Tato te ucchussa adāsiṃ khaṇḍikaṃ, pasannacittā atulāya pītiyā’”ti.

Ucchuvimānaṃ dasamaṃ.

11. Vandana vimānavatthu

819. “Abhikkantena vaṇṇena, yā tvaṃ tiṭṭhasi devate;
Obhāsenti disā sabbā, osadhī viya tārakā.
820. “Kena tetādiso vaṇṇo...pe. ...
Vaṇṇo ca te sabbadisā pabhāsati”’ti.
822. Sā devatā attamanā...pe... yassa kammassidaṃ phalaṃ.
823. “Ahaṃ manussesu manussabhūtā, disvāna samaṇe sīlavante;
Pādāni vanditvā manaṃ pasādayiṃ, vittā cahaṃ añjalikaṃ akāsiṃ.
824. “Tena metādiso vaṇṇo...pe... vaṇṇo ca me sabbadisā pabhāsati”’ti.
Vandana vimānaṃ ekādasamaṃ.

12. Rajjumaḷāvimānavatthu

826. “Abhikkantena vaṇṇena, yā tvaṃ tiṭṭhasi devate;
Hatthapāde ca viggayha, naccasi suppvādite.
827. “Tassā te naccamānāya, aṅgamaṅgehi sabbaso;
Dibbā saddā niccharanti, savanīyā manoramā.
828. “Tassā te naccamānāya, aṅgamaṅgehi sabbaso;
Dibbā gandhā pavāyanti, sucigandhā manoramā.
829. “Vivattamānā kāyena, yā veṇīsu piḷandhanā;
Tesaṃ suyati nigghoso, turiye pañcaṅgike yathā.
830. “Vaṭṭasakā vātadhutā, vātena sampakampitā;
Tesaṃ suyati nigghoso, turiye pañcaṅgike yathā.
831. “Yāpi te sirasmiṃ mālā, sucigandhā manoramā;
Vāti gandho disā sabbā, rukkho mañjūsako yathā.
832. “Ghāyase taṃ sucigandhaṃ, rūpaṃ passasi amānusaṃ;
Devate pucchitācikkha, kissa kammassidaṃ phala”’nti.
833. “Dāsī ahaṃ pure āsiṃ, gayāyaṃ brāhmaṇassahaṃ;
Appapuññā alakkhikā, rajjumaḷāti maṃ viduṃ [vidū (syā. pī. ka.)].
834. “Akkosānaṃ vadhānañca, tajjanāya ca uggatā [ukkatā (sī. syā.)];
Kuṭṭhaṃ gahetvā nikkhamma, agaṅchiṃ [āgacchiṃ (syā. ka.), agacchiṃ (pī.), gacchiṃ (sī.)]
udahāriyā [udakahāriyā (sī.)].
835. “Vipathe kuṭṭhaṃ nikkhipitvā, vanasaṇḍaṃ upāgamiṃ;
Idhevāhaṃ marissāmi, ko attho [kvatthosi (ka.), kīvatthopi (syā.)] jīvitena me.
836. “Daḷhaṃ pāsaṃ karitvāna, āsumbhivāna pādape;
Tato disā vilokesiṃ,ko nu kho vanamassito.
837. “Tatthaddasāsiṃ sambuddhaṃ, sabbalokahitaṃ munim;

Nisinnam rukkhamūlasmiṃ, jhāyantam akutobhayam.

838. “Tassā me ahu saṃvego, abbhuto lomahaṃsano;
Ko nu kho vanamassito, manusso udāhu devatā.
839. “Pāsādikam pasādanīyam, vanā nibbanamāgataṃ;
Disvā mano me pasīdi, nāyam yādisakīdiso.
840. “Guttindriyo jhānarato, abahiggatamānaso;
Hito sabbassa lokassa, buddho ayam [soyam (sī.)] bhavissati.
841. “Bhayabheravo durāsado, sīhova guhamassito;
Dullabhāyam dassanāya, puppham odumbaram yathā.
842. “So maṃ mudūhi vācāhi, ālapitvā tathāgato;
Rajjumāleti maṃvoca, saraṇam gaccha tathāgataṃ.
843. “Tāham giram suṇitvāna, nelam atthavatiṃ sucim;
Saṇham muduñca vagguñca, sabbasokāpanūdanam.
844. “Kallacittañca maṃ ñatvā, pasannam suddhamānasam;
Hito sabbassa lokassa, anusāsi tathāgato.
845. “Idam dukkhanti maṃvoca, ayam dukkhassa sambhavo;
Dukkha [ayam (sī. syā. pī.)] nirodho maggo ca [dukkhanirodho ca (syā.)], añjaso amatogadho.
846. “Anukampakassa kusalassa, ovādamhi aham tthitā;
Ajjhagā amataṃ santiṃ, nibbānam padamaccutaṃ.
847. “Sāham avatthitāpemā, dassane avikampinī;
Mūlajātāya saddhāya, dhītā buddhassa orasā.
848. “Sāham ramāmi kīlāmi, modāmi akutobhayā;
Dibbamālam dhārayāmi, pivāmi madhumaddavam.
849. “Saṭṭhituriyasahassāni, paṭibodham karonti me;
Ālambo gaggaro bhīmo, sādhuvadī ca saṃsayo.
850. “Pokkharo ca suphasso ca, vīṇāmokkhā ca nāriyo;
Nandā ceva sunandā ca, soṇadinnā sucimhitā.
851. “Alambusā missakesī ca, puṇḍarīkātīdāruṇī [... ticāruṇī (sī.)];
Eṇīphassā suphassā [supassā (syā. pī. ka.)] ca, subhaddā [saṃbhaddā (ka.)] muduvādinī.
852. “Etā caññā ca seyyāse, accharānam pabodhikā;
Tā maṃ kālenupāgantvā, abhibhāsanti devatā.
853. “Handa naccāma gāyāma, handa tam ramayāmase;
Nayidaṃ akatapuññānam, katapuññānamevidaṃ.
854. “Asokam nandanam rammaṃ, tidasānam mahāvanam;
Sukham akatapuññānam, idha natthi parattha ca.

855. “Sukhañca katapuññānaṃ, idha ceva parattha ca;
Tesaṃ saḥabyakāmānaṃ, kattabbaṃ kusalaṃ bahuṃ;
Katapuññā hi modanti, sagge bhogasamaṅgino.

856. “Bahūnaṃ vata atthāya, uppajjanti tathāgatā;
Dakkhiṇeyyā manussānaṃ, puññakhattānamākārā;
Yattha kāraṃ karitvāna, sagge modanti dāyakā”ti.

Rajjumālāvimānaṃ dvādasamaṃ.

Mañjiṭṭhakavaggo catuttho niṭṭhito.

Tassuddānaṃ –

Mañjiṭṭhā pabhassarā nāgā, alomākañjikadāyikā;
Vihāracaturitthambā, pītā ucchuvandanarajjumālā ca;
Vaggo tena pavuccatīti.

Itthivimānaṃ samattaṃ.

2. Purisavimānaṃ

5. Mahārathavaggo

1. Maṇḍūkadevaputtavimānavatthu

857. “Ko me vandati pādāni, iddhiyā yasaṃ jalaṃ;
Abhikkantena vaṇṇena, sabbā obhāsayaṃ disā”ti.

858. “Maṇḍūkohaṃ pure āsiṃ, uduke vārigocaro;
Tava dhammaṃ suṇantassa, avadhī vacchapālako.

859. “Muhuttaṃ cittapasādassa, iddhiṃ passa yasañca me;
Ānubhāvañca me passa, vaṇṇaṃ passa jutiñca me.

860. “Ye ca te dīghamaddhānaṃ, dhammaṃ assosum gotama;
Pattā te acalaṭṭhānaṃ, yattha gantvā na socare”ti.

Maṇḍūkadevaputtavimānaṃ paṭṭhamaṃ.

2. Revatīvimānavatthu

861. [dha. pa. 219 dhammapade] “Cirappavāsiṃ purisaṃ, dūrato sotthimāgataṃ;
Ñātimittā suhajjā ca, abhinandanti āgataṃ;

862. [dha. pa. 220 dhammapade] “Tatheva katapuññampi, asmā lokā paraṃ gataṃ;
Puññāni paṭigaṇhanti, piyaṃ ñātīva āgataṃ.

863. [pe. va. 714] “Uṭṭhehi revate supāpadhamme, apārutadvāre [apārubaṃ dvāraṃ (sī. syā.),
apārutadvāraṃ (pī. ka.)] adānasīle;

Nessāma taṃ yattha thunanti duggatā, samappitā nerayikā dukkhenā’’ti.

864. [\[iccevaṃ \(syā. ka.\)\]](#) vatvāna yamassa dūtā, te dve yakkhā lohitakkhā brahantā;
Paccekabāhāsu gahetvā revataṃ, pakkāmayuṃ devagaṇassa santike.
865. ‘‘Ādiccavaṇṇaṃ ruciraṃ pabhassaraṃ, byamaṃ subhaṃ kañcanañālachannaṃ;
Kassetamākiṇṇajanaṃ vimānaṃ, sūriyassa raṃsīriva jotamānaṃ.
866. ‘‘Nārīgaṇā candanasāralittā [\[candanasārānulittā \(syā.\)\]](#), ubhato vimānaṃ upasobhayanti;
Taṃ dissati sūriyasamānavāṇṇaṃ, ko modati saggapatto vimāne’’ti.
867. ‘‘Bārāṇasiyaṃ nandiyo nāmāsi, upāsako amaccharī dānapati vadaññū;
Tassetamākiṇṇajanaṃ vimānaṃ, sūriyassa raṃsīriva jotamānaṃ.
868. ‘‘Nārīgaṇā candanasāralittā, ubhato vimānaṃ upasobhayanti;
Taṃ dissati sūriyasamānavāṇṇaṃ, so modati saggapatto vimāne’’ti.
869. ‘‘Nandiyassāhaṃ bhariyā, agāriniṃ sabbakulassa issarā;
Bhattu vimāne ramissāmi dānaṃ, na patthaye nirayaṃ dassanāyā’’ti.
870. ‘‘Eso te nirayo supāpadhamme, puññaṃ tayā akataṃ jīvaloke;
Na hi maccharī rosako pāpadhammo, saggūpagānaṃ labhati saḥabyata’’nti.
871. ‘‘Kiṃ nu gūthañca mutthañca, asucī paṭidissati;
Duggandhaṃ kimidaṃ mīlhaṃ, kimetaṃ upavāyati’’ti.
872. ‘‘Esa saṃsavako nāma, gambhīro sataporiso;
Yattha vassasahassāni, tuvaṃ paccasi revate’’ti.
873. ‘‘Kiṃ nu kāyena vācāya, manasā dukkaṭaṃ kataṃ;
Kena saṃsavako laddho, gambhīro sataporiso’’ti.
874. ‘‘Samaṇe brāhmaṇe cāpi, aññe vāpi vanibbake [\[vaṇibbake \(syā. ka.\)\]](#);
Musāvādena vañcesi, taṃ pāpaṃ pakataṃ tayā.
875. ‘‘Tena saṃsavako laddho, gambhīro sataporiso;
Tattha vassasahassāni, tuvaṃ paccasi revate.
876. ‘‘Hattheṃ chindanti athopi pāde, kaṇṇeṃ chindanti athopi nāsaṃ;
Athopi kākoḷagaṇā samecca, saṅgamma khādanti viphandamāna’’nti.
877. ‘‘Sādhu kho maṃ paṭinetha, kāhāmi kusalaṃ bahuṃ;
Dānena samacariyāya, saṃyamena damena ca;
Yaṃ katvā sukhitā honti, na ca pacchānutappare’’ti.
878. ‘‘Pure tuvaṃ pamajjitvā, idāni paridevasi;
Sayāṃ katānaṃ kammānaṃ, vipākaṃ anubhossasi’’ti.
879. ‘‘Ko devalokato manussalokaṃ, gantvāna puṭṭho me evaṃ vadeyya;
‘Nikkhittadaṇḍesu dadātha dānaṃ, acchādanaṃ seyya [\[sayana \(sī.\)\]](#) mathannaṃpānaṃ;
Nahi maccharī rosako pāpadhammo, saggūpagānaṃ labhati saḥabyataṃ’.

880. “Sāhaṃ nūna ito gantvā, yoniṃ laddhāna mānusiṃ;
Vadaññū sīlasampannā, kāhāmi kusalaṃ bahuṃ;
Dānena samacariyāya, saṃyamena damena ca.
881. “Ārāmāni ca ropissaṃ, dugge saṅkamanāni ca;
Papañca udapānañca, vipasannena cetasā.
882. “Cātuddasiṃ pañcadasiṃ, yā ca pakkhassa aṭṭhamī;
Pāṭihāriyapakkhañca, aṭṭhaṅgasusamāgataṃ.
883. “Uposathaṃ upavasissaṃ, sadā sīlesu saṃvutā;
Na ca dāne pamajjissaṃ, sāmaṃ diṭṭhamidaṃ mayā’”ti;
884. Iccevaṃ vippalapantiṃ, phandamānaṃ tato tato;
Khipiṃsu niraye ghore, uddhapādaṃ avam̐siraṃ.
885. “Ahaṃ pure maccharinī ahoṣiṃ, paribhāsikā samaṇabrāhmaṇānaṃ;
Vitathena ca sāmikaṃ vañcayitvā, paccāmahaṃ niraye ghorarūpe’”ti.

Revatīvimānaṃ dutiyaṃ.

3. Chattamāṇavakavimānavatthu

886. “Ye vadataṃ pavaro manujesu, sakyamunī bhagavā katakicco;
Pāragato balavīriyasamaṅgī [[balavīrasamaṅgī \(ka.\)](#)], taṃ sugataṃ saraṇatthamupehi.
887. “Rāgavirāgamanejamasokaṃ, dhammamasāṅkhatamappaṭikūlaṃ;
Madhuramimaṃ paguṇaṃ suvibhattaṃ, dhammamimaṃ saraṇatthamupehi.
888. “Yattha ca dinna mahapphalaṃ māhu, catūsu sucīsu purisayugesu;
Aṭṭha ca puggaladhammasā te, saṅghamimaṃ saraṇatthamupehi.
889. “Na tathā tapati nabhe sūriyo, cando ca na bhāsati na phusso;
Yathā atulamidaṃ mahappabhāsaṃ, ko nu tvaṃ tidivā mahiṃ upāgā.
890. “Chindati raṃsī pabhaṅkarassa, sādhiḱavīsatiyojanāni ābhā;
Rattimapi yathā divaṃ karoti, parisuddhaṃ vimalaṃ subhaṃ vimānaṃ.
891. “Bahupadumavicitrapuṇḍarīkaṃ, vokiṇṇaṃ kusumehi nekacittaṃ;
Arajavirajahemajālachannaṃ, ākāse tapati yathāpi sūriyo.
892. “Rattambarapītavasasāhi, agarupiyaṅgucandanussadāhi;
Kañcānatanusannibhattacāhi, paripūraṃ gaganam̐va tārakāhi.
893. “Naranāriyo [[naranārī \(ka.\)](#), [nāriyo \(?\)](#)] bahuketthanekavaṇṇā, kusumavibhūsitābharaṇettha
sumanā;
Anilapamuñcitā pavanti [[pavāyanti \(ka.\)](#)] surabhiṃ, tapaniyavitatā suvaṇṇachannā
[[suvaṇṇacchādanā \(sī.\)](#)].
894. “Kissa saṃyamassa [[samadamassa \(sī.\)](#)] ayaṃ vipāko, kenāsi kammaphalenidhūpapanno;
Yathā ca te adhigatamidaṃ vimānaṃ, tadanupadaṃ avacāsi iṅha puṭṭho’”ti.

895. “Sayamidha [yamidha (sī. syā. pī.)] pathe samecca māṇavena, satthānusāsi anukampamāno;
Tava ratanavarassa dhammaṃ sutvā, karissāmīti ca bravittha chatto.
896. “Jinavarapavaraṃ [jinapavaraṃ (syā. ka.)] upehi [upemi (bahūsu)] saraṇaṃ, dhammañcāpi
tatheva bhikkhusaṅghaṃ;
Noti paṭhamaṃ avocaṃ [avocāhaṃ (sī. syā. ka.)] bhante, pacchā te vacanaṃ tathevakāsiṃ.
897. “Mā ca pāṇavadhaṃ vividhaṃ carassu asuciṃ,
Na hi pāṇesu asaṅṅhataṃ avaṇṇayimsu sappaṅṅhā;
Noti paṭhamaṃ avocaṃ bhante,
Pacchā te vacanaṃ tathevakāsiṃ.
898. “Mā ca parajanassa rakkhitampi, ādātābbamamaññitho [mamaññittha (sī. pī.)] adinnaṃ;
Noti paṭhamaṃ avocaṃ bhante, pacchā vacanaṃ tathevakāsiṃ.
899. “Mā ca parajanassa rakkhitāyo, parabhariyā agamā anariyametaṃ;
Noti paṭhamaṃ avocaṃ bhante, pacchā te vacanaṃ tathevakāsiṃ;
900. “Mā ca vitathaṃ aṅṅhathā abhāṇi,
Na hi musāvādaṃ avaṇṇayimsu sappaṅṅhā;
Noti paṭhamaṃ avocaṃ bhante, pacchā te vacanaṃ tathevakāsiṃ.
901. “Yena ca purisassa apeti saṅṅhā, taṃ majjaṃ parivajjayassu sabbaṃ;
Noti paṭhamaṃ avocaṃ bhante, pacchā te vacanaṃ tathevakāsiṃ.
902. “Svāhaṃ idha pañca sikkhā karitvā, paṭipajjitvā tathāgatassa dhamme;
Dvepathamagamāsiṃ coramajjhe, te maṃ tattha vadhiṃsu bhogahetu.
903. “Ettakamidaṃ anussarāmi kusalaṃ, tato paraṃ na me vijjati aṅṅhaṃ;
Tena sucaritena kammunāhaṃ [kammanāhaṃ (sī.)], uppanno [upapanno (bahūsu)] tidivesu
kāmakāmī.
904. “Passa khaṇamuhuttasaṅṅhamassa, anudhammappaṭipattiyā vipākaṃ;
Jalamiva yasasā samekkhamānā, bahukā maṃ pihayanti hīnakammā.
905. “Passa katipayāya desanāya, sugatiñcamhi gato sukhañca patto;
Ye ca te satataṃ suṇanti dhammaṃ, maññe te amataṃ phusanti khemaṃ.
906. “Appampi kataṃ mahāvīpākaṃ, vipulaṃ hoti [vipulaphalaṃ (ka.)] tathāgatassa dhamme;
Passa katapuṅṅhātāya chatto, obhāseti pathaviṃ yathāpi sūriyo.
907. “Kimidaṃ kusalaṃ kimācarema, icceke hi samecca mantayanti;
Te mayaṃ punareva [punapi (?)] laddha mānusattaṃ, paṭipannā viharemu sīlavanto.
908. “Bahukāro anukampako ca satthā, iti me sati agamā divā divassa;
Svāhaṃ upagatomhi saccaṇāmaṃ, anukampassu punapi suṇemu [suṇoma (sī.), suṇomi (syā.)]
dhammaṃ.
909. “Ye cidha [yedha (sī. syā. pī.), ye idha (ka.)] pajahanti kāmarāgaṃ, bhavarāgānusayañca
pahāya moḥaṃ;
Na ca te punamupenti gabbhaseyyaṃ, parinibbānagatā hi sītibhūtā’’ti.

Chattamāṇavakavimānaṃ tatiyaṃ.

4. Kakkaṭakarasadāyakavimānavatthu

910. “Uccamidaṃ maṇithūṇaṃ vimānaṃ, samantato dvādasa yojanāni;
Kūṭāgārā sattasatā uḷārā, veḷuriyathambhā rucakatthatā [ruciratthatā (syā. ka.) 646 gāthāyaṃ
“rucakupakiṇṇaṃ”ti padassa saṃvaṇṇanā passitabbā] subhā.
911. “Tatthacchasi pivasi khādasi ca, dibbā ca vīṇā pavadanti vagguṃ [vaggu (sī. ka.), vaggū
(syā.)];
Dibbā rasā kāmaguṇettha pañca, nāriyo ca naccanti suvaṇṇachannā.
912. “Kena tetādiso vaṇṇo, kena te idha mijjhati;
Uppajjanti ca te bhogā, ye keci manaso piyā.
913. “Pucchāmi taṃ deva mahānubhāva, manussabhūto kimakāsi puññaṃ;
Kenāsi evaṃ jalitānubhāvo, vaṇṇo ca te sabbadisā pabhāsati”ti.
914. So devaputto attamano, moggallānena pucchito;
Pañhaṃ puṭṭho viyākāsi, yassa kammassidaṃ phalaṃ.
915. “Satisamuppādakaro, dvāre kakkaṭako ṭhito;
Niṭṭhito jātarūpassa, sobhati dasapādako.
916. “Tena metādiso vaṇṇo, tena me idha mijjhati;
Uppajjanti ca me bhogā, ye keci manaso piyā.
917. “Akkhāmi te bhikkhu mahānubhāva, manussabhūto yamakāsi puññaṃ;
Tenamhi evaṃ jalitānubhāvo, vaṇṇo ca me sabbadisā pabhāsati”ti.

Kakkaṭakarasadāyakavimānaṃ catutthaṃ.

(Anantaraṃ pañcavimānaṃ yathā kakkaṭakarasadāyakavimānaṃ tathā vitthāretabbaṃ)

5. Dvārapālavimānavatthu

918. “Uccamidaṃ maṇithūṇaṃ vimānaṃ, samantato dvādasa yojanāni;
Kūṭāgārā sattasatā uḷārā, veḷuriyathambhā rucakatthatā subhā.
919. “Tatthacchasi pivasi khādasi ca, dibbā ca vīṇā pavadanti vagguṃ;
Dibbā rasā kāmaguṇettha pañca, nāriyo ca naccanti suvaṇṇachannā.
920. “Kena tetādiso vaṇṇo...pe... vaṇṇo ca te sabbadisā pabhāsati”ti.
922. So devaputto attamano, moggallānena pucchito;
Pañhaṃ puṭṭho viyākāsi, yassa kammassidaṃ phalaṃ.
923. “Dibbaṃ mamaṃ vassasahassamāyu, vācābhigītaṃ manasā pavattitaṃ;
Ettāvatā ṭhassati puññaṃkammo, dibbehi kāmehi samaṅgibhūto.
924. “Tena metādiso vaṇṇo...pe...vaṇṇo ca me sabbadisā pabhāsati”ti.
Dvārapālavimānaṃ pañcamaṃ.

6. Paṭhamakaraṇīyavimānavatthu

926. “Uccamidaṃ maṇithūṇaṃ vimānaṃ, samantato dvādasa yojanāni;
Kūṭāgārā sattasatā uḷārā, veḷuriyathambhā rucakatthatā subhā.
927. “Tatthacchasi pivasi khādasi ca, dibbā ca vīṇā pavadanti vagguṃ;
Dibbā rasā kāmaguṇettha pañca, nāriyo ca naccanti suvaṇṇachannā.
928. “Kena tetādiso vaṇṇo...pe...
Vaṇṇo ca te sabbadisā pabhāsati”’ti.
930. So devaputto attamano...pe...yassa kammassidaṃ phalaṃ.
931. “Karaṇīyāni puññāni, paṇḍitena vijānatā;
Sammaggatesu buddhesu, yattha dinnāṃ mahapphalaṃ.
932. “Atthāya vata me buddho, araññā gāmamāgato;
Tattha cittaṃ pasādetvā, tāvatimsūpago ahaṃ [ahum̐ (sī.)].
933. “Tena metādiso vaṇṇo...pe...vaṇṇo ca me sabbadisā pabhāsati”’ti.
Paṭhamakaraṇīyavimānaṃ chaṭṭhaṃ.

7. Dutiyakaraṇīyavimānavatthu

935. “Uccamidaṃ maṇithūṇaṃ vimānaṃ, samantato dvādasa yojanāni;
Kūṭāgārā sattasatā uḷārā, veḷuriyathambhā rucakatthatā subhā.
936. “Tatthacchasi pivasi khādasi ca, dibbā ca vīṇā pavadanti vagguṃ;
Dibbā rasā kāmaguṇettha pañca, nāriyo ca naccanti suvaṇṇachannā.
937. “Kena tetādiso vaṇṇo...pe... vaṇṇo ca te sabbadisā pabhāsati”’ti.
939. So devaputto attamano...pe... yassa kammassidaṃ phalaṃ.
940. “Karaṇīyāni puññāni, paṇḍitena vijānatā;
Sammaggatesu bhikkhūsu, yattha dinnāṃ mahapphalaṃ.
941. “Atthāya vata me bhikkhu, araññā gāmamāgato;
Tattha cittaṃ pasādetvā, tāvatimsūpago ahaṃ.
942. “Tena metādiso vaṇṇo...pe...
Vaṇṇo ca me sabbadisā pabhāsati”’ti.

Dutiyakaraṇīyavimānaṃ sattamaṃ.

8. Paṭhamasūcivimānavatthu

944. “Uccamidaṃ maṇithūṇaṃ vimānaṃ, samantato dvādasa yojanāni;
Kūṭāgārā sattasatā uḷārā, veḷuriyathambhā rucakatthatā subhā.
945. “Tatthacchasi pivasi khādasi ca, dibbā ca vīṇā pavadanti vagguṃ;
Dibbā rasā kāmaguṇettha pañca, nāriyo ca naccanti suvaṇṇachannā.
946. “Kena tetādiso vaṇṇo...pe... vaṇṇo ca te sabbadisā pabhāsati”’ti.
948. So devaputto attamano...pe... yassa kammassidaṃ phalaṃ.

949. “Yaṃ dadāti na taṃ hoti,
Yañceva dajjā tañceva seyyo;
Sūci dinnā sūcimeva seyyo.
950. “Tena metādiso vaṇṇo...pe... vaṇṇo ca me sabbadisā pabhāsati”’ti.
Paṭhamasūcivimānaṃ aṭṭhamaṃ.

9. Dutiyasūcivimānavatthu

952. “Uccamidaṃ mañithūṇaṃ vimānaṃ, samantato dvādasa yojanāni;
Kūṭāgārā sattasatā uḷārā, veḷuriyathambhā rucakatthatā subhā.
953. “Tatthacchasi pivasi khādasi ca, dibbā ca vīṇā pavadanti vagguṃ;
Dibbā rasā kāmaguṇetha pañca, nāriyo ca naccanti suvaṇṇachannā.
954. “Kena tetādiso vaṇṇo...pe... vaṇṇo ca te sabbadisā pabhāsati”’ti.
956. So devaputto attamano...pe... yassa kammassidaṃ phalaṃ.
957. “Ahaṃ manussesu manussabhūto, purimajātiyā manussaloke.
958. “Addasaṃ virajaṃ bhikkhuṃ, vipasannamanāvilaṃ;
Tassa adāsahaṃ sūciṃ, pasanno sehi pāṇibhi.
959. “Tena metādiso vaṇṇo...pe...vaṇṇo ca me sabbadisā pabhāsati”’ti.
Dutiyasūcivimānaṃ navamaṃ.

10. Paṭhamanāgavimānavatthu

961. “Susukkakhandhaṃ abhiruyha nāgaṃ, akācinaṃ dantiṃ baliṃ mahājavaṃ;
Abhiruyha gajavaraṃ [gajaṃ varaṃ (syā.)] sukappitaṃ, idhāgamā vehāyasaṃ antalikkhe.
962. “Nāgassa dantesu duvesu nimmitā, acchodakā paduminiyo suphullā;
Padumesu ca turiyagaṇā pavajjare, imā ca naccanti manoharāyo.
963. “Deviddhipattosi mahānubhāvo, manussabhūto kimakāsi puññaṃ;
Kenāsi evaṃ jalitānubhāvo, vaṇṇo ca te sabbadisā pabhāsati”’ti.
964. So devaputto attamano, moggallānena pucchito;
Pañhaṃ puṭṭho viyākāsi, yassa kammassidaṃ phalaṃ.
965. “Aṭṭheva muttapupphāni, kassapassa mahesino [bhagavato (syā. ka.)];
Thūpasmim abhiropesiṃ, pasanno sehi pāṇibhi.
966. “Tena metādiso vaṇṇo...pe...vaṇṇo ca me sabbadisā pabhāsati”’ti.
Paṭhamanāgavimānaṃ dasamaṃ.

11. Dutyanāgavimānavatthu

968. “Mahantaṃ nāgaṃ abhiruyha, sabbasetam gajuttamaṃ;
Vanā vanaṃ anupariyāsi, nārīgaṇapurakkhato;
Obhāsento disā sabbā, osadhī viya tārakā.
969. “Kena tetādiso vaṇṇo...pe...vaṇṇo ca te sabbadisā pabhāsati”’ti.
971. So devaputto attamano, vaṅgīseneva pucchito;

Pañhaṃ puṭṭho viyākāsi, yassa kammassidaṃ phalaṃ.

972. “Ahaṃ manussesu manussabhūto, upāsako cakkhumato ahoṣiṃ;
Pāṇātipātā virato ahoṣiṃ, loke adinnaṃ parivajjayissaṃ.
973. “Amajjapo no ca musā abhāṇiṃ [abhāsiṃ (sī. ka.)], sakena dārena ca tuṭṭho ahoṣiṃ;
Annañca pānañca pasannacitto, sakkacca dānaṃ vipulaṃ adāsiṃ.
974. “Tena metādiso vaṇṇo...pe...vaṇṇo ca me sabbadisā pabhāsatī”ti.
Dutiyanāgavimānaṃ ekādasamaṃ.

12. Tatiyanāgavimānavatthu

976. “Ko nu dibbena yānena, sabbasetena hatthinā;
Turiyatālitanigghoso, antalikkhe mahīyati.
977. “Devatā nusi gandhabbo, adu [ādu (sī. syā.)] sakko purindado;
Ajānantā taṃ pucchāma, kathaṃ jānemu taṃ maya”nti.
978. “Namhi devo na gandhabbo, nāpi [nāmhi (ka.)] sakko purindado;
Sudhammā nāma ye devā, tesam aññataro aha”nti.
979. “Pucchāma devaṃ sudhammaṃ [deva sudhamma (syā.), deva sudhammaṃ (ka.)], puthuṃ
katvāna añjalim;
Kiṃ katvā mānuse kammaṃ, sudhammaṃ upapajjati”ti.
980. “Ucchāgāraṃ tiṇṇāgāraṃ, vatthāgārañca yo dade;
Tiṇṇaṃ aññataraṃ datvā, sudhammaṃ upapajjati”ti.

Tatiyanāgavimānaṃ dvādasamaṃ.

13. Cūlarathavimānavatthu

981. “Daḥhadhammā nisārassa, dhanuṃ olubbha tiṭṭhasi;
Khattiyo nusi rājañño, adu luddo vanecaro”ti [vanācaroti (syā. ka.)].
982. “Assakādhipatissāhaṃ, bhante putto vanecaro;
Nāmaṃ me bhikkhu te brūmi, sujāto iti maṃ vidū [viduṃ (sī.)].
983. “Mige gavesamānohaṃ, ogāhanto brahāvanaṃ;
Migaṃ tañceva [migam gantveva (syā.), migavadhañca (ka.)] nāddakkhiṃ, tañca disvā ṭhito
aha”nti.
984. “Svāgataṃ te mahāpuñña, atho te adurāgataṃ;
Etto udakamādāya, pāde pakkhālayassu te.
985. “Idampi pānīyaṃ sītaṃ, ābhatam girigabbharā;
Rājaputta tato pitvā [pītvā (sī. syā.)], santhatasmim upāvisā”ti.
986. “Kalyāṇī vata te vācā, savanīyā mahāmuni;
Nelā atthavatī [catthavatī (sī.)] vaggu, mantvā [mantā (syā. pī. ka.)] atthañca bhāsasi [bhāsase

(sī.).

987. “Kā te rati vane viharato, isinisabha vadehi puṭṭho;
Tava vacanapathaṃ nisāmayitvā, atthadhammapadaṃ samācaremase’’ti.
988. “Ahimsā sabbapāṇīnaṃ, kumāramhāka ruccati;
Theyyā ca aticārā ca, majjapānā ca ārati.
989. “Ārati samacariyā ca, bāhusaccaṃ kataññutā;
Diṭṭheva dhamme pāsamsā, dhammā ete pasamsiyāti.
990. “Santike maraṇaṃ tuyhaṃ, oraṃ māsehi pañcahi;
Rājaputta vijānāhi, attānaṃ parimocayā’’ti.
991. “Katamaṃ svāhaṃ janapadaṃ gantvā, kiṃ kammaṃ kiñca porisaṃ;
Kāya vā pana vijjāya, bhavyeṃ aṅgamaṃ’’ti.
992. “Na vijjate so padeso, kammaṃ vijjā ca porisaṃ;
Yattha gantvā bhava macco, rājaputtājarāmaro.
993. “Mahaddhanā mahābhogā, raṭṭhavantopi khattiyā;
Pahūtadhanadhaññāse, tepi no [tepi na (bahūsu)] aṅgamaṃ.’’ti.
994. “Yadi te sutā andhakaveṇḍuputtā [andhakaveṇḍuputtā (sī.), aṅgaveṇḍuputtā (syā. ka.)], sūrā
vīrā vikkantappahārino;
Tepi āyukkhaṃ pattā, viddhastā sassatīsamā.
995. “Khattiyā brāhmaṇā vessā, suddā caṇḍālapukkusā;
Ete caññe ca jātiyā, tepi no aṅgamaṃ.’’ti.
996. “Ye mantā parivattenti, chaṅgaṃ brahmacintitaṃ;
Ete caññe ca vijjāya, tepi no aṅgamaṃ.’’ti.
997. “Isayo cāpi ye santā, saññatattā tapassino;
Sarīraṃ tepi kālena, vijahanti tapassino.
998. “Bhāvitattāpi arahanto, katakiccā anāsavā;
Nikkhipanti imaṃ dehaṃ, puññapāparikkhaya’’ti.
999. “Subhāsītā atthavatī, gāthāyo te mahāmuni;
Nijjhattomhi subhaṭṭhena, tvañca me saraṇaṃ bhavā’’ti.
1000. “Mā maṃ tvaṃ saraṇaṃ gaccha, tameva saraṇaṃ vāja [bhaja (ka.)];
Sakyaputtaṃ mahāvīraṃ, yamaṃ saraṇaṃ gato’’ti.
1001. “Katarasmiṃ so janapade, satthā tumhāka mārisa;
Ahampi daṭṭhaṃ gacchissaṃ, jinaṃ appaṭipuggala’’nti.
1002. “Puratthimasmiṃ janapade, okkākakulasambhavo;
Tatthāsi purisājañño, so ca kho parinibbuto’’ti.
1003. “Sace hi buddho tiṭṭheyya, satthā tumhāka mārisa;

Yojanāni saḥassāni, gaccheyyaṃ [gacche (syā. pī. ka.)] payirupāsituṃ.

- 1004:**“Yato ca kho [yatā kho (pī. ka.)] parinibbuto, satthā tumhāka mārisa;
Nibbutampi [parinibbutaṃ (syā. ka.)] mahāvīraṃ, gacchāmi saraṇaṃ ahaṃ.
- 1005:**“Upemi saraṇaṃ buddhaṃ, dhammañcāpi anuttaraṃ;
Saṅghaṅca naradevassa, gacchāmi saraṇaṃ ahaṃ.
- 1006:**“Pāṇātipātā viramāmi khippaṃ, loke adinnaṃ parivajjayāmi;
Amajjapo no ca musā bhaṇāmi, sakena dārena ca homi tuṭṭho’’ti.
- 1007:**“Sahassaraṃsīva yathā mahappabho, disaṃ yathā bhāti nabhe anukkamaṃ;
Tathāpakāro [tathappakāro (sī. syā.)] tavāyaṃ [tavayaṃ (sī. pī.)] mahāratho, samantato
yojanasattamāyato.
- 1008:**“Suvanṇapaṭṭehi samantamoṭṭhaṭo, urassa muttāhi maṇīhi cittito;
Lekhā suvaṇṇassa ca rūpiyassa ca, sobhenti veḷuriyamayā sunimmitā.
- 1009:**“Sīsañcidaṃ veḷuriyassa nimmitaṃ, yugañcidaṃ lohitakāya cittaṃ;
Yuttā suvaṇṇassa ca rūpiyassa ca, sobhanti assā ca ime manojavā.
- 1010:**“So tiṭṭhasi hemarathe adhiṭṭhito, devānamindova saḥsavāhano;
Pucchāmi tāhaṃ yasavanta kovidaṃ [kovida (ka.)], kathaṃ tayā laddho ayaṃ uḷāro’’ti.
- 1011:**“Sujāto nāmaḥaṃ bhante, rājaputto pure ahaṃ;
Tvaṅca maṃ anukampāya, saññamasmiṃ nivesayi.
- 1012:**“Khīṇāyukaṅca maṃ ñatvā, sarīraṃ pādāsi satthuno;
Imaṃ sujāta pūjehi, taṃ te atthāya hehiti.
- 1013:**“Tāhaṃ gandhehi mālehi, pūjayitvā samuyyuto;
Pahāya mānusaṃ dehaṃ, upapannomhi nandanaṃ.
- 1014:**“Nandane ca vane [nandanopavane (sī.), nandane pavane (syā. ka.)] ramme,
nānādiḷagaṇāyute;
Ramāmi naccagītehi, accharāhi purakkhato’’ti.

Cūḷarathavimānaṃ terasamaṃ.

14. Mahārathavimānavatthu

- 1015:**“Sahassayuttaṃ hayavāhanaṃ subhaṃ, āruyhimāṃ sandanaṃ nekacittaṃ;
Uyyānabhūmiṃ abhito anukkamaṃ, purindado bhūtapatīva vāsavo.
- 1016:**“Sovaṇṇamayā te rathakubbarā ubho, phalehi [thalehi (sī.)] aṃsehi atīva saṅgatā;
Sujātagumbā naravīraniṭṭhitā, virocatī pannaraseva cando.
- 1017:**“Suvanṇajālāvātato ratho ayaṃ, bahūhi nānāratanehi cittito;
Sunandighoso ca subhassaro ca, virocatī cāmarahatthabāhubhi.
- 1018:**“Imā ca nābhyo manasābhiniṃmitā, rathassa pādantaramajjhabhūsitā;
Imā ca nābhyo satarājicittitā, sateratā vijjurivappabhāsare.

- 1019:** ‘Anekacittāvatato ratho ayam, puthū ca nemī ca saḥassaraṃsiko;
Tesaṃ saro suyyati [sūyati (sī.)] vaggurūpo, pañcaṅgikaṃ turīyamivappavāditaṃ.
- 1020:** ‘Sirasmiṃ cittaṃ maṇicandakappitaṃ, sadā visuddhaṃ ruciraṃ pabhassaraṃ;
Suvaṇṇarājīhi atīva saṅgataṃ, veḷuriyarājīva atīva sobhati.
- 1021:** ‘Ime ca vāḷī maṇicandakappitā, ārohakambū sujavā brahūpamā.
Brahā mahantā balino mahājavā, mano tavaññāya tatheva siṃsare [sabbare (ka.), sappare (?)].
- 1022:** ‘Ime ca sabbe sahitā catukkamā, mano tavaññāya tatheva siṃsare;
Samaṃ vahantā mudukā anuddhatā, āmodamānā turagāna [turaṅgāna (ka.)] muttamā.
- 1023:** ‘Dhunanti vagganti patanti [pavattanti (pī. ka.)] cambare, abhuddhunantā sukate piḷandhane;
Tesaṃ saro suyyati vaggurūpo, pañcaṅgikaṃ turīyamivappavāditaṃ.
- 1024:** ‘Rathassa ghoso apiḷandhanāna ca, khurassa nādo [nādī (syā.), nādi (pī. ka.)] abhihiṃsanāya
ca;
Ghoso suvaggū samitassa suyyati, gandhabbatūriyāni vicitrasaṃvane.
- 1025:** ‘Rathe ʒhitā tā migamandalocanā, āḷārapamhā hasitā piyaṃvadā;
Veḷuriyajālāvataṭā tanucchavā, sadeva gandhabbasūrāggapūjita.
- 1026:** ‘Tā rattarattambarapītavāsasā, visālanettā abhirattalocanā;
Kule sujatā sutanū sucimhitā, rathe ʒhitā pañjalikā upaʒʒhitā.
- 1027:** ‘Tā kambukeyūradharā suvāsasā, sumajjhimā ūruthanūpapannā;
Vaʒṅguliyo sumukhā sudassanā, rathe ʒhitā pañjalikā upaʒʒhitā.
- 1028:** ‘Aññā suveṇī susu missakesiyo, samaṃ vibhattāhi pabhassarāhi ca;
Anubbatā tā tava mānase ratā, rathe ʒhitā pañjalikā upaʒʒhitā.
- 1029:** ‘Āveḷiniyo padumuppalacchadā, alaṅkatā candanasāravāsita [vosita (syā.), bhūsita (ka.)];
Anubbatā tā tava mānase ratā, rathe ʒhitā pañjalikā upaʒʒhitā.
- 1030:** ‘Tā māliniyo padumuppalacchadā, alaṅkatā candanasāravāsita;
Anubbatā tā tava mānase ratā, rathe ʒhitā pañjalikā upaʒʒhitā.
- 1031:** ‘Kaṅṅhesu te yāni piḷandhanāni, hatthesu pādesu tatheva sīse;
Obhāsayantī dasa sabbaso disā, abhuddayaṃ sārādikova bhāṇumā.
- 1032:** ‘Vātassa vegena ca sampakampitā, bhujesu mālā apiḷandhanāni ca;
Muñcanti ghosaṃ ruciraṃ sucim subhaṃ, sabbehi viññūhi sutabbarūpaṃ.
- 1033:** ‘Uyyānabhūmyā ca duvaddhato ʒhitā, rathā ca nāgā tūriyāni ca saro;
Tameva devinda pamodayanti, viṇā yathā pokkharapattabāhubhi.
- 1034:** ‘Imāsu viṇāsu bahūsu vaggūsu, manuññarūpāsu hadayeritaṃ pītiṃ [hadayeritaṃ pati (sī.),
hadayeritampi taṃ (syā.)];
Pavajjamānāsu atīva accharā, bhamanti kaññā padumesu sikkhitā.
- 1035:** ‘Yadā ca gītāni ca vādītāni ca, naccāni cimāni [cemāni (sī.)] samenti ekato;
Athettha naccanti athettha accharā, obhāsayantī ubhato varitthiyo.

- 1036:** ‘So modasi turiyagaṇappabodhano, mahīyamāno vajirāvudhoriva;
Imāsu vīṇāsu bahūsu vaggūsu, manuññarūpāsu hadayeritaṃ pītiṃ.
- 1037:** ‘Kiṃ tvaṃ pure kammamakāsi attanā, manussabhūto purimāya jātiyā;
Uposathaṃ kaṃ vā [uposathaṃ kiṃ va (syā.)] tvaṃ upāvasi, kaṃ [kiṃ (syā.)]
dhammacariyaṃ vatamābhirocaṃ.
- 1038:** ‘Nayīdamappaṣa katassa [nayidaṃ appaṣa katassa (sī. syā.), sāseḍaṃ appakatassa (ka.)]
kammuno, pubbe suciṇṇassa uposathassa vā;
Iddhānubhāvo vipulo ayaṃ tava, yaṃ devasaṅghaṃ abhirocāse bhusaṃ.
- 1039:** ‘Dānassa te idaṃ phalaṃ, atho sīlassa vā pana;
Atha añjalikammaṣa, taṃ me akkhāhi pucchito’’ti.
- 1040:** So devaputto attamano, moggallānena pucchito;
Pañhaṃ puṭṭho viyākāsi, yassa kammassidaṃ phalanti.
- 1041:** ‘Jitindriyaṃ buddhamanomanikkamaṃ, naruttamaṃ kassapamaggapuggalaṃ;
Avāpurantaṃ amatassa dvāraṃ, devātidevaṃ satapuññalakkhaṇaṃ.
- 1042:** ‘Tamaddasaṃ kuñjaramoghatiṇṇaṃ, suvaṇṇasiṅgīnadabimbāsādisaṃ;
Disvāna taṃ khippamaḥuṃ sucīmano, tameva disvāna subhāsītaddhaṃ.
- 1043:** ‘Tamannaṃpānaṃ athavāpi cīvāraṃ, suciṃ paṇītaṃ rasasā upetaṃ;
Pupphābhikkīṇaṃhi sake nivesane, patiṭṭhapesiṃ sa asaṅgamānaso.
- 1044:** ‘Tamannaṃpānena ca cīvarena ca, khajjena bhojjena ca sāyanena ca;
Santappayitvā dvīpadānamuttamaṃ, so saggaso devapure ramāmaḥaṃ.
- 1045:** Anupāyena imaṃ niraggaḥaṃ, yaññaṃ yajitvā tividaṃ visuddhaṃ.
Pahāyahaṃ mānusakaṃ samussayaṃ, indūpamo [indassamo (syā. ka.)] devapure ramāmaḥaṃ.
- 1046:** ‘Āyuñca vaṇṇaṅca sukhaṃ balañca, paṇītarūpaṃ abhikaṅkhatā muni;
Annañca pānañca bahuṃ susaṅkhatāṃ, patiṭṭhabetabbamasāṅgamānase.
- 1047**[kathā. 799] ‘Nayimasmīṃ loke parasmīṃ [nayimasmīṃ vā loke parasmīṃ (kathāvatthu 799),
nayimasmi loke va parasmī (?)] vā pana, buddhena seṭṭho va samo va vijjati;
Āhuneyyānaṃ [yamāhuneyyānaṃ (ka.)] paramāhutiṃ gato, puññatthikānaṃ
vipulapphalesina’’nti.

Mahārathavimānaṃ cuddasaṃ.

Mahārathavaggo pañcamaṃ niṭṭhito.

Tassuddānaṃ –

Maṇḍūko revatī chatto, kakkāṭo dvārapālako;
Dve karaṇīyā dve sūci, tayo nāgā ca dve rathā;
Purisānaṃ paṭhamaṃ vago pavuccatīti.

Bhāṇavāraṃ tatiyaṃ niṭṭhitaṃ.

6. Pāyāsivaggo

1. Paṭhamaagāriyavimānavatthu

- 1048: ‘Yathā vanaṃ cittalataṃ pabhāsati [pakāsati (ka.)], uyyānaseṭṭhaṃ tidasānamuttamaṃ;
Tathūpamaṃ tuyhamidaṃ vimānaṃ, obhāsayaṃ tiṭṭhati antalikkhe.
- 1049: ‘Deviddhipattosi mahānubhāvo, manussabhūto kimakāsi puññaṃ;
Kenāsi evaṃ jalitānubhāvo, vaṇṇo ca te sabbadisā pabhāsati’ ti.
- 1050: So devaputto attamaṇo, moggallānena pucchito;
Pañhaṃ puṭṭho viyākāsi, yassa kammassidaṃ phalaṃ.
- 1051: ‘Ahañca bhariyā ca manussaloke, opānabhūtā gharamāvasimha;
Annañca pānañca pasannacittā, sakkacca dānaṃ vipulaṃ adamha.
- 1052: ‘Tena metādiso vaṇṇo...pe...vaṇṇo ca me sabbadisā pabhāsati’ ti.
Paṭhamaagāriyavimānaṃ paṭhamaṃ.

2. Dutiyaagāriyavimānavatthu

- 1054: ‘Yathā vanaṃ cittalataṃ pabhāsati, uyyānaseṭṭhaṃ tidasānamuttamaṃ;
Tathūpamaṃ tuyhamidaṃ vimānaṃ, obhāsayaṃ tiṭṭhati antalikkhe.
- 1055: ‘Deviddhipattosi mahānubhāvo, manussabhūto kimakāsi puññaṃ;
Kenāsi evaṃ jalitānubhāvo, vaṇṇo ca te sabbadisā pabhāsati’ ti.
- 1056: So devaputto attamaṇo...pe... yassa kammassidaṃ phalaṃ.
- 1057: ‘Ahañca bhariyā ca manussaloke, opānabhūtā gharamāvasimha;
Annañca pānañca pasannacittā, sakkacca dānaṃ vipulaṃ adamha.
- 1058: ‘Tena metādiso vaṇṇo...pe... vaṇṇo ca me sabbadisā pabhāsati’ ti.
Dutiyaagāriyavimānaṃ dutiyaṃ.

3. Phaladāyakavimānavatthu

- 1060: ‘Uccamidaṃ mañithūṇaṃ vimānaṃ, samantato soḷasa yojanāni;
Kūṭāgārā sattasatā uḷārā, veḷuriyathambhā rucakatthatā subhā.
- 1061: ‘Tatthacchasi pivasi khādasi ca, dibbā ca vīṇā pavadanti vagguṃ;
Aṭṭhaṭṭhakā sikkhitā sādhurūpā, dibbā ca kaññā tidasacarā uḷārā;
Naccanti gāyanti pamodayanti.
- 1062: ‘Deviddhipattosi mahānubhāvo, manussabhūto kimakāsi puññaṃ;
Kenāsi evaṃ jalitānubhāvo, vaṇṇo ca te sabbadisā pabhāsati’ ti.
- 1063: So devaputto attamaṇo...pe... yassa kammassidaṃ phalaṃ.
- 1064: ‘Phaladāyī phalaṃ vipulaṃ labhati, dadamujuḡatesu pasannamānaso;
So hi pamodati [modati (sī. syā. pī.)] saggagato tidive [tattha (ka.)], anubhoti ca puñña-phalaṃ

vipulaṃ.

1065: ‘Tavevāhaṃ [tathavāhaṃ (sī. syā. pī.)] mahāmuni, adāsiṃ caturo phale.

1066: ‘Tasmā hi phalaṃ alameva dātuṃ, niccaṃ manussena sukhatthikena;
Dibbāni vā patthayatā sukhāni, manussasobhagatamicchatā vā.

1067: ‘Tena metādiso vaṇṇo...pe...

Vaṇṇo ca me sabbadisā pabhāsati’ ti.

Phaladāyakavimānaṃ tatiyaṃ.

4. Paṭhamaupassayadāyakavimānavatthu

1069: ‘Cando yathā vigatavalāhake nabhe, obhāsayaṃ gacchati antalikkhe;
Tathūpamaṃ tuyhamidaṃ vimānaṃ, obhāsayaṃ tiṭṭhati antalikkhe.

1070: ‘Deviddhipattosi mahānubhāvā, manussabhūto kimakāsi puññaṃ;

Kenāsi evaṃ jalitānubhāvo, vaṇṇo ca te sabbadisā pabhāsati’ ti.

1071: So devaputto attamano...pe... yassa kammassidaṃ phalaṃ.

1072: ‘Ahañca bhariyā ca manussaloke, upassayaṃ arahato adamha;

Annañca pānañca pasannacittā, sakkacca dānaṃ vipulaṃ adamha.

1073: ‘Tena metādiso vaṇṇo...pe... vaṇṇo ca me sabbadisā pabhāsati’ ti.

Paṭhamaupassayadāyakavimānaṃ catutthaṃ.

5. Dutyaupassayadāyakavimānavatthu

1075: Sūriyo yathā vigatavalāhake nabhe...pe....

(Yathā purimavimānaṃ tathā vitthāretabbaṃ).

1079: ‘Tena metādiso vaṇṇo...pe... vaṇṇo ca me sabbadisā pabhāsati’ ti.

Dutyaupassayadāyakavimānaṃ pañcamaṃ.

6. Bhikkhādāyakavimānavatthu

1081: ‘Uccamidaṃ mañithūṇaṃ vimānaṃ, samantato dvādasa yojanāni;

Kūṭāgārā sattasatā ulārā, veḷuriyathambhā rucakatthatā subhā.

1082: ‘Deviddhipattosi mahānubhāvo, manussabhūto kimakāsi puññaṃ;

Kenāsi evaṃ jalitānubhāvo, vaṇṇo ca te sabbadisā pabhāsati’ ti.

1083: So devaputto attamano...pe... yassa kammassidaṃ phalaṃ.

1084: ‘Ahaṃ manussesu manussabhūto, disvāna bhikkhuṃ tasitaṃ kilantaṃ;

Ekāhaṃ bhikkhaṃ paṭipādayissaṃ, samaṅgi bhattena tadā akāsiṃ.

1085: ‘Tena metādiso vaṇṇo...pe... vaṇṇo ca me sabbadisā pabhāsati’ ti.

Bhikkhādāyakavimānaṃ chaṭṭhaṃ.

7. Yavapālakavimānavatthu

1087: ‘Uccamidam mañithūṇaṃ vimānaṃ...pe... vaṇṇo ca te sabbadisā pabhāsati’ ti.

1089: So devaputto attamano...pe... yassa kammassidaṃ phalaṃ.

1090: ‘Ahaṃ manussesu manussabhūto, ahoṣiṃ yavapālako;
Addasaṃ virajaṃ bhikkhuṃ, vippasannamanāvilaṃ.

1091: ‘Tassa adāsahaṃ bhāgaṃ, pasanno sehi pāṇibhi;
Kummāsapiṇḍaṃ datvāna, modāmi nandane vane.

1092: ‘Tena metādiso vaṇṇo...pe... vaṇṇo ca me sabbadisā pabhāsati’ ti.
Yavapālakavimānaṃ sattamaṃ.

8. Paṭhamakuṇḍalīvimānavatthu

1094: ‘Alaṅkato malyadharo suvattho, sukuṇḍalī kappitakesamassu;
Āmuttahaṭṭhābharaṇo yasassī, dibbe vimānamhi yathāpi candimā.

1095: ‘Dibbā ca vīṇā pavadanti vagguṃ, aṭṭhaṭṭhakā sikkhitā sādhurūpā;
Dibbā ca kaññā tidasacarā uḷārā, naccanti gāyanti pamodayanti.

1096: ‘Deviddhipattosi mahānubhāvo, manussabhūto kimakāsi puññaṃ;
Kenāsi evaṃ jalitānubhāvo, vaṇṇo ca te sabbadisā pabhāsati’ ti.

1097: So devaputto attamano...pe... yassa kammassidaṃ phalaṃ.

1098: ‘Ahaṃ manussesu manussabhūto, disvāna samaṇe sīlavante;
Sampannavijjācaraṇe yasassī, bahussute taṇhakkhayūpāpanne;
Annañca pānañca pasannacitto, sakkacca dānaṃ vipulaṃ adāsiṃ.

1099: ‘Tena metādiso vaṇṇo...pe...vaṇṇo ca me sabbadisā pabhāsati’ ti.
Paṭhamakuṇḍalīvimānaṃ aṭṭhamaṃ.

9. Dutiyakuṇḍalīvimānavatthu

1101: ‘Alaṅkato malyadharo suvattho, sukuṇḍalī kappitakesamassu;
Āmuttahaṭṭhābharaṇo yasassī, dibbe vimānamhi yathāpi candimā.

1102: ‘Dibbā ca vīṇā pavadanti vagguṃ, aṭṭhaṭṭhakā sikkhitā sādhurūpā;
Dibbā ca kaññā tidasacarā uḷārā, naccanti gāyanti pamodayanti.

1103: ‘Deviddhipattosi mahānubhāvo, manussabhūto kimakāsi puññaṃ;
Kenāsi evaṃ jalitānubhāvo, vaṇṇo ca te sabbadisā pabhāsati’ ti.

1104: So devaputto attamano...pe... yassa kammassidaṃ phalaṃ.

1105: ‘Ahaṃ manussesu manussabhūto, disvāna samaṇe sādhurūpe [sīlavante (ka.)];
Sampannavijjācaraṇe yasassī, bahussute sīlavante pasanne [sīlavatūpāpanne (ka. sī. ka.)];
Annañca pānañca pasannacitto, sakkacca dānaṃ vipulaṃ adāsiṃ.

1106: ‘Tena metādiso vaṇṇo...pe...vaṇṇo ca me sabbadisā pabhāsati’ ti.
Dutiyakuṇḍalīvimānaṃ navamaṃ.

10. (Uttara) pāyāsivimānavatthu

1108: ‘Yā devarājassa sabhā sudhammā, yatthacchati devasaṅgho samaggo;

Tathūpamaṃ tuyhamidaṃ vimānaṃ, obhāsayaṃ tiṭṭhati antalikkhe.

1109:‘Deviddhipattosi mahānubhāvo, manussabhūto kimakāsi puññaṃ;
Kenāsi evaṃ jalitānubhāvo, vaṇṇo ca te sabbadisā pabhāsati’ ti.

1110:So devaputto attamano...pe... yassa kammassidaṃ phalaṃ.

1111:‘Ahaṃ manussesu manussabhūto, rañño pāyāsissa ahoṣiṃ māṇavo;
Laddhā dhanaṃ saṃvibhāgaṃ akāsiṃ, piyā ca me sīlavanto ahesuṃ;
Annañca pānañca pasannacitto, sakkacca dānaṃ vipulaṃ adāsiṃ.

1112:‘Tena metādiso vaṇṇo...pe... vaṇṇo ca me sabbadisā pabhāsati’ ti.
(Uttara) pāyāsivimānaṃ [uttaravimānaṃ (sī. syā. aṭṭha.)] dasamaṃ.

Pāyāsivaggo chaṭṭho niṭṭhito.

Tassuddānaṃ –

Dve agārino phaladāyī, dve upassayadāyī bhikkhāya dāyī;
Yavapālako ceva dve, kuṇḍalino pāyāsīti [pāṭhabhedo natthi];

Purisānaṃ dutiyo vaggo pavuccatīti.

7. Sunikkhittavaggo

1. Cittalatāvimānavatthu

1114:‘Yathā vanaṃ cittalataṃ pabhāsati, uyyānasetṭhaṃ tidasānamuttamaṃ;
Tathūpamaṃ tuyhamidaṃ vimānaṃ, obhāsayaṃ tiṭṭhati antalikkhe.

1115:‘Deviddhipattosi mahānubhāvo, manussabhūto kimakāsi puññaṃ;
Kenāsi evaṃ jalitānubhāvo, vaṇṇo ca te sabbadisā pabhāsati’ ti.

1116:So devaputto attamano...pe... yassa kammassidaṃ phalaṃ.

1117:‘Ahaṃ manussesu manussabhūto, daliddo atāṇo kapaṇo kammaṃkaro ahoṣiṃ;
Jiṇṇe ca mātāpitaro abhāriṃ [abharim (sī. syā.)], piyā ca me sīlavanto ahesuṃ;
Annañca pānañca pasannacitto, sakkacca dānaṃ vipulaṃ adāsi.

1118:‘Tena metādiso vaṇṇo...pe... vaṇṇo ca me sabbadisā pabhāsati’ ti.
Cittalatāvimānaṃ paṭhamaṃ.

2. Nandanavimānavatthu

1120:‘Yathā vanaṃ nandanaṃ [nandanaṃ cittalataṃ (sī. syā. ka.), nandavanaṃ (ka.)] pabhāsati,
uyyānasetṭhaṃ tidasānamuttamaṃ;
Tathūpamaṃ tuyhamidaṃ vimānaṃ, obhāsayaṃ tiṭṭhati antalikkhe.

1121:‘Deviddhipattosi mahānubhāvo, manussabhūto kimakāsi puññaṃ;
Kenāsi evaṃ jalitānubhāvo, vaṇṇo ca te sabbadisā pabhāsati’ ti.

1122:So devaputto attamano...pe... yassa kammassidaṃ phalaṃ.

1123:‘Ahaṃ manussesu manussabhūto, daliddo atāṇo kapaṇo kammaṃkaro ahoṣiṃ;

Jiṇṇe ca mātāpitaro abhāriṃ, piyā ca me sīlavanto ahesuṃ;
Annañca pānañca pasannacitto, sakkacca dānaṃ vipulaṃ adāsiṃ.

1124:“Tena metādiso vaṇṇo...pe... vaṇṇo ca me sabbadisā pabhāsati”’ti.
Nandanavimānaṃ dutiyaṃ.

3. Mañithūṇavimānavatthu

1126:“Uccamidaṃ mañithūṇaṃ vimānaṃ, samantato dvādasa yojanāni;
Kūṭāgārā sattasatā uḷārā, veḷuriyathambhā rucakatthatā subhā.

1127:“Tatthacchasi pivasi khādasi ca, dibbā ca vīṇā pavadanti vagguṃ;
Dibbā rasā kāmaguṇetha pañca, nāriyo ca naccanti suvaṇṇachannā.

1128:“Kena tetādiso vaṇṇo...pe...vaṇṇo ca te sabbadisā pabhāsati”’ti.

1130:So devaputto attamano...pe...yassa kammassidaṃ phalaṃ.

1131:“Ahaṃ manussesu manussabhūto, vivane pathe saṅkamaṃ [caṅkamaṃ (sī.), caṅkamaṃ (syā.), samakaṃ (ka. sī.)] akāsiṃ;
Ārāmarukkhāni ca ropayissaṃ, piyā ca me sīlavanto ahesuṃ;
Annañca pānañca pasannacitto, sakkacca dānaṃ vipulaṃ adāsiṃ.

1132:“Tena metādiso vaṇṇo...pe... vaṇṇo ca me sabbadisā pabhāsati”’ti.
Mañithūṇavimānaṃ tatiyaṃ.

4. Suvaṇṇavimānavatthu

1134:“Sovaṇṇamaye pabbatasmim, vimānaṃ sabbatopabhaṃ;
Hemajālapaṭicchannaṃ [hemajālakaṇṭhapaṭicchannaṃ (sī.)], kiṅkiṇi [kiṅkaṇṭhika (syā. ka.), kiṅkiṇika (pī.)] jālakappitaṃ.

1135:“Aṭṭhaṃsā sukātā thambhā, sabbe veḷuriyāmayā;
Ekamekāya aṃsiyā, ratanā satta nimmitā.

1136:“Veḷuriyasuvaṇṇassa, phalikā rūpiyassa ca;
Masāragallamuttāhi, lohitaṅgamaṇīhi ca.

1137:“Citrā manoramā bhūmi, na tatthuddhaṃsati rajo;
Gopāṇasīgaṇā pītā, kūṭaṃ dhārenti nimmitā.

1138:“Sopāṇāni ca cattāri, nimmitā caturo disā;
Nānāratanaḡabbhehi, ādiccova virocāti.

1139:“Vediyā catasso tattha, vibhattā bhāgaso mitā;
Daddallamānā ābhanti, samantā caturo disā.

1140:“Tasmim vimāne pavare, devaputto mahappabho;
Atirocasi vaṇṇena, udayantova bhāṇumā.

1141:“Dānassa te idaṃ phalaṃ, atho sīlassa vā pana;
Atho añjalikammaṃ, taṃ me akkhāhi pucchito”’.

1142:So devaputto attamano...pe... yassa kammassidaṃ phalaṃ.

- 1143: ‘Ahaṃ andhakavindasmiṃ, buddhassādiccabandhuno;
Vihāraṃ satthu kāresim, pasanno sehi pañibhi.
- 1144: ‘Tattha gandhañca mālañca, paccayañca [paccaggañca (sī.), paccagghañca (?)] vilepanaṃ;
Vihāraṃ satthu adāsīm, vipprasanna cetasā;
Tena mayhaṃ idaṃ laddhaṃ, vasaṃ vattemi nandane.
- 1145: ‘Nandane ca vane [nandane pavane (sī. syā.)] ramme, nānādi jagaṇāyute;
Ramāmi naccagītehi, accharāhi purakkhato’’ti.

Suvaṇṇavimānaṃ catutthaṃ.

5. Ambavimānavatthu

- 1146: ‘Uccamidaṃ mañithūṇaṃ vimānaṃ, samantato dvādasa yojanāni;
Kūṭāgārā sattasatā uḷārā, veḷuriyathambhā rucakatthatā subhā.
- 1147: ‘Tatthacchasi pivasi khādasi ca, dībbā ca vīṇā pavadanti vagguṃ;
Dībbā rasā kāmaguṇettha pañca, nāriyo ca naccanti suvaṇṇachannā.
- 1148: ‘Kena tetādiso vaṇṇo...pe... vaṇṇo ca te sabbadisā pabhāsati’’ti.
- 1150: So devaputto attamano...pe... yassa kammassidaṃ phalaṃ.
- 1151: ‘Gimhānaṃ pacchime māse, patapante [patāpante (syā.), patāpente (ka.)] divaṅkare;
Paresaṃ bhatako poso, ambārāmasiñcati.
- 1152: ‘Atha tenāgamā bhikkhu, sārīputtoti vissuto;
Kilantarūpo kāyena, akilantova cetasā.
- 1153: ‘Tañca disvāna āyantaṃ, avocaṃ ambasiñcako;
Sādhu taṃ [sādhukaṃ (ka.)] bhante nhāpeyyaṃ, yaṃ mamassa sukhāvahaṃ.
- 1154: ‘Tassa me anukampāya, nikkhipi pattacīvaraṃ;
Nisīdi rukkhamaḷasmiṃ, chāyāya ekacīvaro.
- 1155: ‘Tañca acchena vārinā, pasanna mānaso naro;
Nhāpayī rukkhamaḷasmiṃ, chāyāya ekacīvaraṃ.
- 1156: ‘Ambo ca sitto samaṇo ca nhāpito, mayā ca puññaṃ pasutaṃ anappakaṃ;
Iti so pītiyā kāyaṃ, sabbhaṃ pharati attano.
- 1157: ‘Tadeva ettakaṃ kammaṃ, akāsīm tāya jātiyā;
Pahāya mānusaṃ dehaṃ, upapannaṃhi nandanaṃ.
- 1158: ‘Nandane ca vane ramme, nānādi jagaṇāyute;
Ramāmi naccagītehi, accharāhi purakkhato’’ti.

Ambavimānaṃ pañcamaṃ.

6. Gopālavimānavatthu

- 1159: ‘Disvāna devaṃ paṭipucchi bhikkhu, uce vimānaṃhi ciraṭṭhitike;
Āmuttahaṭṭhābharaṇaṃ yasassim [āmuttahaṭṭhābharaṇo yasassī (syā. pī. ka.)], dibbe

vimānamhi yathāpi candimā.

1160: ‘Alaṅkato malyadharo [mālabhārī (sī.), mālādhārī (ka.)] suvattho, sakuṇḍalī
kappitakesamassu;
Āmuttāhatthābharaṇo yasassī, dibbe vimānamhi yathāpi candimā.

1161: ‘Dibbā ca vīṇā pavadanti vagguṃ, aṭṭhaṭṭhakā sikkhitā sādthurūpā;
Dibbā ca kaññā tidasacarā ulārā, naccanti gāyanti pamodayanti.

1162: ‘Deviddhipattosi mahānubhāvo, manussabhūto kimakāsi puññaṃ;
Kenāsi evaṃ jalitānubhāvo, vaṇṇo ca te sabbadisā pabhāsati’ ti.

1163: So devaputto attamano...pe... yassa kammassidaṃ phalaṃ.

1164: ‘Ahaṃ manussesu manussabhūto, saṅgama rakkhissaṃ paresaṃ dhenuyo;
Tato ca āgā samaṇo mamantike gāvo ca māse agamaṃsu khādituṃ.

1165: ‘Dvayajja kiccaṃ ubhayañca kāriyaṃ, iccevaṃ [iccevaṃ (ka.)] bhante tadā vicintayim;
Tato ca saññaṃ paṭiladdhayoniso, dadāmi bhanteti khiṇiṃ anantakaṃ.

1166: ‘So māsakhettaṃ turito avāsariṃ, purā ayaṃ bhañjati yassidaṃ dhanam;
Tato ca kaṇho urago mahāviso, aḍaṃsi pāde turitassa me sato.

1167: ‘Svāhaṃ aṭṭomhi dukkhena pīlito, bhikkhu ca taṃ sāmaṃ muñcivānantakaṃ [muñcivā
nantakaṃ (sī.), muñcivā anantakaṃ (syā.)];
Ahāsi kummāsaṃ mamānukampayā [mamānukampiyā (pī. ka.), mamānukampāya (syā.)], tato
cuto kālakatomi devatā.

1168: ‘Tadeva kammaṃ kusalaṃ kataṃ mayā, sukhañca kammaṃ anubhomi attanā;
Tayā hi bhante anukampito bhusaṃ, kataññutāya abhipādayāmi taṃ.

1169: ‘Sadevake loke samārake ca, añño muni natthi tayānukampako;
Tayā hi bhante anukampito bhusaṃ, kataññutāya abhivādayāmi taṃ.

1170: ‘Imasmiṃ loke parasmiṃ vā pana, añño munī natthi tayānukampako;
Tayā hi bhante anukampito bhusaṃ, kataññutāya abhivādayāmi ta’nti.

Gopālavimānaṃ chaṭṭhaṃ.

7. Kaṇḍakavimānavatthu

1171: ‘Puṇṇamāse yathā cando, nakkhattaparivārito;
Samantā anupariyāti, tārakādhipatī sasi.

1172: ‘Tathūpamaṃ idaṃ byamhaṃ, dibbaṃ devapuramhi ca;
Atirocati vaṇṇena, udayantova raṃsimā.

1173: ‘Veḷuriyasuvaṇṇassa, phalikā rūpiyassa ca;
Masāragallamuttāhi, lohitaṅgamaṇīhi ca.

1174: ‘Citrā manoramā bhūmi, veḷūriyassa santhatā;
Kūṭāgārā subhā rammā, pāsādo te sumāpito.

- 1175: ‘Rammā ca te pokkharāṇī, puthulomanisevitā;
Acchodakā vip̐pasannā, sovaṇṇavālukasanthatā.
- 1176: ‘Nānāpadumasañchannā, puṇḍarīkasamotatā [samotthatā (ka.), samogatā (syā.)];
Surabhiṃ sampavāyanti, manuññā māluteritā.
- 1177: ‘Tassā te ubhato passe, vanagumbā sumāpitā;
Upetā puppharukkhehi, phalarukkhehi cūbhayaṃ.
- 1178: ‘Sovaṇṇapāde pallaṅke, muduke goṇakatthate [colasanthate (sī.)];
Nisinnāṃ devarājaṃva, upatiṭṭhanti accharā.
- 1179: ‘Sabbābharaṇasañchannā, nānāmālāvibhūsitā;
Ramenti taṃ mahiddhikaṃ, vasavattīva modasi.
- 1180: ‘Bherisaṅkhamudiṅgāhi, vīṇāhi paṇavehi ca;
Ramasi ratisampanno, naccagīte suvādite.
- 1181: ‘Dibbā te vividhā rūpā, dibbā saddā atho rasā;
Gandhā ca te adhippetā, phoṭṭhabbā ca manoramā.
- 1182: ‘Tasmiṃ vimāne pavare, devaputta mahappabho;
Atirocasi vaṇṇena, udayantova bhāṇumā.
- 1183: ‘Dānassa te idaṃ phalaṃ, atho sīlassa vā pana;
Atho añjalikammaṃ, taṃ me akkhāhi pucchito’.
- 1184: So devaputto attamano...pe... yassa kammassidaṃ phalaṃ.
- 1185: ‘Ahaṃ kapilavatthusmiṃ, sākiyānaṃ puruttame;
Suddhodanassa puttassa, kaṇḍako sahajo ahaṃ.
- 1186: ‘Yadā so aḍḍharattāyaṃ, bodhāya mabhinikkhami;
So maṃ mudūhi paṇīhi, jāli [jāla (sī.)] tambanakhehi ca.
- 1187: ‘Satthiṃ ākoṭayitvāna, vaha sammāti cabravi;
Ahaṃ lokaṃ tārayissaṃ, patto sambodhimuttamaṃ.
- 1188: ‘Taṃ me giraṃ suṇantassa, hāso me vipulo ahu;
Udaggacitto sumano, abhisīsiṃ [abhisimsiṃ (sī.), abhisīsi (pī.)] tadā ahaṃ.
- 1189: ‘Abhirūlhañca maṃ ñatvā, sakyaputtaṃ mahāyasaṃ;
Udaggacitto mudito, vahissaṃ purisuttamaṃ.
- 1190: ‘Paresaṃ vijitaṃ gantvā, uggatasmiṃ divākare [divaṅkare (syā. ka.)];
Mamaṃ channañca ohāya, anapekkho so apakkami.
- 1191: ‘Tassa tambanakhe pāde, jivhāya parilehisāṃ;
Gacchantañca mahāvīraṃ, rudamāno udikkhisāṃ.
- 1192: ‘Adassanenaṃ tassa, sakyaputtassa sirīmato;
Alatthaṃ garukābādhaṃ, khippaṃ me maraṇaṃ ahu.

1193: ‘Tasseva ānubhāvena, vimānaṃ āvasāmidam;
Sabbakāmaguṇopetaṃ, dibbaṃ devapuramhi ca.

1194: ‘Yañca me ahuvā hāso, saddaṃ sutvāna bodhiyā;
Teneva kusalamūlena, phusissaṃ āsavakkhayaṃ.

1195: ‘Sace hi bhante gaccheyyāsi, satthu buddhassa santike;
Mamāpi naṃ vacanena, sirasā vajjāsi vandanaṃ.

1196: ‘Ahampi daṭṭhuṃ gacchissaṃ, jinaṃ appaṭipuggalaṃ;
Dullabhaṃ dassanaṃ hoti, lokanāthāna tādina’nti.

1197: So kataññū katavedī, satthāraṃ upasaṅkama;
Sutvā giraṃ cakkhumato, dhammacakkhuṃ visodhayi.

1198: Visodhetvā diṭṭhigataṃ, vicikicchaṃ vatāni ca;
Vanditvā satthuno pāde, tatthevantaradhāyathāti [tatthevantaradhāyatīti (ka.)].

Kaṇḍakavimānaṃ sattamaṃ.

8. Anekavaṇṇavimānavatthu

1199: ‘Anekavaṇṇaṃ darasokaṇāsaṇaṃ, vimānamāruyha anekacittaṃ;
Parivārito accharāsaṅgaṇena, sunimmito bhūtapatīva modasi.

1200: ‘Samassamo natthi kuto panuttaro [uttari (ka.)], yasena puññaena ca iddhiyā ca;
Sabbe ca devā tidasagaṇā samecca, taṃ taṃ namassanti sasimva devā;
Imā ca te accharāyo samantato, naccanti gāyanti pamodayanti.

1201: ‘Deviddhipattosi mahānubhāvo, manussabhūto kimakāsi puññaṃ;
Kenāsi evaṃ jalitānubhāvo, vaṇṇo ca te sabbadisā pabhāsati’nti.

1202: So devaputto attamano...pe... yassa kammassidaṃ phalaṃ.

1203: ‘Ahaṃ bhadante ahuvāsi pubbe, sumedhanāmassa jinassa sāvako;
Puthujjano ananubodhohamasmi [anavabodhohamasmiṃ (sī.), ananubodhohamāsīṃ (?)], so
satta vassāni paribbajissahaṃ [pabbajissahaṃ (syā. ka.), pabbajisāhaṃ (pī.)].

1204: ‘Sohaṃ sumedhassa jinassa satthuno, parinibbutassoghatiṇṇassa tādino;
Ratanuccayaṃ hemajālena channaṃ, vanditvā thūpasmiṃ manam pasādayiṃ.

1205: ‘Na māsi dānaṃ na ca matthi dātuṃ, pare ca kho tattha samādapesiṃ;
Pūjetha naṃ pūjanīyassa [pūjaneyyassa (syā. ka.)] dhātuṃ, evaṃ kira saggamito gamissatha.

1206: ‘Tadeva kammaṃ kusalaṃ kataṃ mayā, sukhañca dibbaṃ anubhomi attanā;
Modāmahaṃ tidasagaṇassa majjhe, na tassa puññaṃ khayampi ajjhaga’nti.

Anekavaṇṇavimānaṃ aṭṭhamaṃ.

9. Maṭṭhakuṇḍalīvimānavatthu

1207 [pe. va. 186] ‘Alaṅkato maṭṭhakuṇḍalī [maṭṭhakuṇḍalī (sī.)], māladhārī haricandanussado;
Bāhā paggayha kandasi, vanamajjhe kiṃ dukkhito tuva’nti.

- 1208:**“Sovaṇṇamayo pabhassaro, uppanno rathapañjaro mama;
Tassa cakkayugaṃ na vindāmi, tena dukkhena jahāmi [jahissam̐ (sī.), jahissāmi (syā. pī.)]
jīvita’nti.
- 1209:**“Sovaṇṇamayam̐ maṇimayam̐, lohitaṅkamayam̐ [lohitaṅgamayam̐ (syā.), lohitaṅkamayam̐ (sī.),
lohamayam̐ (katthaci)] atha rūpiyamayam̐;
Ācikkha [ācikkhatha (ka.)] me bhaddamāṇava, cakkayugaṃ paṭipādayāmi te’’ti.
- 1210:**So māṇavo tassa pāvadi, “candimasūriyā ubhayettha dissare;
Sovaṇṇamayo ratho mama, tena cakkayugena sobhatī’’ti.
- 1211:**“Bālo kho tvaṃ asi māṇava, yo tvaṃ patthayase apatthiyam̐;
Maññāmi tvaṃ marissasi, na hi tvaṃ lacchasi candimasūriye’’ti.
- 1212:**“Gamanāgamanampi dissati, vaṇṇadhātu ubhayattha vīthiyā;
Peto [peto pana (sī. syā.)] kālakato na dissati, ko nidha kandatam̐ bālyataro’’ti.
- 1213:**“Saccam̐ kho vadesi māṇava, ahameva kandatam̐ bālyataro;
Candam̐ viya dārako rudam̐, petam̐ kālakatābhipatthayi’’nti.
- 1214:**“Ādittam̐ vata maṃ santam̐, ghatasittam̐va pāvakam̐;
Vārinā viya osiñcam̐, sabbam̐ nibbāpaye daram̐.
- 1215:**“Abbhā [abbūḷha (pī.), abbūḷham̐ (syā. ka.)] vata me sallam̐, sokam̐ hadayanissitam̐;
Yo me sokaparetassa, puttasokam̐ apānudi.
- 1216:**“Svāham̐ abbūḷhasallosmi, sītibhūtosmi nibbuto;
Na socāmi na rodāmi, vata sutvāna māṇavāti.
- 1217:**“Devatā nusi gandhabbo, adu [ādu (sī. syā.)] sakko purindado;
Ko vā tvaṃ kassa vā putto, katham̐ jānemu tam̐ maya’’nti.
- 1218:**“Yañca [yam̐ (ka.)] kandasī yañca rodasi, puttam̐ āḷāhane sayam̐ dahitvā;
Svāham̐ kusalam̐ karitvā kammam̐, tidasānam̐ sahabyatam̐ gato’’ti [pattoti (sī. syā. pī.)].
- 1219:**“Appam̐ vā bahum̐ vā nāddasāma, dānam̐ dadantassa sake agāre;
Uposathakammam̐ vā [uposathakammañca (ka.)] tādīsam̐, kena kammaena gatosi devaloka’’nti.
- 1220:**“Ābādhikoham̐ dukkhito gilāno, āturarūpomhi sake nivesane;
Buddham̐ vigatarajam̐ vitiṇṇakāṅkham̐, addakkhiṃ sugatam̐ anomapaññam̐.
- 1221:**“Svāham̐ muditamano pasannacitto, añjalim̐ akariṃ tathāgatassa;
Tāham̐ kusalam̐ karitvāna kammam̐, tidasānam̐ sahabyatam̐ gato’’ti.
- 1222:**“Acchariyam̐ vata abbhutam̐ vata, añjalikammassa ayamīdiso vipāko;
Ahampi muditamano pasannacitto, ajjeva buddham̐ saraṇam̐ vajāmī’’ti.
- 1223:**“Ajjeva buddham̐ saraṇam̐ vajāhi, dhammañca saṅghañca pasannacitto;
Tatheva sikkhāya padāni pañca, akhaṇḍaphullāni samādiyassu.
- 1224:**“Pāṇātipātā viramassu khippam̐, loke adinnam̐ parivajjayassu;
Amajjapo mā ca musā bhañāhi, sakena dārena ca hohi tuṭṭho’’ti.

- 1225: ‘Atthakāmosi me yakkha, hitakāmosi devate;
Karomi tuyhaṃ vacanaṃ, tvam̐si ācariyo mamāti.
- 1226: ‘Upemi saraṇaṃ buddhaṃ, dhammañcāpi anuttaraṃ;
Saṅghaṇca naradevassa, gacchāmi saraṇaṃ ahaṃ.
- 1227: ‘Pāṇātipātā viramāmi khippaṃ, loke adinnaṃ parivajjayāmi;
Amajjapo no ca musā bhaṇāmi, sakena dārena ca homi tuṭṭho’’ti.

Maṭṭhakuṇḍalīvimānaṃ navamaṃ.

10. Serīsakavimānavatthu

- 1228[pe. va. 604] Suṇoṭha yakkhassa ca vāñijāna ca, samāgamo yattha tadā ahosi;
Yathā kathaṃ itaritarena cāpi, subhāsitaṃ tañca suṇātha sabbe.
- 1229: ‘Yo so ahu rājā pāyāsi nāma [nāmo (sī.)], bhummanāṃ saḥabyagato yasassī;
So modamānova sake vimāne, amānuso mānuse ajjhabhāsīti.
- 1230: ‘Vaṅke araññe amanussaṭṭhāne, kantāre appodake appabhakkhe;
Suduggame vaṇṇupathassa majjhe, vaṅkaṃ bhayā [dhaṅkaṃbhayā (ka.)] natṭhamaṇā manussā.
- 1231: ‘Nayidha phalā mūlamayā ca santi, upādānaṃ natthi kutodha bhakkho;
Aññatra paṃsūhi ca vālukāhi ca, tatāhi uṇhāhi ca dāruṇāhi ca.
- 1232: ‘Ujjaṅgalaṃ tattamivaṃ kapālaṃ, anāyasaṃ paralokena tulyaṃ;
Luddānamāvāsamidaṃ purāṇaṃ, bhūmippadeso abhisattarūpo.
- 1233: ‘Atha tumhe kena [kena nu (syā. ka.)] vaṇṇena, kimāsamānā imaṃ padesaṃ hi;
Anupaviṭṭhā sahasā samecca, lobhā bhayā atha vā sampamūlḥhā’’ti.
- 1234: ‘Magadhesu aṅgesu ca satthavāhā, āropayitvā paṇiyaṃ puthuttaṃ;
Te yāmase sindhusovīrabhūmiṃ, dhanatthikā uddayaṃ patthayānā.
- 1235: ‘Divā pipāsaṃ nadhivāsayaṅtā, yoggānukampañca samekkhamānā,
Etena vegena āyāma sabbe [sabbe te (ka.)], rattim̐ maggaṃ paṭipannā vikāle.
- 1236: ‘Te duppayātā aparaddhamaggā, andhākulā vippanatṭhā araññe;
Suduggame vaṇṇupathassa majjhe, disaṃ na jānāma pamūlḥhacittā.
- 1237: ‘Idaṅca disvāna aditṭhapubbaṃ, vimānasetṭhañca tavañca yakkha;
Tatuttariṃ jīvitamāsamānā, disvā patitā sumanā udaggā’’ti.
- 1238: ‘Pāraṃ samuddassa imaṅca vaṇṇuṃ [vanam̐ (syā.), vaṇṇam̐ (ka.)], vettācaram̐ [vettam̐ param̐
(syā.), vettācāram̐ (ka.)] saṅkupathañca maggaṃ;
Nadiyo pana pabbatānañca duggā, puthuddisā gacchatha bhogahetu.
- 1239: ‘Pakkhandiyāna vijitaṃ paresaṃ, verajjake mānuse pekkhamānā;
Yaṃ vo sutam̐ vā atha vāpi diṭṭhaṃ, accherakaṃ tam̐ vo suṇoma tātā’’ti.
- 1240: ‘Itopi accherataraṃ kumāra, na to sutam̐ vā atha vāpi diṭṭhaṃ;
Atītamānussakameva sabbam̐, disvāna tappāma anomavaṇṇam̐.

- 1241: ‘Vehāyasam pokkharañño savanti, pahūtamalyā [pahūtamālyā (syā.)] bahupunḍarīkā;
Dumā cime [dumā ca te (syā. ka.)] niccaphalūpapannā, atīva gandhā surabhiṃ pavāyanti.
- 1242: ‘Veḷūriyathambhā satamussitāse, silāpavāḷassa ca āyatamsā;
Masāragallā sahalohitaṅgā, thambhā ime jotirasāmayāse.
- 1243: ‘Sahassathambham atulānubhāvaṃ, tesūpari sādhumidaṃ vimānaṃ;
Ratanantaram kañcanavedimissam, tapanīyapaṭṭehi ca sādhuḥchannaṃ.
- 1244: ‘Jambonaduttattamidaṃ sumatṭho, pāsādasopāṇaphalūpapanno;
Daḷho ca vaggu ca susaṅgato ca [vaggu sumukho susaṅgato (sī.)], atīva nijjhānakhamo
manuñño.
- 1245: ‘Ratanantarasmim bahuannapānaṃ, parivārīto accharāsaṅgaṇena;
Murajaālambaratūriyaghuṭṭho, abhivanditosi thutivandanāya.
- 1246: ‘So modasi nāriḅaṇappabodhano, vimānapāsādavare manorame;
Acintiyo sabbaguṇūpapanno, rājā yathā vessavaṇo naḷinyā [naḷiññaṃ (ka.)].
- 1247: ‘Devo nu āsi udavāsi yakkho, udāhu devindo manussabhūto;
Pucchanti taṃ vāṇijā satthavāhā, ācikkha ko nāma tuvaṃsi yakkho’’ti.
- 1248: ‘Serīsako [serissako (sī. syā.)] nāma ahamhi yakkho, kantāriyo vaṇṇupathamhi gutto;
Imaṃ padesaṃ abhipālayāmi, vacanakaro vessavaṇassa rañño’’ti.
- 1249: ‘Adhiccaladdham pariṇāmajam te, sayam kataṃ udāhu devehi dinnam;
Pucchanti taṃ vāṇijā satthavāhā, katham tayā laddhamidaṃ manuñña’’nti.
- 1250: ‘Nādhiccaladdham na pariṇāmajam me, na sayam kataṃ na hi devehi dinnam;
Sakehi kammehi apāpakehi, puññehi me laddhamidaṃ manuñña’’nti.
- 1251: ‘Kiṃ te vataṃ kiṃ pana brahmacariyam, kissa suciṇṇassa ayam vipāko;
Pucchanti taṃ vāṇijā satthavāhā, katham tayā laddhamidaṃ vimāna’’nti.
- 1252: ‘Mamaṃ pāyāsīti ahu samañña, rajjam yadā kārayim kosalanam;
Natthikadiṭṭhi kadariyo pāpadhammo, ucchedavādī ca tadā ahoṣim.
- 1253: ‘Samaṇo ca kho āsi kumārakassapo, bahussuto cittakathī ulāro;
So me tadā dhammakatham abhāsi [akāsi (sī.)], diṭṭhivisūkāni vinodayī me.
- 1254: ‘Tāham tassa [tāham (ka.)] dhammakatham suṇitvā, upāsakattam paṭivedayissam;
Pāṇātipātā virato ahoṣim, loke adinnam parivajjayissam;
Amajjapo no ca musā abhāṇim, sakena dārena ca ahosi tuṭṭho.
- 1255: ‘Tam me vataṃ tam pana brahmacariyam, tassa suciṇṇassa ayam vipāko;
Teheva kammehi apāpakehi, puññehi me laddhamidaṃ vimāna’’nti.
- 1256: ‘Saccam kirāhaṃsu narā sapañña, anaññathā vacanam paṇḍitānam;
Yahim yahim gacchati puññakammo, tahim tahim modati kāmakāmī.
- 1257: ‘Yahim yahim sokapariddavo ca, vadho ca bandho ca parikkilesa;
Tahim tahim gacchati pāpakammo, na muccati duggatiyā kadācī’’ti.

- 1258: ‘Sammūlharūpova jano ahosi, asmiṃ muhutte kalalīkatova;
Janassimassa tuyhañca kumāra, appaccayo kena nu kho ahosī’ ti.
- 1259: ‘Ime ca sirīsavanā [ime sirīsūpavanā ca (sī.), imepi sirīsavanā ca (pī. ka.)] tātā, dibbā [dibbā ca (pī. ka.)] gandhā surabhī [surabhiṃ (sī. ka.)] sampavanti [sampavāyanti (ka.)];
Te sampavāyanti imaṃ vimānaṃ, divā ca ratto ca tamaṃ nihantvā.
- 1260: ‘Imesañca kho vassasataccayena, sipāṭikā phalati ekamekā;
Mānussakaṃ vassasataṃ atītaṃ, yadagge kāyamhi idhūpapanno.
- 1261: ‘Disvānaṃ vassasatāni pañca, asmiṃ vimāne ṭhatvāna tātā;
Āyukkhayā puññakkhayā cavissaṃ, teneva sokena pamucchitosmī’ ti [samucchitosmīti (pī. ka.)].
- 1262: ‘Kathaṃ nu soceyya tathāvidho so, laddhā vimānaṃ atulaṃ cirāya;
Ye cāpi kho itaramupapannā, te nūna soceyyuṃ parittapuññā’ ti.
- 1263: ‘Anucchaviṃ ovadiyañca me taṃ, yaṃ maṃ tumhe peyyavācaṃ vadetha;
Tumhe ca kho tātā mayānuguttā, yenicchakaṃ tena paletha sotthi’ nti.
- 1264: ‘Gantvā mayaṃ sindhusovīrabhūmiṃ, dhanatthikā uddayaṃ patthayānā;
Yathāpayogā paripuññacāgā, kāhāma serīsamahaṃ uḷāra’ nti.
- 1265: ‘Mā ceva serīsamahaṃ akattha, sabbañca vo bhavissati yaṃ vadetha;
Pāpāni kammāni vivajjayātha, dhammānuyogañca adhiṭṭhahātha.
- 1266: ‘Upāsako atthi imamhi saṅghe, bahussuto sīlavatūpapanno;
Saddho ca cāgī ca supesalo ca, vicakkhaṇo santusito mutimā.
- 1267: ‘Sañjānamāno na musā bhaṇeyya, parūpaghātāya na cetayeyya;
Vebhūtikaṃ pesuṇaṃ no kareyya, saṇhañca vācaṃ sakhilaṃ bhaṇeyya.
- 1268: ‘Sagāravo sappatīso vinīto, apāpako adhisīle visuddho;
So mātaraṃ pitarañcāpi jantu, dhammena poseti ariyavutti.
- 1269: ‘Maññe so mātāpitūnaṃ kāraṇā, bhogāni pariyesati na attahetu;
Mātāpitūnañca yo [so (?)] accayena, nekkhammaṇo carissati brahmacariyaṃ.
- 1270: ‘Ujū avaṅko asaṭho amāyo, na lesakappena ca vohareyya;
So tādiso sukatakammakārī, dhamme ṭhito kinti labhetha dukkhaṃ.
- 1271: ‘Taṃ kāraṇā pātukatomi attanā, tasmā dhammaṃ passatha vāñijāse;
Aññatra teniha bhasmī [bhasmi (syā.), bhasma (ka.)] bhavetha, andhākulā vippanaṭṭhā araññe;
Taṃ khippamānena lahuṃ parena, sukho have sappurisena saṅgamo’ ti.
- 1272: ‘Kiṃ nāma so kiñca karoti kammaṃ,
Kiṃ nāmadheyyaṃ kiṃ pana tassa gottaṃ;
Mayampi naṃ daṭṭhukāmamha yakkha, yassānukampāya idhāgatosi;
Lābhā hi tassa, yassa tuvaṃ pihesī’ ti.
- 1273: ‘Yo kappako sambhavanāmadheyyo,
Upāsako kocchaphalūpajīvī;

Jānātha naṃ tumhākaṃ pesiyo so,
Mā kho naṃ hīlītha supesalo so’’ti.

1274:‘‘Jānāmase yaṃ tvaṃ pavadesi [vadesi (sī.)] yakkha,
Na kho naṃ jānāma sa edisoti;
Mayampi naṃ pūjayissāma yakkha,
Sutvāna tuyhaṃ vacanaṃ uḷāra’’nti.

1275:‘‘Ye keci imasmiṃ satthe manussā,
Daharā mahantā athavāpi majjhimā;
Sabbeva te ālambantu vimānaṃ,
Passantu puññānaṃ phalaṃ kadariyā’’ti.

1276:Te tattha sabbeva ‘ahaṃ pure’ti,
Taṃ kappakaṃ tattha purakkhatvā [purakkhipitvā (sī.)];
Sabbeva te ālambiṃsu vimānaṃ,
Masakkasāraṃ viya vāsavassa.

1277:Te tattha sabbeva ‘ahaṃ pure’ti, upāsakattaṃ paṭivedayiṃsu;
Pāṇātipātā viratā ahesuṃ, loke adinnaṃ parivajjayiṃsu;
Amajjapā no ca musā bhaṇiṃsu, sakena dārena ca ahesuṃ tuṭṭhā.

1278:Te tattha sabbeva ‘ahaṃ pure’ti, upāsakattaṃ paṭivedayitvā;
Pakkāmi sattho anumodamāno, yakkhiddhiyā anumato punappunaṃ.

1279:‘‘Gantvāna te sindhusovīrabhūmiṃ, dhanatthikā uddayaṃ [udaya (pī. ka.)] pathhayānā;
Yathāpayogā paripuṇṇalābhā, paccāgamuṃ pāṭaliputtamakkhataṃ.

1280:‘‘Gantvāna te saṅgharaṃ sotthivanto,
Puttehi dārehi samaṅgibhūtā;
Ānandī vittā [ānandacittā (syā.), ānandīcittā (ka.)] sumanā patītā,
Akaṃsu serīsamahaṃ uḷāraṃ;
Serīsakaṃ te pariveṇaṃ māpayiṃsu.

1281:Etādisā sappurisāna sevanā,
Mahatthikā dhammaguṇāna sevanā;
Ekassa atthāya upāsakassa,
Sabbeva sattā sukhitā [sukhino (pī. ka.)] ahesunti.

Serīsakavimānaṃ dasamaṃ.

11. Sunikkhittavimānavatthu

1282:‘‘Uccamidaṃ maṇithūṇaṃ vimānaṃ, samantato dvādasa yojanāni;
Kūṭāgārā sattasatā uḷārā, veḷuriyathambhā rucakatthatā subhā.

1283:‘‘Tatthacchasi pivasi khādasi ca, dibbā ca vīṇā pavadanti vagguṃ;
Dibbā rasā kāmaguṇettha pañca, nāriyo ca naccanti suvaṇṇachannā.

1284:‘‘Kena tetādiso vaṇṇo, kena te idha mijjhati;
Uppajjanti ca te bhogā, ye keci manaso piyā.

1285: ‘Pucchāmi ‘taṃ deva mahānubhāva, manussabhūto kimakāsi puññaṃ;
Kenāsi evaṃ jalitānubhāvo, vaṇṇo ca te sabbadisā pabhāsati’ ’ti.

1286: So devaputto attamano, moggallānena pucchito;
Pañhaṃ puṭṭho viyākāsi, yassa kammassidaṃ phalaṃ.

1287: ‘Dunnikkhittaṃ mālaṃ sunikkhipitvā, patiṭṭhapetvā sugatassa thūpe;
Mahiddhiko camhi mahānubhāvo, dibbehi kāmehi samaṅgibhūto.

1288: ‘Tena metādiso vaṇṇo,
Tena me idha mijjhati;
Uppajjanti ca me bhogā,
Ye keci manaso piyā.

1289: ‘Akkhāmi te bhikkhu mahānubhāva,
Manussabhūto yamaṃ akāsiṃ;
Tenamhi evaṃ jalitānubhāvo,
Vaṇṇo ca me sabbadisā pabhāsati’ ’ti.

Sunikkhittavimānaṃ ekādasamaṃ.

Sunikkhittavaggo sattamo niṭṭhito.

Tassuddānaṃ –

Dve daliddā vanavihārā, bhatako gopālakaṇḍakā;
Anekavaṇṇamaṭṭhakaṇḍalī, serīsako sunikkhittaṃ;
Purisānaṃ tatiyo vaggo pavuccatīti.

Bhāṇavāraṃ catutthaṃ niṭṭhitaṃ.

Vimānavatthupāli niṭṭhitā.